

十一朝東華錄學要



092106

穆宗毅皇帝

癸亥。同治二年。秋九月。乙巳朔。

諭議政王軍機大臣等。惲世臨奏越境擊退黔匪。並

髮逆闖入楚境。迎剿獲勝。請留郭嵩燾及朱孫詒擬即赴陝各摺片。此股髮逆。係屬百戰之餘。見在蓄意回竄楚南。且恐與沅寶一帶餘匪勾合。惲世臨見令總兵趙福元暫駐沅江。並令田宗營等協防沅州府城。分飭王永章所部及戈鑑一軍會合防剿。著即督飭在營將士嚴密布置。務將匪徒就近殲除。毋得縱令他竄黔中苗匪屢次撲近涼繖。均經楚軍擊卻。著惲世臨督飭在防文武。扼要堵截。俟髮逆撲滅後。即調周洪印等軍。越境赴黔。會合該省兵勇。掃淨逆氛。以清積年邊患。見在楚省軍務未平。郭嵩燾著准其暫留湖南。幫同該撫辦事。俟全省肅清後。仍遵前旨。飭令該員前赴直隸。交劉長佑差遣。陝省軍情緊要。朱孫詒既已病痊。著即飭令迅赴多隆阿軍營。毋稍遲誤。命已革署甘肅提督馬德昭馳赴甘肅慶陽軍營。交陝甘總督熙麟差委。丁未。諭議政王軍機大臣等。皖捻接踵竄豫。見分三股。一由禹州竄登

東華錄學要


卷九十九

同治二年

商務印書館印行

封。依山踞險。經張曜等揮軍奪隘。匪勢不支。向龍門東南回竄登境。張之萬等已添派永安等會合進剿。著即督飭張曜等滾營進紮。逼賊出險。再行鈔剿。勿令與大金店匪股勾合。其南走襄城之股。經沿途兵練截殺。見竄唐縣。知府傅壽彤調除旗鎮練勇往剿。並商令總兵圖塔納派兵援應。著即飭令調齊兵練探蹤進剿。毋任擾及宛洛一帶。其由沈邱續竄之股。經李世玉等剿勝馬賊。又竄近郟境。張之萬已飛飭孫之友李世玉等馳赴襄郟一路。嚴扼竄路。著即飭令認真進剿。勿令與前竄各股會合。致滋延蔓。西路登封股匪。為張總愚大隊。該處山徑紛歧。設由此西犯。疾趨潼關。秦晉二省。皆將震動。著多隆阿英桂張集馨嚴飭在防文武。加意防範。如探聞逆匪有竄近消息。即派兵出境。會合豫省之軍。合力夾擊。毋任匪蹤擾及境內。是為至要。戊申。諭議政王軍機大臣等。寶帶橋為水陸要區。見經我軍攻克。則攻取蘇

城。已成破竹之勢。著李鴻章激勵將弁。節節進攻。至無錫一路。攻剿正極得手。著李鴻章飭劉銘傳等軍趕緊進紮。與郭松林等軍聯絡聲勢。為規取無錫之計。偽忠王李秀城。已於八月十一日由金陵回蘇。所帶賊黨甚眾。意欲立解蘇城之圍。見在忠逆既回蘇郡。金陵老巢。勢必空虛。我軍正可乘此機會。迅圖攻取。著曾國藩督飭



男 翰 章 恭 校

曾國荃等。將如何乘虛進搗圖拔堅城。俾金陵蘇州之賊首尾不能兼顧。庶我軍於該二城或有一處可以得手之處。酌度機宜。妥爲辦理。諭李鴻章奏。上海學習洋人火器。見製開花礮自來火等件。蠱具規模。必須好學深思之文員。會同講求。始可推行盡利。查有江西候補知縣丁日昌在廣東高州軍營督辦火器。業已告竣。請飭催赴滬等語。上海官軍。刻下進攻蘇州。逼城而壘。正形得手。所需軍火。尤屬刻不容緩。著毛鴻賓宴端書郭嵩燾速即飭令丁日昌趕緊啓程赴滬督匠製造。己酉。

諭金陵官軍攻克上方橋江東橋諸賊壘。剿辦甚屬得手。著曾國藩即行知曾國荃督飭將士乘機攻取。將城外各賊營次第掃蕩。俟各路官軍會齊後。再圖合圍。以期攻拔堅城。青陽被圍一月有餘。危急萬分。李榕部將鄭陽和在袁橋築營。被逆匪攻陷。雖經喻吉三攻破袁橋賊壘。而賊勢並未大創。江忠義席寶田兩軍見已繼進。著曾國藩嚴飭該提督等。合謀力戰。迅解城圍。並著曾國藩左宗棠分飭劉典王文瑞王沐等軍。速由徽郡分道出嶺。規復石埭太平。與江忠義等軍。會合夾擊。將此股賊匪就地殲除。見在皖南羣盜如毛。非西趨江右。即東併金陵。曾國藩見調鮑超一軍回援上游。先赴蕪湖甯國。著即飭令會同該處駐守各軍。併力合剿。先將涇縣甯國

### 東華錄要

卷九十九

同治二年

一

商務印書館印行

各匪堵除淨盡。再行約會池太各軍。將該處賊氛悉行掃蕩。以期肅清金陵後路。皖北軍情緊急。富明阿見帶馬步勁旅二千名。力勇三百名。由揚州馳赴臨淮。著與唐訓方籌商。合力攻剿。前經諭令富明阿督同王萬清所部。駐紮淮河北岸。力顧淮北一路。並督同陳國瑞之軍。互相聯絡策應。先解蒙城之圍。即會攻苗逆老巢。著仍遵前旨辦理。陳國瑞所部兵勇。餉需火藥。著吳棠慎遵前奉諭旨。迅速籌給。以便該總兵即行起程赴蒙。並飭姚廣武一軍。歸陳國瑞調遣。見在宋傑詩股匪。數日之間。往返馳騁千數百里。該匪均係馬隊。飄忽異常。且保官兵裝束。誠恐假冒官兵。僞稱救援蒙城。與苗逆合夥。著富明阿吳棠唐訓方。即行知照各路軍營。與地方文武各官。先事豫防。勿爲所誤。其淮河南岸。穎壽各路。仍著曾國藩飭令蔣凝學等軍。悉歸唐訓方調度。認真進剿。李世忠見已親督五千人赴臨。夾淮分屯。著唐訓方加意籠絡。見在臨淮兵力已厚。應即力圖進攻淮南各要隘。以掣蒙城苗逆之勢。不可畫疆自守。坐失事機。富明阿蔽疾未痊。不能乘騎。著准其乘坐肩輿。該都統見將所製開花礮六尊。並存米一千餘石。帶赴臨淮。並查明糧臺將姜堰等三處河釐提取。爲添造礮位購買米石之用。都興阿所奏南岸包港超瓢港陸洲等處。共有逆匪三大股。約

二萬餘人並有賊船停泊孟河等語。難保該匪非因江陰潰退。無處奔逃。意欲四散紛竄。江陰等處被難百姓。固不宜禁其北渡。然匪徒之涸迹冒充。亦不可不嚴行稽察。著於衝要地方。酌定何處渡口。濟渡難民。其餘渡口。概行封禁。以防逆匪涸迹。並著都興阿。吳棠。李鴻章。妥議章程。仍著都興阿。督飭水師。嚴密梭巡。毋令賊匪占踞沿江洲地。致防剿又形費手。庚戌。諭富陽一城。爲杭城上游鎖鑰。逆賊負隅踞守。經左宗棠督飭水陸各軍。竭數月之力。將縣城攻克。並將新橋賊壘。一併攻破。該逆望風逃竄。自應乘此聲勢。規復杭城。見在蔣益澧統率各營。沿江而下。逼杭城十五里。而營。左宗棠亦已移紮富陽。相機調度。著即激勵諸軍。鼓勇前進。攻拔堅城。毋失機會。水師戰船業已進薄杭城。著該督嚴飭該將弁等。認真攻擊。與陸軍相輔而行。康國器已由富陽直趨餘杭。魏喻義由新城出師夾擊。著該督即飭令該員等迅圖攻克。以孤杭城之勢。一俟餘杭攻拔。卽迅速攻取海甯州城。則浙東之防可固。且與蘇省規取嘉善之軍。聲勢可期。聯絡僞聽王。見由嘉興星夜回杭。嘉郡自必空虛。如機有可乘。李鴻章卽可檄飭將士。相機乘虛進搗。以牽賊勢。著李鴻章酌量調遣浙省餉源。以鹽務爲大宗。紹所早經克復。新醴亟須整頓。運司李榕。見在帶兵。一時

東華錄擊要 卷九十九 同治二年 二 商務印書館印行

未能赴任。著該督遴選賢能署理。俾免曠誤。辛亥。諭宴端書黃贊湯奏。高州剿賊疊勝。連破逆巢。暨陽江陽春軍情。並克復廣海寨城各一摺。逆匪陳金缸竄踞信宜。以南山爲屏蔽。從前屢次進兵。多未得手。崑壽督飭卓興等激勵將士。鼓勇猛攻。連破南山白花塘等處賊巢。實爲數年罕有之捷。見在驍賊劉超等疊次敗潰。其鋒已挫。從此轉戰而前。可冀擒渠搗穴。毛鴻賓郭嵩燾均已啓程赴粵。著於到省後督飭各軍。乘勝進剿。未到以前。仍著宴端書會同崑壽妥籌進剿。陽江陽春二縣。爲省城至高州水陸必經之地。一日不靖。則高州之軍火餉銀。終形梗阻。宴端書等擬將該處各匪先行剿除。卽著嚴飭各路官軍。安速進剿。粵東庫款支絀。兵餉不敷。轉瞬毛鴻賓所募楚勇。陸續到粵。餉項又復增多。宴端書等見已設法籌辦。並著毛鴻賓郭嵩燾於抵任後。實力籌畫。務令餉源充裕。廣海寨城業經克復。在逃餘匪尙多。自應嚴爲搜緝。著毛鴻賓等督率地方官史。持平妥辦。殄除首惡。寬免脅從。俾土客各民。知畏知感。庶可永消後患。吳昌壽似應暫緩赴任。或調往高州助剿。抑令先清陽江陽春等處各匪。並著該督撫斟酌妥辦。壬子。調江忠濬爲四川布政使。以馬新貽爲安徽布政使。英翰爲安徽按察使。甲寅。諭張之萬奏。大金店股匪被剿南

遁。見飭追躡迎剿一摺。盤踞大金店之張總愚大股。恃衆阻險。經張曜督飭馬步各隊奮力攻剿。該匪棄險狂奔。張曜拔隊由汝州一路追躡。張之萬見調永奎馬隊。由葉裕繞出賊前。並飭王文行勇隊取道襄城。遏賊東竄。著卽嚴飭諸軍前截後追。乘該匪喘息未定。盡力剿洗。並檄飭南陽鎮總兵知府督率兵團。遏賊奔軼之路。其李大箇子股匪。由永夏之交。突竄會亭一帶。雖經毛昶熙督飭成景等擊退。惟蘭考睢杞之間。無險可扼。難保不乘我不備。率衆西趨。仍著張之萬毛昶熙檄飭各營及地方文武嚴密防範。不得稍有鬆懈。尹嘉賓徐連陞克復高寨。而捻首秦宣等竄入沈阜邊界之李王兩寨。並襲破劉坤圩。以爲犄角之勢。亟宜乘勝殲滅。肅清疆圉。著張之萬等飭令尹嘉賓等會同地方團勇。迅將王李等寨攻拔。殲擒秦宣各逆。期於盡絕根株。慶昫奏甯夏回匪具吉悔罪。命妥覈之。以陝西漢中城固府縣兩城失陷。革道員張由庚總兵官朱桂秋職。仍留營督巡。並撫張集馨布政使毛震壽等。分別議處嚴議。

乙卯。諭議政王軍機大臣等。多隆阿奏收復高陵縣城。涇河迤北一律肅清。及攻拔永樂店等處賊巢各摺片。見在軍威大振。該逆自必聞風膽落。亟宜乘勝進攻。著多隆阿督飭諸軍移營前進。節節掃蕩。將咸陽迤西乾邠等處賊巢

東華錄要 卷九十九 同治二年

四

商務印書館印行

削平。並嚴杜該匪往西北奔竄之路。馬陞一軍曾馳抵咸陽。如敢任意遷延。卽著從嚴參辦。鳳翔被圍已久。望援急切。若赴救再遲。恐蹈漢中覆轍。該大臣當嚴飭陶茂林速將曹逆殄除。剋日直達鳳翔。多隆阿亦當親督大軍。由高陵節節前進。爲之聲援。漢中失守以後。賊勢若何潰散。兵勇能否招集成軍。仍著該大臣速飭毛震壽就見有兵力。扼要堵禦。該處兵將無所統屬。事權不一。多隆阿仍當妥籌兼顧。其子午谷一帶。爲省垣門戶。關繫甚重。著督同張集馨豫爲布置。洛陽捻匪。雖由東南竄去。惟該逆匪奔突靡定。且張總愚一股。勢甚剽悍。潼商等處防務。未可稍鬆。如有西竄信息。卽速撥勁旅前來截剿。丙辰。以覆奏失實。革將軍穆騰河職。賞副都統銜。授爲巴里坤領隊大臣。庚申。麟興奏俄人在伊犁卡外。屢次撲犯官兵營盤。均經我兵擊退。見仍飭坐卡侍衛。實力偵探報聞。辛酉。諭議政王軍機大臣等。多隆阿奏官軍疊破賊巢。大獲全勝。見仍督軍西進。並陶茂林由郿縣進剿情形各摺片。遂回由渭河至涇河。綿五十餘里。排隊抗拒。經多隆阿親督各營。分左右兩路進攻。將蘇家溝渭城賊巢。先後攻破。渭城餘匪。奪路奔逸者。馬賊不過五六百人。步賊不過一千餘人。著張集馨會同德興阿嚴密防範。相機截剿。雷正綰統帶所部各營。仍

由涇陽渡河。曹克忠見赴咸陽。卽著該署提督等擇要駐紮。力扼該逆西竄之路。其咸陽之白起營馬家埠賊巢。及醴泉郿乾等賊黨。著多隆阿節節進剿。以期迅就肅清。派援鳳翔之陶茂林一軍。由省取道藍鄠鄜縣一帶前進。沿途遇有賊匪。該總兵整隊截殺。屢破賊壘。見在槐芽鎮至鄠縣四十里。尚有餘逆肆擾。著卽飭令陶茂林統率所部。乘勝進攻。掃除零匪。疏通糧路。俾官軍暢行無滯。得以速抵鳳翔。庶可力解重圍。鳳郡望援甚急。多隆阿嚴飭該總兵趕緊前進。毋得稍涉遲延。正在寄諭聞。據穆騰阿奏訓練旗兵及防守出力。並應行遣撤各員。請分別辦理各摺片。所稱挑選精壯旗民二千名。時加操演各事宜。係西安將軍應辦之事。著多隆阿卽飭管帶各員。勤加訓練。以備防剿。所請各員獎勵等情。並著多隆阿覆加查覈。如果實有勞績。再行奏請獎敘。壬戌。命劉長佑嚴防畿南騎馬賊匪。甲子。諭前據多隆阿奏報官軍疊破蘇家溝渭城等賊巢。當經寄諭該將軍等節節進攻。張集馨等嚴防渭城。餘匪竄擾近省一帶。茲據穆騰阿等奏攻克馬家堡白起營要隘等情形。諒多隆阿奏報當亦在途。咸陽境地廓清。醴郿一帶。更可乘機進剿。雷正綰攻克塔底等賊之後。自可與多隆阿會合。務將陝省西路迅速掃蕩。盡殄逆氣。曹克忠之軍。

### 東華錄要

卷九十九

同治二年

五

商務印書館印行

著卽准其回駐近省。以顧根本。或分兵一二營。會同福兆調集鄉團。前往商南。將藍二逆股迅籌撲滅。兼顧潼關門戶。以防豫捻乘閒窺竄。著多隆阿妥籌辦理。潼關商雒地方。均極扼要。見在豫省捻股。竄及河洛。藍逆尙踞鎮安。潼關東南兩面。同爲喫重。多隆阿務遵疊次諭旨。妥籌備禦。毋稍疏虞。曹克忠一軍。既駐近省。其子午谷要口。卽應責令隨時嚴備。漢中逆匪下竄。以固省防。其陶茂林之軍。沿途轉戰。將鄜縣柿林及槐衙鎮等賊壘。一併攻克。著卽懷遠前旨。飛催前進。由扶風岐山直趨鳳翔。力解城圍。毋稍遲滯。漢中城固失守情形。據張集馨所奏。何以毛震壽與川將所稟互爲歧異。究竟該城是否爲賊所踞。漢郡人民曾否潰圍而出。慮又熊何以開門出走。見往何處。沔縣文武收復城池。是否確實。劉蓉由川入陝。計已行抵漢南。著將漢中城固被賊確實情形。迅速查奏。並懷遠疊次諭旨。統率各軍速籌進剿之方。將漢郡等城早圖攻克。洋縣等賊痛加剿創。以殄逆氛。藍逆尙踞鎮安。李雲麟前奏擬將此股先爲掃除。以期次第進剿。著卽迅速進兵。官文等飭令梁作楫所部。固守楚邊。卽與李雲麟進剿之軍。相爲策應。石逆中旗一股。竄及略陽境地。經代理知縣劉希寬督團擊走。既從白水江一路將入甘省地界。該省兵力更單。豈容悍賊再行紛擾。

並著劉蓉李雲麟力籌兼顧。母任賊氛延及甘省。張集馨另摺奏整頓撫標三營。籌畫津貼銀兩。招募缺額。以實營伍各節。即著照所議辦理。至各省舉行團練及堅壁清野之法。歷經奉有諭旨。諄諄訓誡。該署撫所請通飭陝省遵行之處。著毋庸再降諭旨。即由張集馨遵查歷屆所頒諭旨條款。認真舉辦。雷正綰督兵赴甘。軍餉甚爲緊要。仍著張集馨督飭藩司設法籌撥。乙丑。諭議政王軍機大臣等。李鴻章督飭各營。進規無錫。聯絡進紮。將斷蘇州咽喉之路。僞忠逆侍逆等各率大股。自金陵來援。帶領白齊文黨衆火輪炸礮等船。計圖攻破大橋角等營盤。直入常熟太倉。掣動各軍後路。勢極狡橫。諸軍喋血苦戰。擊走援賊各營。得以轉危爲安。僞忠逆等計索而去。白齊文亦窮蹙乞降。雖爲賊所囚殺。尙未確實。亦復無能爲役。我軍將士。此次實爲異常出力。著李鴻章加意拊循。傳旨嘉獎。此時援賊屢敗。賊亦經疊創。而困獸猶鬥。仍令飭令李鶴章程學啓等穩紮穩進。毋以垂成之功。稍涉驕懈。蘇州城大池深。賊以附河堅壘。面面死守。屢欲乘虛狡逞。著李鴻章飭令程學啓李朝斌等嚴扼要隘。制其奔突。仍當聯絡各路之軍。相機攻取。左宗棠所部蔣益澧等軍。自攻克富陽後。即當進圖杭城。曾國藩昨奏青陽圍解。將督各軍驅除皖南各股。東接浙

東華錄要

卷九十九

同治二年

六

商務印書館印行

師之氣。北絕金陵之援。並著李鴻章隨時函會咨商。總期金陵杭蘇。同時並圖進取。以挽東南全局。庚午。諭議政王軍機大臣等。熙麟奏援平弁勇。連破銅城丈八寺等處賊巢一摺。另片奏陝回西竄。請簡派大員帶兵來甘助剿等語。平涼失守之後。賊氛益肆。此次余萬朋帶勇僅二千餘名。竟能將備同心。三日之內。連破堅壘。從此軍威一振。即可節節剿洗。著熙麟督飭余萬朋等乘勝進取。規復平涼。陝省敗回紛紛西竄。白集原神浴河等處。愈聚愈多。涇甯情形。倍形喫重。熙麟雖派陝勇一營赴涇扼守。而兵數甚單。且固原股匪竄擾環縣屬境。尤爲慶陽門戶之憂。必應厚集兵力。方能大挫兇鋒。前據多隆阿奏已飭雷正綰帶領十營。前赴固原援剿。此時甘省軍情喫重。雷正綰務當趕緊啓程。鼓行而西。相機進剿。陶茂林計已到鳳。即著多隆阿飭令迅解鳳翔之圍。前赴甘省。會同剿賊。成祿向隨雷正綰剿回。甚爲出力。熙麟請飭該總兵帶隊來甘之處。能否抽調。著多隆阿斟酌辦理。見在援甘兵勇。爲數已不爲少。而雷正綰等又屬久歷行陣。勇敢素著之員。指日大兵雲集。自可迅奏膚功。熙麟當督飭在營將士。踴躍赴功。慎重防剿。宜君縣爲河東餉道所經。見在該縣村莊。被賊竄擾。自應趕緊殲除。以通糧路。著熙麟嚴飭馮元佐等聯絡民團。實力剿

辦。以林壽圖爲陝西布政使。壬申。諭議政王軍機大臣等。駱秉章奏攻剿李幅猷股匪。疊獲大勝。賊氛窮蹙。遠遁。漢南援軍先勝後挫。見籌布置情形各摺。髮逆李幅猷率黨由正安發川。竄至彭水之周家寨。經官軍痛剿。由梅子壩竄西陽之學堂坪兩河口。前隊已竄入黔江。復經官軍擊敗。該逆由繞壩遁入湖北之咸豐縣。復折竄黔江。由龍潭奔竄秀山。旋敗竄平塊。至邑梅濫橋。遁入黔境。餘賊自花園入湖南麻陽一帶。與惲世臨前奏髮逆闖入楚境情形大略相同。該逆經楚軍截剿之後。復被痛創。殘餘諒難再張。亟應協力進剿。以圖聚殲。著駱秉章惲世臨各飭在防官軍。會合進攻。兩面夾擊。迅殲醜類。將此股賊匪就地掃除。毋令再肆蔓延。李幅猷一股。既遁入黔境。黔省銅仁土匪包逆。見尙游駛黔蜀邊界。酉秀一帶。自應嚴密防禦。所有該督派出駐防秀山之果後軍三營。卽著駱秉章飭令認真捍禦。嚴加守備。毋稍疏懈。致黔匪得以闖入川疆。並著勞崇光張亮基迅派得力兵將。將李幅猷敗竄餘匪。及銅仁土匪。會合川軍。分投夾擊。實力殲除。毋任蔓延句結。漢南援軍新挫。賊勢鴟張。陝南固形糜爛。而川北各隘之防。亦更形喫重。且中旗逆匪。由略陽竄蔓甘肅徽縣一帶。已出川軍之左。駱秉章見派許蔭棠率所部赴壽莊。聚鴻鈞率所部由

東華錄要 卷九十九 同治二年

商務印書館印行

松潘前住合紮。調果後九營馳赴保甯一路。所籌均尙周妥。務須飭令派出各軍。實力防剿。以固川疆。劉蓉已抵保甯。著卽迅速前進。相機剿辦。迅克漢中城固等城。惟該撫所恃以進剿之軍。卽此湘果等營。見在銳氣已挫。一時恐難進攻。應否將派赴保甯之果後九營。移紮前敵。協同剿洗之處。著駱秉章劉蓉酌度情形。妥籌辦理。癸酉。諭官文嚴樹森奏。率捻分股竄擾鄂疆。水陸疊剿獲勝一摺。捻匪由豫省竄入楚北鍾祥縣境。拆回隨棗。歷隨州德安應山以至孝感雲夢。復分股由隨州之茅茨畝南趨京山天門。至應城之長江埠。均經官軍水陸截剿。疊獲勝仗。官文等見飭各軍分道窮追。著卽飭令在事文武實力堵剿。務將各匪就地殲除。毋任旁竄。其王金奎一股。復有由豫省臨潁舞陽一帶。竄擾鄂疆之信。著官文嚴樹森分布兵勇。嚴密遏截。並著張之萬迅速派兵截擊。杜其竄鄂之路。隨棗應山一帶。接壤兩陽信陽。該匪被鄂省追剿緊急。勢必回擾豫疆。應城孝感一帶。距皖省西界較近。亦應防其竄入。著曾國藩張之萬各於交界地方。派兵防堵。會合鄂軍。前後夾擊。毋任匪蹤奔突。毫無攔阻。此次捻股分擾鄂豫兩省。飄忽靡常。往來如織。曾國藩張之萬務當與官文等合力同心。將該逆痛加堵蕩。毋得各顧本境。強分畛域。致令匪蹤蔓延。是爲



至要。冬十月丙子。諭五龍橋爲蘇州下太湖之鎖鑰。該逆憑河築壘。經程學啓

等督軍分路進攻。立破五龍橋賊壘。其嘉湖竄撲吳江同里之賊。復於長板橋等處。疊次被創。百龍橋八坵一帶賊營密布。直至平望。復經程學啓督軍進擊。生擒僞貴王陳得勝及悍賊千餘。共破賊營三十餘座。追至平望。該逆望風奔潰。立將平望西首大橋拆毀。逆匪三萬餘人逃出不及一半。見在蘇州婁門葑門盤門各路俱斷。嘉湖援賊。復受大創。事機甚爲順手。著李鴻章卽飭五龍橋寶帶橋長生橋水陸各軍嚴密扼紮。毋致爲賊所乘。惟忠逆糾合各僞王大股。萃於西路。力援無錫。以護蘇城援賊。一日不清。則蘇錫勢難進取。見在護逆受創於芙蓉圩。侍逆亦爲劉銘傳等逐退高橋。其鋒已挫。卽著飭令各軍合力併圖忠逆。先將該逆大股痛加剿戮。再行設法攻城。惟值此蘇賊窮蹙各軍屢勝之餘。尤當穩紮穩進。相機進取。不可稍有挫失。

戊寅。賜黃大元等四十九人武進士及第出身有差。己卯。諭多隆阿奏。官軍馳抵鳳翔。城圍已解。及分兵各路援剿情形一摺。鳳翔被圍。至十四月之久。經陶茂林等督軍援救。城圍立解。皆由多隆阿調度有方。所向奏績。深堪嘉尙。見在甘省賊氛甚熾。卽著飭令陶茂林將附城賊壘。並所屬回巢。趕緊掃蕩。迅赴甘省。會合雷正

東華錄要 卷九十九 同治二年 八 商務印書館印行

綰之師。剿辦回逆。雷正綰見已由邠州一帶赴甘。力圖恢復平涼。曹克忠一軍。又進剿白吉原老巢。是甘省援兵雲集。熙麟當督率各軍。隨時分兵策應。並就見有兵力。慎重防剿。鳳翔各屬被擾。一切善後事宜。著劉蓉張集馨督屬。妥爲辦理。總理各國事務衙門奏採買輪船一事。前經內外諸臣詳議。不惜重價。原期利器歸公。操縱由我。將代買輪船之李泰國所定十三條駁正。酌改五條。奏明行知各省。此次管帶輪船之阿思本到後。李泰國忽將前次議定業經奏准之五條。背而不遵。仍將駁正不用之十三條。從新提起。定欲照辦。此十三條。與札飭赫德李泰國原文設立合同之意不符。見與卜魯士等會商。將輪船撤退。買價仍由英國交還中國。卜魯士亦允照辦。惟弁兵薪工及來往經費。議由中國備給。並另賞阿思本銀一萬兩。李泰國以辦船貽誤革退。其總稅務司一缺。派赫德辦理。該稅務司能否稱職。再行察看具奏。隨時辦理。得旨允行。庚辰。諭議政王軍機大臣等。劉長佑奏直境已無賊蹤。見將兵勇分別撤留。妥籌善後一摺。宋逆分股賊目邱得勝李得城程來書夥賊葛登福梁兆玉等二百八十餘名。均經劉長佑飭屬擊獲正法。岳金聲匪夥亦悉數擒斬。賊目程敬書已在山東館陶縣擊獲。直隸全境已無匪蹤。前調兵勇。自應分別撤留。

即著照該督所擬辦理。據山東所獲賊目供稱宋懋詩改穿藍布棉襖。冒充孔姓。乘馬向山路逃逸等語。亟應嚴行搜捕。著閩敬銘督飭屬員實力查拏。諭勞崇光張亮基奏。克復普安廳城。見籌剿辦新城踞匪。進圖貞豐興義。髮逆竄擾松桃廳境。請將總兵李有恆革職。勒限剿賊各摺片。普安廳城爲回匪襲踞。千總李馥畧同知錢壩等督練攻克。擒斬多名。餘匪逃赴興義。見在普安安南二縣。亦經收復。勞崇光等已飭將弁分軍進剿貞豐新城。著即督令在事各員。迅將該二城攻拔。進軍興義。與廣西知州陳錫藩會合夾擊。髮逆李宰輔等經婺川兵勇擊退後。逃往四川彭水縣境。復由西秀等處竄入黔省。松桃廳同知劉侶鶴等督率兵勇擊退。追至湖南邊境。珥落地方。此股逆匪往來川黔楚南邊境。奔突靡常。著勞崇光張亮基駱秉章懋世臨各派兵勇。合力攻剿。務將該匪四面兜圍。迅速殄滅。署威甯鎮總兵李有恆玩視軍務。強截餉銀。著先行革職。勒限兩箇月。攻克猪拱箐賊巢。以贖前愆。以全慶爲工部右侍郎。以貴州攻克張家寨賊巢。生擒首逆蕭汝魁。賞總兵金太文一品封典。辛巳。諭議政王軍機大臣等。張之萬奏南召擊賊獲勝情形一摺。毫擒張總愚股匪。醫黎南召城南之草店地方。圍攻山南太子望寨。經張曜派兵與寨勇內外

### 東華錄要

卷九十九

同治二年

九

商務印書館印行

夾擊。立破賊圍。復督兵團敗賊於七里灣。並將撲營之賊奮力擊退。此股逆匪人數衆多。尤須防其西竄秦疆。張之萬已派兵分扼鎮平內鄉。仍著飭令在防將士實力堵遏。並令張曜力顧西路。以杜紛竄。一面督率兵勇聯絡鄉團。實力進攻。毋任久踞。壬午。諭議政王軍機大臣等。官文等奏大股捻逆圖擾漢鎮。經官軍奮力擊退。並鄖西擊賊獲勝及遵覆李雲麟一軍毋庸另設糧臺各摺片。此次大竄捻股。圖擾漢口。經總兵楊朝林等督軍擊退。敗竄河南羅山縣屬之鐵鋪耿家樓一帶。著官文等督飭在事員弁乘勝跟追。張之萬迅派得力將弁迎頭截擊。其南竄應城長江埠一股。經副將王桐柏等軍分路追擊。疊挫賊氣。惟逆盤踞宋埠中館驛料棚一帶。必須迅速殲除。著官文嚴飭舒保王桐柏等合力兜擊。該逆不得志於漢鎮。或東犯蘄羅。則皖北防堵尤關緊要。著曾國藩督飭陸路兵勇。於英霍一帶扼要嚴防。實力堵剿。毋稍疏懈。陝南逆匪圖竄鄖西。雖經官軍擊敗。而賊蹤飄疾。難保不去而復來。仍著官文等飭令鄖陽鎮守嚴密扼堵。不得稍有鬆勁。乙酉。諭劉蓉奏籌辦川省鹽釐。應由井竈抽收。請旨飭辦一摺。據劉蓉奏該撫擬仿就場起課之法。倡爲按鍋計鹽。按鹽定釐之議。查川省各廠井竈。秦人十居七八。蜀人十居二三。如所收係

秦人貲本者。卽歸陝餉。所抽保蜀人貲本者。卽歸川餉等語。川省竄戶。有井以爲之本。與他省竄丁不同。該撫所陳按鍋計鹽按鹽定釐之議。似屬可行。且係從未抽捐之戶。以秦蜀商人各協本省軍餉。自應情殷桑梓。踴躍急公。著駱秉章按照劉蓉所奏。認真興辦。諭滿慶恩慶奏代進廓爾喀國王表文一摺。廓爾喀額爾德尼王蘇熱達熱畢噶爾瑪薩哈。因奉到敕書。免其呈進例貢。俟同治六年再爲進呈。感激恩施。呈遞謝恩表文。覽其所奏。情詞極爲恭順。深堪嘉悅。至該國王表內所稱咸豐二年專差呈進例貢。途中正值軍務。噶箕人等曾受苦累等語。著俟同治六年應屆進貢之期。由駐藏大臣酌度情形。先期奏聞。再降諭旨。諭李續宜迅赴皖省剿辦苗逆。壬辰。諭多隆阿奏。鳳翔各路連日獲勝。及漢南髮逆竄陷藍屋各摺片。陶茂林一軍。自解鳳翔圍後。復將府東賊巢一律掃蕩。八旗屯各處竄洞零匪。亦經搜殺無遺。餘賊向汧陽老崖一帶奔竄。其竄至岐山另股回逆。復經蕭河清等漸次剿滅。是陶茂林一軍。正可乘勝將軍隴餘匪。一鼓蕩平。馳赴甘省。著多隆阿卽行飭遵。無少延滯。雷正綰見克拜家河老巢。擬進攻永壽東路賊巢。俟永境肅清。移營前進。見在甘省望援甚急。西安敗匪。復紛竄崇信平涼等處。勢且與甘肅回匪。聯成一片。該

東華錄要

卷九十九

同治二年

十

商務印書館印行

大臣務當懷遵疊次寄諭。飭令雷正綰一軍。迅速掃蕩而前。赴甘助剿。並飛檄曹克忠進攻白吉原之軍。迅克堅巢。以便雷正綰赴甘之師。通行無滯。漢南髮逆。由佛坪一路。竄出新口略。攻陷藍屋縣城。該處距省較近。設被該逆久踞。爲患滋深。且恐漢南各逆。陸續上犯。句結回匪。則邪乾各路官兵。又須回顧。雷正綰陶茂林赴甘之師。或轉因此阻滯。多隆阿見檄穆圖善姜玉順兩軍。會同溫德勒克西馬隊力圖恢復。並卽日親督各營。由興平一路前往督剿。實爲目前要著。卽著該大臣迅速進兵。收復縣城。盡殲醜類。使興漢諸逆。不敢再行上竄。與回匪句結。嗚張。前諭劉蓉就見有兵力。或進紮青石關。或由甯羌進規褒沔。並令李雲麟馳紮興安。與劉蓉分路進剿。以牽賊勢。見在逆氛紛竄山陽藍屋等處。劉蓉等務當懷遵前次諭旨。迅圖進兵。使該逆有所顧忌。則山陽等處之賊。自可次第剷平。而多隆阿大軍。亦可分兵進剿。漢南。與劉蓉等共收夾擊之效。藍屋離省不遠。所有省垣防剿機宜。著張集馨會同德興阿妥爲布置。西安駐防營務廢弛。亟應隨時整頓。多隆阿見已督軍在外。所有西安將軍印務。卽著暫交德興阿就近兼署。癸巳。諭議政王軍機大臣等。金陵官軍攻克上方橋高橋門雙橋門土山方山七甕橋二十餘壘。並攻破博望鎮二卡七

壘。將中和橋秣陵關一併攻克。擊敗出城抗拒之賊。曾國荃擬令蕭慶衍進紮孝陵衛。經營城北。漸成合圍之局。辦理甚爲得手。著即行令曾國荃督飭將士。實力攻剿。見在水陸各軍。已復東壩。鮑超即將由建平進剿廣德。東壩爲金陵西南水陸要衝。廣德爲皖浙門戶。與湖州毗連。一經得手。則賊之險要已失。著曾國藩即飭令鮑超迅速攻克廣德州。並著左宗棠分撥兵勇。會同鮑超所部。進取湖州。以斷杭城賊匪援應。其東壩各軍。仍由曾國藩飭令進取溧水溧陽金壇等處。以期與李鶴章規取蘇郡之師。漸相聯絡。蘇州官軍攻克蠡口黃埭等處賊營。無錫官軍攻剿安鎮梅村西倉茅塘橋等處援賊。連獲大勝。李鴻章見飭程學啓等由潘關一帶。鈔襲蘇錫交通之路。著即飭令該營將士。將此股援賊。合力剿退。以期分攻蘇錫。漸次得手。見在官軍屢次獲捷。一切攻剿事宜。李鴻章務當督飭諸將。穩紮營盤。謀定後進。毋稍輕率。李鴻章所部水師。本形單弱。分路防剿。不敷應用。見富蘇錫攻剿喫緊之時。黃翼升所統水師船隻。准其留於該處。以資得力。僧格林沁見已由豫赴皖。唐訓方分軍大小蚌埠。以圖懷遠。潁州兵練。亦攻破朱滑孜賊圩。淮北各營。聲勢聯絡。軍威較壯。李世忠見在進軍姚家灣。以圖下寨。直搗苗逆老巢。自可掣動蒙城賊勢。著曾國藩

### 東華錄彙要

卷九十九

同治二年

十一

商務印書館印行

加意撫循。多方激勵。俾李世忠盡力攻拔該逆老寨。令苗黨衆心離散。進退失據。庶官軍易於進取。石逆餘黨竄擾楚南。道州江省西南一帶空虛。此時皖南一帶。漸次肅清。江忠義一軍。正可還駐饒郡。回顧江西。席寶田一軍。見赴贛州。著曾國藩即飭令該員嚴防要隘。毋令楚南賊匪竄入江境。甲午。諭議政王軍機大臣等。惲世臨奏髮逆由粵竄楚。截擊大勝。餘匪散走粵黔。見籌防剿情形一摺。髮逆竄入富賈界內。與廣東相距。不過二三百里。見在該省兵力。萃於肇慶高州。若此股乘虛直入廣東腹地。深屬可虞。惲世臨見飭臬司張運蘭等軍。由宜章橫出連山。扼賊東趨之路。即著毛鴻賓郭嵩燾督飭張運蘭等。實力扼截。隨時與楚邊各軍。互相聯絡。實力剿洗。惲世臨嚴飭陳士杰王永章等軍。力遏回竄。毋稍疏虞。至分竄黎平之賊。惲世臨已飭周洪印等分守沅靖各隘。相機堵剿。勞崇光張亮基務當督飭在事員弁。迅速會合楚師。力圖掃蕩。包毛仙一股。雖經金太文等圍剿疊勝。而賊勢未衰。並著勞崇光等嚴飭金太文等。乘勝進兵。盡殲醜類。李逆屢敗之後。兇醜漸衰。此次若不得逞。志於東。必將歸併潯州。與黃逆合股。著張凱嵩速派得力將弁。迎頭截剿。期與黔楚各軍三面兜圍。迅圖蕩事。不得稍有遲誤。乙未。諭議政王軍機大臣等。張集

警奏陝省各路逆匪分竄。妥籌布置。省城安堵。漢南團勇截賊獲勝。請令蔣常垣籌費練團各摺片。前據多隆阿奏。整屋失陷。該將軍已飛檄程圖善。姜玉順兩軍前進。而自率各營。由興平一路督剿。茲據張集馨奏。多隆阿已於整屋城外紮營。圍繞三十里。賊不得遁。此股逆匪輕裝遠馳。人數無多。藍逆亦在其內。如能全股聚殲。即可除一巨患。著多隆阿即督飭程圖善等。剋期攻拔。無任一名漏網。襄沔留鳳。節節空虛。並著多隆阿派兵聯圍。實力守禦。以免逆匪乘虛竄入。山陽失守以後。未據李雲麟奏報。疊經諭令該京卿督兵攻克。著即實力進攻。俟克復後。由興安一帶進剿。毋再延誤。見在漢南一帶。賊勢狡猾。整屋距省較近。省垣防範。仍不可稍爲鬆懈。著張集馨會同德興阿認真辦理。興安紳士蔣常垣等。稟請於安康漢陰適中之地。設局攤糧辦團。著准其設局興辦。惟按畝攤糧。須歸公正紳著經理。方免抑勒侵吞諸弊。該署撫仍當嚴飭該紳士等。不得假公濟私。致滋擾累。丙申。諭議政王軍機大臣等。唐訓方奏官軍進剿壽州。疊獲勝仗。剿撫兼施情形一摺。李世忠一軍。由南岸進兵。業經攻克柏家圩。收撫民圩百餘處。茲復移師前進。距壽州十餘里。兩月之間。攻克逆圩二十餘座。殺賊四千餘名。收撫投誠各圩十餘處。實屬奮勉出力。著曾國藩

東華錄要

卷九十九

同治二年

十一

商務印書館印行

即飭李世忠速將壽州攻拔。一面飭令蔣凝學成大吉各軍。會合進攻。紳練田端書等引衆二萬。向官效順。著富明阿唐訓方仍遵前旨。飭令進圖下寨。以掣蒙城賊勢。並著曾國藩檄令周寬世。毛有銘各軍乘勢進攻。潁蔡一帶各路同時並進。使苗逆應接不暇。剿辦當易得手。李世忠俟攻拔壽城後。即移軍西上。直擣下蔡老巢。與姚書田等練衆並周寬世等楚軍。聯絡聲勢。將潁蔡一帶賊氛。悉行掃蕩。李世忠頗能用命。著僧格林沁等多方激勵。令其益加奮勉。爲國宣力。該提督統兵深入。並著曾國藩代籌後路布置。勿令賊匪鈔襲。蒙城濠外賊壘。業經英翰攻克其一。若再破一二壘。糧路即可通運。陳國瑞亦連日猛攻。盡開賊營十餘丈。斃匪百餘名。剿辦甚爲得手。惟蒙城待援情形。十分危迫。而苗黨人數衆多。悉力抗拒。賊營急切難破。昨覽吳棠繪呈之圖。官軍包賊營外。搶築營盤。僅能遏截東北兩面。與陳國瑞聯絡聲勢。斷賊糧路。僧格林沁見已移軍赴皖。著即馳往蒙城嚴密布置。迅解城圍。唐訓方見已進軍蚌埠。著即將沿淮一帶賊圩。速行掃蕩。進規懷遠。力扼中樞。以斷蒙壽賊勢。所有李世忠糧餉軍火。著唐訓方源源接濟。其陳國瑞所部軍餉火藥。仍由吳棠隨時撥解。勿令缺乏。丁酉。諭總理各國事務衙門奏貴州教民一案。接勞崇光等

來函。以此案已與該處教主胡縛理商酌。該主教允致柏爾德密信函。有可使戊邊之語。惟不願田興恕再回黔省。似尙知中國辦案。不能違例科罪。又經總理衙門與柏爾德密重加辯論。將中國定例及田興恕屢逢恩詔應行減等並其罪名出入輕重。必應按照定章辦理各節。再三曉譬。據該公使聲稱。止求就近在川訊辦。但田興恕並未監禁。必須監禁。後照中國例辦理。給予照會。寄知本國。即可完結等語。著崇實駱秉章接奉此旨。即將田興恕查提到省羈禁。迅速奏報。勞崇光張亮基懷遠疊次諭旨。速將此案。即在黔省秉公查辦。按例定擬具奏。以便總理各國事務衙門照會駐京公使。迅速了結。戊戌。諭議政王軍機大臣等。官文嚴樹森奏。辜捻竄入鄂疆。經官軍剿擊。遁回豫境。全楚肅清一摺。辜捻程大老砍等。由豫入鄂。圖竄漢鎮。經楚軍分道扼擊。退踞宋埠中館驛一帶。官文等豫調周鳳山一軍。扼紮黃郡。舒保督率各軍力戰。斬馘數千。該逆受創北遁。全楚肅清。而張總愚一股。又由唐鄧一帶窺楚。鄖陽及均州光化。勢甚喫重。著官文等飭令派出各軍。會合豫軍。將程大老砍一股奮力夾擊。無任再行竄擾。程逆是否殲斃。並著查明具奏。張總愚一股。由南召南侵。擾及唐鄧。前經諭令張之萬飭令在防將士。實力堵遏。並令張曜力顧西路。以杜紛竄。據該撫奏。已派兵分扼鎮平內鄉。何以此股逆匪。仍復擾及鎮平內鄉鄧州。張曜究竟在何處。曾否與賊接仗。南召一帶團練。何以不能聯絡禦賊。毛祀熙係專辦團練之員。亦不得置身事外。著將近日賊情軍情。據實陳奏。擒匪假道於豫。以擾楚疆。久成輕車熟路。中州門戶洞開。以鄰爲擊。毫無布置。實堪痛恨。著張之萬毛昶熙嚴飭張曜等。會同楚軍。前截後追。不得以賊氣出境。遂爲了事。若任令程大老砍飽颺回巢。張總愚竄擾秦楚。必將該撫等重治其罪。鄖陽防務。萬分喫緊。道員梁作楫一軍。行抵何處。官文等即檄令就地駐紮。兼顧鄖防。與歐陽正塘一軍互相策應。以固邊圉。勿稍大意。辛丑。以英桂爲福州將軍。沈桂芬署山西巡撫。癸卯。諭議政王軍機大臣等。忠侍各悍酋糾率大股。併力回援。經劉銘傳等大挫其鋒。實屬奮勇出力。惟將士摧堅陷陣。攻剿過勞。而窮寇負隅死守。且訊據賊供。逆並暫退蘇州北望亭一帶。仍欲繞由潯關背後援應蘇州。是賊黨雖敗。而援蘇之路未斷。李鴻章亟宜乘此兵威大振之時。督飭水陸各軍。併力攻克蘇城。並飭李鴻章劉銘傳等乘勝進紮。圍攻無錫。使賊首尾不能相顧。李鴻章仍須督率各軍。於奮勇之中。力求穩慎。迅奏膚功。同膺懋賞。實有厚望焉。命荊州將軍富明阿幫辦欽差大臣僧

格林沁軍務 十一月乙巳 諭議政王軍機大臣等李鴻章親督程學啟戈登等

各軍奮力猛攻將各門外長城十餘里賊壘二十餘座全行攻毀東南北三面我軍已可徑抵城下惟蘇州爲忠逆巢穴志必死守城內賊衆尙十餘萬無路逃生不得不爲困獸之鬪且恐忠逆詭詐仍欲出擾我軍後路圖解重圍著李鴻章督飭各軍乘勝轟打城中逆酋乞爲內應是否可信李鴻章督飭程學啟等妥籌辦理毋稍大意無錫各軍乘勝偪剿李鶴章劉銘傳等復將附城三里街及萬壽橋賊壘數十座全行擊潰錫城東面已無賊營南北惟高橋及望亭兩處賊壘林立即著李鴻章督飭李鶴章劉銘傳等速即進攻高橋直逼城下仍將郭松林等遊擊之師相機調度力圖合圍務使蘇錫兩城之賊不能相顧官軍得以早復名城同膺懋賞實殷厚望

丙午 諭張集馨奏彙報各路剿匪獲勝情形曹克忠一軍由三水直抵白吉原誘賊出戰斃賊甚多賊向固原而遁雷正綰自攻克拜家河後肅清永壽立解邠州城圍將亭口賊巢攻克見與曹克忠約會夾擊陶茂林自克麻子崖後復攻克桃園堡火燒村等賊壘多處惟鳳翔府北尙有大股賊巢直達汧隴著多隆阿即飭陶茂林將郡北大股逆匪掃除直達平涼力圖收復 丁未 諭內閣閣恪格林沁等奏督

東華錄要 卷九十九 同治二年 十四 商務印書館印行

軍進援蒙城斬賊首逆苗沛霖生擒悍黨踏平賊壘立解城圍一摺僧格林沁甬抵蒙城元兇授首具見調度有方深堪嘉尙著交部從優議敘富明阿國瑞著一併交部從優議敘記名總兵陳國瑞著俟補總兵後以提督記名簡放總兵詹啓綸著遇有提督缺出儘先提奏總兵王萬清著賞給勁勇巴圖魯名號蒙城官紳李南華等固守待援時逾數月卒能保全要地實屬異常奮勉李南華前經唐訓方保奏降旨以副將補用著再加恩交軍機處記名遇有總兵缺出請旨簡放署蒙城縣知縣賈緒蕃著免補知縣以同知直隸州知州補用並賞加四品銜以示優獎其餘解圍出力及嬰城固守之員弁官紳著僧格林沁等查明擇尤保奏 諭李鴻章奏督軍攻剿蘇州城垣賊勢窮蹙內應官軍入城截殺克復省城一摺覽奏實深欣慰仍著李鴻章督令將士乘勝進攻常州會師金陵掃穴擒渠廓清江境協辦大學士兩江總督曾國藩遣將助兵克復名城著交部從優議敘李鴻章自簡任江蘇巡撫以來悉心調度謀盡萬全疊下堅城戰功屢著此次督軍克復蘇州省城尤堪嘉尙著加恩賞加太子少保銜賞穿黃馬褂以示優獎黃翼升李朝斌均著賞給雲騎尉世職並交部從優議敘程學啟著賞給雲騎尉世職並賞穿黃馬褂權授江蘇省總兵戈登

帶隊助剿。洞悉機謀。尤爲出力。著賞給頭等功牌。並賞銀一萬兩。以示嘉獎。戊申。諭皖南水陸官軍。陸續攻克水陽新河莊東壩各隘。高潛甯國建平溧水四城。賊目楊友青楊柳谷鄭魁武張勝祿等。或率衆投誠。或獻城內應。辦理甚爲得手。惟投誠留營之衆。須隨時留意。妥爲駕馭。江申二逆。乘虛竊踞廣德州城。該處爲江皖門戶。最係扼要之區。曾國藩務當派撥勁旅。迅速馳往。將該城攻拔。以期與浙師聯絡。皖南境內。已無大股賊匪。曾國藩派撥諸軍。分駐青陽等各城。著即飭令駐守各軍。將附近餘匪。分路剿除。並飭前敵水陸各營。乘勝由東壩高溧一帶分途進取。李鴻章一軍。既克蘇城。無錫常郡。自可迎刃而解。該大臣當檄飭各營將士。與李鴻章聯絡聲勢。節節進取。爲合圍金陵之計。諭張集馨奏收復山陽縣城。石泉擊賊獲勝。雷正綰等軍剿辦情形。請保出力紳團。並定遠縣團勇防剿得力各摺片。山陽縣城踞匪。經李雲麟藍斯明兩路進攻。該逆乘夜東竄。至中村銀花一帶。當將縣城退出。此股逆匪。已距商州不遠。該處界連秦豫楚三省。山徑紛歧。且與豫省之浙川鎮平內鄉等處。甚近。尤慮其勾結張總愚股匪。蔓延秦豫。見在山陽縣賊匪。雖經棄城東遁。並未大受懲創。著李雲麟懷遵前旨。迅將此股殲滅淨盡。龍常一軍。遷延數日。始

東華錄要 卷九十九 同治二年

十五

商務印書館印行

由興安進至石泉。復節次退至池河漢陰。沿途滋擾。其所部隴軍。多有城固潰勇。極不安分。恐蹈漢南城固覆轍。句結外匪。著即責成李雲麟查察。如不可用。卽行遣撤。興安一帶。防堵緊要。兵力甚單。李雲麟務將中村銀花一帶股匪。速行剿盡。卽由商州移師興安。聯絡鄉團。認真防守。周有全所統礮船。見經鄂省檄調東回鄖陽。惟茶鎮地方。最當衝要。周有全前已有旨令其暫署陝安道篆務。著官文嚴樹森飭令該員速赴新任。並將所部礮船。仍歸該員統帶前進。扼要防守。武關一帶地近商州。著多隆阿撥兵嚴密扼守。雷正綰曹克忠陶茂林各軍。分路剿辦白吉原等處之賊。該匪見衆麟遊一隅。著多隆阿卽飭令該將士等繞出賊前。杜其竄往平涼之路。諭毛鴻賓等奏收復信宜縣城。陳逆餘黨。全行解散。並容縣岑溪。次第克復。石逆餘黨。見竄懷集縣境。檄調楚軍進剿各摺片。此次高州軍務。雖經崑壽督軍前往。疊破賊之堅巢。尤須愼益加愼。降衆人數太多。又有同時投誠之化州石水堡西甯排早加益陽春八甲雙潛等處餘匪。一時解散。均未大經懲創。務須妥籌辦理。容縣岑溪相繼收復。兩廣軍情。同時得手。其由容岑逃往藤縣之羅洞等處餘匪。卽著毛鴻賓等嚴飭方耀等軍。會合西師。乘勢掃除。毋留餘孽。並著與張凱高飭令唐啓蔭蔣澤春。



會同督率文武紳團合力防剿。及將一切撫綏善後各事宜妥爲辦理。廣海客匪遁歸老巢。著該督撫速飭卓興德勝之師移剿陽春一路。痛彰撻伐。仍督令地方官吏剿撫兼施。設法妥爲解散安插。石逆餘黨李幅猷。由蜀繞黔。闖入楚境。復擁衆竄擾粵邊。節經諭令楚黔兩粵各督撫合兵剿辦。茲據毛鴻賓所奏李幅猷自率大股竄往廣西。其黨李幅曾貴在廣西懷集縣之石壁坑尾樹柵屯糧。將圖久踞。該處逼近廣東陽山縣境。毛鴻賓見已檄調張連蘭一軍。由郴州度騎田嶺直抵連州。順流進剿。即著該督與惲世臨嚴飭此軍星速進兵。務乘石壁等賊壘未堅。迅速掩捕。並令見駐宜章之楊虎臣所部嚴堵該逆竄越江楚之路。毛鴻賓惲世臨張凱高等。即當各督楚粵諸軍會合兜剿。癸丑。諭議政王軍機大臣等。前因奉天府屬之昌圖廳所轄地方遼闊。應否於理事通判外添設官職較大之員以資彈壓。或於理事通判一缺酌量增改官階。降旨令吏部議奏。茲據奏請將該廳通判調缺改設理事同知題缺。加四品銜。由奉天府與京通判二缺內揀選題升等語。昌圖廳所轄地方幅員甚廣。訟獄繁多。每遇命盜械鬪各案相驗踏勘。往返動經數日。茲據吏部議將此缺改設同知。加四品銜。於該處地方情形能否相宜。此外有無應行變通之處。著玉

東華錄彙要

卷九十九 同治二年

十六

商穆印書館印行

明和潤德椿確切查明。據實覆奏。見任該廳通判卞色勒被控情節較重。於此缺斷難勝任。即著玉明等於奉天與京兩通判內揀選精明幹練熟悉情形之員。題升斯缺。方爲妥協。如不得其人。再行奏請簡放。至該處地方素多盜匪。緝捕最關緊要。應否添設武員兵丁之處。著玉明等悉心妥議具奏。昌圖廳所轄一帶地方詳細界址。並著玉明等繪圖貼說具奏。甲寅。諭內閣。僧格林沁奏攻克西洋集賊案。及攻復下蔡壽州。攻克苗家老寨一摺。辦理甚爲得手。仍著僧格林沁等督飭各軍乘勝將額上等處一律克復。肅清皖境。毋留餘孽。以林鴻年爲雲南布政使。劉嶽昭爲雲南按察使。丙辰。諭李鴻章奏。無錫官軍連克高橋望亭等賊壘。擊退各股援賊。漸次合圍一摺。見在蘇錫之交。雖已肅清。李鴻章仍當督飭劉銘傳等各軍。加意嚴防。並飭郭松林周盛波繼紮穩進。一俟無錫南北兩門。及惠山紮定合圍後。即與劉銘傳等併力進攻。速復錫城。其賊以輪船由常州之孟河口等處。出江繞竄。圖援金陵。亦在意中。並著曾國藩令曾國荃與都興阿於南北兩岸防江各水師。嚴爲之備。李鴻章另片奏蘇州乞降內應之賊目邵雲官等。降衆二十餘萬。於投誠後仍復挾衆種種要求。恐貽後患。傳令該降酋等八人來營。多方開導。堅不允從。當將邵雲官

等立予誅誅。見在降衆人等。業已繳呈軍械。乞就遣散。李鴻章卽日入城駐守。督率官紳。分投撫卹。人心大定。散遣降衆二十餘萬。人數過多。著李鴻章妥爲籌辦。毋稍大意。一面詳悉奏聞。丁巳。諭議政王軍機大臣等。李鴻章奏官軍克復無錫金匱縣城一摺。暨陳近日賊情及籌辦大略情形一摺。覽奏甚爲嘉悅。李鶴章能與其兄同心戮力。爲國宣勤。此次未行破格之獎。正爲該員係李鴻章之弟。以示該撫功不自私。俾得推勞將士。鼓舞衆心。李鶴章當益自勉勵。指日常郡金陵次第奏捷。克成全功。更當與劉銘傳郭松林等同膺懋賞。至所稱忠逆李秀城踉蹌西走。隨行僅止兩萬餘人。將赴金陵。設法解圍。計不得施。則挾洪逆並其母妻眷屬。由浙皖交界竄走江閩。以尋回粵之路。其常州護逆陳坤書不甚耐戰。杭州之陳炳汶鄧洗明。聞忠逆勢敗思歸。多不願從。惟溧陽侍逆李侍賢戰守俱悍。且與忠逆同惡相結。而陳鄧等逆酋。以嘉湖蓄糧甚多。必須死守。幸官軍各路布局皆穩。金陵杭州再有一處得手。賊更瓦解。該撫擬卽日馳赴錫城。籌布進取。令程學啓會同李朝斌劉秉璋潘鼎新水陸各軍。由平望太湖乍浦兜剿浙省之賊。冀與左宗棠蔣益澧之軍。前後夾擊。李鶴章劉銘傳各軍進圍常州。宜與兜剿蘇境之賊。冀與曾國荃鮑超之軍前後夾擊。以分各路賊勢。而固蘇滬藩籬。所籌均極周至。卽著曾國藩飭令曾國荃與左宗棠聯絡進止。督率各路將領。與李鴻章部勒諸軍。相爲策應。相機進取。如賊欲由浙皖毗境竄出江閩各路。或由乍浦海口登船逃逸。並著曾國藩左宗棠豫籌堵截。沈葆楨見已力疾視事。其於江省饒信等防。經營有素。此時尤當嚴密設防。不可稍有疏虞。並與曾國藩左宗棠隨時函商布置。所有江忠義席寶田等軍。見在是否尙駐贛饒境內。亟應妥籌調度。以赴事機。曾國藩前奏鮑超及王可陞等軍分駐東壩溧水高淳及皖南甯池等屬。左宗棠前奏劉典王開琳各軍。以次由孝豐等處進發。兼顧皖防。諒皆各有成算在胸。與李鴻章所籌。定相符合。金陵漸已合圍。杭州亦已分軍進擣。時勢均有可圖。該督撫等務須聯絡一氣。層層進逼。萬不可稍涉遲延。惟賊勢雖衰。而人數尙衆。總宜力求穩慎。以保萬全。縱或各城收復稍稽。斷不可令李秀城潰圍逃逸。務將此賊就地芟除。絕其根株。免致竄擾完善。辦理更形費手。戊午。諭左宗棠奏。克復甯波等府縣。英法領事夏福禮等九員。助剿出力。請旨嘉獎。並由該督傳旨賞給物件等語。英國領事夏福禮總兵吳樂德。克都司陂格樂。繙譯官有雅芝。兵船醫官參將銜伊爾雲。水師都司費達士。法國參將權授中國兵官德

東華錄要

卷九十九

同治二年

十七

商務印書館印行

克碑稅務司司意格教主田雷思。上年隨同官軍克復甯波各城。實屬奮勇出力。左宗棠所請傳旨賞給該員等物件。惟未明言何項賞件。礙難懸擬。著將各該員等勞績細加察覈。應如何分別賞件。頒發一面奏聞。並摘錄此旨內嘉獎數語宣示。至功牌爲外國人所重。無論或賞銀兩。或賞物件。均不可無功牌。功牌如外國寶星之類。崇厚李鴻章並曾製造有式。可仿照辦理也。已未。諭議政王軍機大臣等。張凱嵩奏容縣官軍掃蕩匪巢。並東師越境會剿。收復岑溪縣城各摺片。廣西官軍於收復容縣後。乘勝攻克大化賊巢。生擒范亞音之弟范六。並將餘匪分別剿撫。容境大。致肅清。惟首逆范亞音在逃未獲。必應趕緊驅緝。毋令兔脫。其由岑溪逃往藤縣糯峒之匪。著毛鴻賓郭嵩燾張凱嵩督飭兩省官軍。分投搜捕追躡。前據毛鴻賓奏李幅猷一股。竄至廣西懷集縣之石埜地方。樹柵屯糧。意圖久踞。茲據張凱嵩奏。懷集縣知縣況逢春等督團截殺。殲匪甚多。復會合東省勇練填濠築柵。槍礮齊施。該逆腹背受敵。奪路狂竄。僅餘殘匪一。二千人。由陽山之白帶寨圍竄去。見有廣東兵勇趕到。督隊跟追。其前竄開泰縣屬一股。忽於十月十一日自焚其巢。全股突向永從縣竄去等語。李幅猷股匪。經此次痛創之後。餘黨尙有一。二千人。亟應各省合兵。

東華錄 卷九十九

同治二年

十八

商務印書館印行

夾擊。著毛鴻賓勞崇光張亮基郭嵩燾世臨等各飭在事員弁。實力堵截。至貴州永從縣境與廣西之羅城接壤。若由永城走古州。繞出荔波獨山。可入廣西之河池思恩等州縣。此股逆匪本有趨粵之志。自應扼要嚴防。著勞崇光等迅派兵勇。迎頭截剿。張凱嵩飭令副將黃仲慶等探明賊蹤所向。嚴密堵剿。毋稍疏虞。庚申。諭前任安徽巡撫李續宜。由諸生帶勇剿賊。與其兄原任浙江布政使李續賓戮力行間。受。文宗顯皇帝特達之知。洊擢封圻。轉戰湘鄂江皖數省。屢克名城。戰功卓著。咸豐十年間。逆匪石達開竄擾湖南。該員統師援剿。力解寶慶之圍。厥功尤偉。朕御極後。調任湖北安徽巡撫。辦理一切。深合機宜。茲聞溘逝。悼惜殊深。李續宜著加恩照總督軍營病故例賜卹。任內一切處分。悉予開復。應得卹典。該衙門察例具奏。並准於湖南湖北安徽省城寶慶府城及原籍湘鄉縣城建立專祠。其歷年戰績。著官文會國藩詳查具奏。宣付史館。伊父李登勝著賞給人參四兩。交輝世臨頒給祇領。並著該地方官以時存問。伊子一人尚幼。著俟及歲時。由該部帶領引見。以示篤念。盡臣錫類推恩至意。尋予祭葬。諡勇毅。諭多隆阿奏官軍收復山陽。商境肅清。並圍攻整屋各路。稟報軍情一摺。此股賊匪竄走。官軍追剿。一及之於東崗。再及

之於富水關。沿途斬獲而外。究竟尚有若干。見由西坪竄越豫境。自應不分畛域。踰境窮追。藍斯明兵力未厚。見在張總愚大股盤踞浙川。尤虞其與藍逆一股勾合爲患。復擾陝境。多隆阿所奏。飭令藍斯明嚴扼武關。兼顧潼商一帶。仍恐不敷堵剿。著卽懷遠前旨。酌量分撥兵勇。俾得越境進剿。與豫省之軍前後夾擊。張曜所部。見已前往浙川防剿。張之萬並派令葛承霖蔣希夷所帶湘楚各營。前往協助。前奏已將西坪竄來之匪擊退。著卽嚴飭該總兵親督各軍。與秦軍聯絡。實力扼截。張曜接仗一切情形。張之萬切須隨時查察。前因藍逆竄至商境。與豫鄂均屬毗連。曾經諭令官文嚴樹森。卽飭鄖防之軍。相機越剿。此時賊蹤所向。如須鄂軍相爲策應。張之萬卽遵奉前旨。飛咨鄂省鄖防兵勇。會合圍剿。毋失事機。預省此時東路稍紓。其亳州一帶捻匪。有僧格林沁大軍督剿。張之萬卽當權衡緩急。量移東路各軍。以顧西圍。該撫應否親赴西路以資巡察。著卽酌量情形辦理。多隆阿督整屋諒不難於得手。務須迅速奏功。雷正綰之軍。已由靈臺前進。並著迅飭陶茂林之軍速清汧隴。轉戰而前。與雷正綰會合甘境。以厚兵力。仍督令曹克忠埽除麟遊一帶餘匪。進紮岐郿。毋稍稽滯。其李雲麟所部。疊經寄諭責令回軍援剿商南之賊。該京堂旣已接奉

此旨。此時劉蓉曾否入陝。仍未奏來。何以如此滯遲。漢南羣盜如毛。劉蓉之軍如未入陝。李雲麟一軍亦斷不能獨力削平。商境肅清情形。究復如何。如或商潼賊勢尙重。藍斯明一軍勢難獨支。多隆阿仍遵前旨。飛咨李雲麟回軍。與藍斯明併力合剿。並著該京堂星速返旆。毋得藉詞避就。自蹈愆尤。劉蓉仍遵疊次諭旨速整軍威。由青石關進紮。以復漢疆。並將陝南一路軍情詳細奏聞。實授閻敬銘山東巡撫。

辛酉。諭張凱嵩奏容縣官軍生擒范逆一摺。范亞音以積年巨寇。流毒兩省。自蔣澤春克復容縣後。該逆竄往寶家寨地方。經官軍密約內應。立將范亞音生擒。就地寸磔。逆弟范六一併斬梟。惟容岑一帶。伏莽尙多。藤縣蒼梧平南各路土匪。亦未遽淨。著張凱嵩卽飭蔣澤春督率全軍。會同潯梧兩府。乘首逆就殲。賊勢瓦解之餘。迅將各路餘匪。搜捕淨盡。毛鴻賓郭嵩燾卽飭方耀一軍。會同西省官軍。實力剿除。以清積孽。范逆就擒後。該省著名悍逆。自以黃三爲最。該逆踞伏天平寨。地險巢堅。復有分竄橫州之李亞得甘太然等股。勾結水渣土匪。分我兵力。尤應合兩省官軍。會克堅巢。誅鋤巨寇。著張凱嵩督飭劉坤一。迅將黃三一股擣穴擒渠。次第廓清。橫州等處之賊。李幅猷於連陽就擒。全股肅清。廣東兵力自己已之餘。並著毛鴻賓郭嵩燾

崑壽派撥前軍。與劉坤一合力痛剿。速籌藏事。見在廣西右江軍務。漸已就緒。其左江一帶。有無另股。並著張凱嵩妥爲辦理。肅清全粵。以副委任。癸亥。諭議政王軍機大臣等。曾國藩奏提督李世忠率師疊破苗圩。會復懷遠縣城一摺。另片奏金陵軍營布置情形。並收復潁上正陽各城等語。李世忠因苗逆倡亂。自率所部。先後削平四十餘圩。並會同唐訓方收復懷遠縣城。剿辦甚屬出力。著准其開復革職留任處分。以昭激勸。其餘出力員弁。並著曾國藩擇尤奏請獎勵。乙丑。諭僧格林沁奏擒獲捻首項盤等犯。收復潁上正陽等處。皖境漸清。見撥馬隊赴豫進剿。張總愚股匪等各摺片。籌辦均爲妥協。苗逆所踞各處。均經官軍先後收撫。會擒匪首。殲除殆盡。皖境漸就肅清。其尚有各圩寨及零星餘匪。應行搜捕淨盡。以絕根株之處。仍著妥爲辦理。免留餘孽。庚午。前任陝甘總督易棠卒。予祭葬。辛未。諭王憲奏邊陲地方緊要。請將隴西縣丞仍改爲漳縣知縣一摺。甘肅鞏昌府屬之漳縣。於道光九年。改爲隴西鄉。設立縣丞。歸併隴西縣管轄。原爲因時制宜起見。茲據王憲奏稱漳縣原設縣治。距隴西七十里。西南接洮州岷州。東南接岷州宕遠。延袤三百餘里。毗連皆係邊要。地方遼濶。非縣丞所能治理。且該處舊有鹽井。課項攸關。甘省

東華錄要

卷九十九

同治二年

二十一

商務印書館印行

回逆傲擾河州狄道等處。均與漳邑舊治相去非遠。尤非縣丞所能籌辦各等語。隴西界連邊徼。復近回氛。練勇籌防。在在均關緊要。該藩司籍隸漳縣。於該處地勢情形。所籌尙爲明晰。見值滿目兵燹。地方彫敝之際。所有改官定制。苟於時事有裨。不妨量爲變通。著熙麟於到省後。詳察情形。妥議章程具奏。諭滿慶等奏縷陳藏務情形。請准糧員寬限赴京。又藏中因防範奸細。修砌牆垣。廓爾喀願助唐古特防剿。瞻逆夷匪搶去報匣佛匣。見在飭緝。請留丁憂之拉里糧員差委。請催查辦藏務大臣遞解。呼徵呼圖克圖來藏各摺片。並鈔錄斷牌照譯藏格巴都爾夷信及檄文底藁呈覽。覽奏不勝詫異。李玉圃若不來京。要案何能訊出。著懷遵疊次寄諭。仍飭李玉圃迅速來京。毋得再涉遷延。致千重咎。藏中因防範奸細。修砌牆垣。見將官兵移紮正街。向來駐藏大臣衙署。建蓋城外。當日必有深意。滿慶等何以欲移城內。即有不法番民來藏句結。何至不能嚴拏懲辦。豈移居城內。遂可爲藏身之固耶。此等辦法。殊不可解。廓爾喀願助唐古特防剿。瞻逆該大臣等將其大小礮位鉛藥借用。已令四川總督酌撥價銀。惟滿慶等摺內既有廓爾喀素性狡詐之語。此次因其致信來藏。輒行借用礮位等件。但恐將來需索無厭。亦須妥爲防範。夷匪將報匣佛匣搶

去。著即督飭江有福迅速帶兵嚴拏。已諭令駱秉章派兵清理驛路及時整頓。丁憂之拉里糧員陳廷傑。著准其暫留幫辦防堵事務。俟贍對事竣。卽飭回籍守制。福濟等赴藏遲延。已經嚴旨申飭。並催令尅日前進。滿慶恩慶惟當就見在情形。妥爲辦理。並派兵弁疏通道路。俾福濟等早日抵藏。以息爭端。

東華錄摺要

卷九十九

同治二年

二十一

商務印書館印行



東華錄摺要卷九十九終

穆宗毅皇帝

癸亥同治二年十二月甲戌。諭議政王軍機大臣等。李鴻章奏連復平湖乍浦海鹽各城一摺。海鹽澈浦。雖去蘇較遠。然無官兵派守。仍令降衆駐紮。恐不可靠。歸逆鄧沅等二萬餘衆入援嘉興。意圖復奪各城。著李鴻章督飭潘鼎新劉秉璋安爲調度。隨時相機策應。並著飭令程學啓速攻平望嘉善。此二城一經得手。便可會合浙軍。圖取嘉湖。劉銘傳受傷以後。常州是否接仗。並著催令迅克餘杭杭州。近日軍情若何。左宗棠前奏擬令劉典所部各營。由昌化於潛趨臨安。進剿孝豐。規取湖州。即日親紮富陽。督飭各軍。先克餘杭。然後悉力杭州。分規湖郡。日來尙未見有奏報。殊深廑繫。該督前以髮逆圖竄江皖。故以全力協助會國藩防剿浙西。保全後路。未能分兵攻剿嘉湖。見在皖南州縣。克復殆徧。滬軍亦已收復乍浦海鹽等城。聲勢可期。聯絡該督當督飭蔣益澧劉典迅圖攻克各城。並派兵與李鴻章之軍會合。以圖嘉興湖州。所有近日一切布置接仗情形。著該督隨時迅速具奏。丙子。諭熙麟奏

東華錄要

卷一百

同治二年

一

商務印書館印行

雷正綰涇州獲勝一摺。所奏涇州勝仗。與雷正綰前奏情形略同。甯夏靈州被陷之後。該處軍情緊急。見在雷正綰之軍。搜剿涇州附城游匪。當已淨盡。其餘陶茂林之軍。合力剿辦。汧隴靈臺一帶後路各賊。亦當悉數掃除。即著該提督一鼓作氣。直取平涼。由固原鹽茶轉戰而前。進剿靈州回匪。克復城池。迅殄兇鋒。甯靈被陷。時已旬餘。該處逆情究竟如何。甯夏滿城存亡未卜。慶昫不見奏報。時亦逾旬。均著熙麟等迅速查明。即行馳奏。丁丑。諭前署廣西提督江忠義。由文員帶兵剿賊。屢復名城。戰功疊著。以道員擢署貴州巡撫。復歷貴州廣西提督。懋著勤勤。本年夏間督兵赴援江西。敗賊於湖口青陽。江境肅清。厥功尤偉。茲據沈葆楨馳奏。該員以積勞傷疾。舉發。竟於新建縣屬之吳城病故。江忠義著加恩照總督例賜卹予諡。其生平戰績。著宣付史館立傳。並於江西省城安徽青陽及本籍地方建立專祠。准其入城治喪。任內一切處分。悉予開復。應得卹典。該衙門察例具奏。伊子江孝詒。著俟及歲時。由吏部帶領引見。候旨加恩。以示篤念蓋臣至意。尋予祭葬。諡誠恪。諭丁曰健奏。

剿破葭投老巢。撲滅逆匪巨股一摺。臺灣官軍。自攻克水裏港福州厝等數十匪莊。北路逆匪。漸就窮蹙。逆首陳鯤等率黨竄守葭投老巢。經丁曰健派令文武員弁移

營進逼。由水師蔡等處奮力進攻。搶入葭投莊內。生擒僞先鋒等多名。全股匪徒。殲斃殆盡。立將葭投克復。自彰化整頓頭地方至大肚溪以北匪莊四十餘里。一律肅清。著丁曰健乘勝進攻彰城。迅圖克復。見在林文察已飭林文明募勇馳赴嘉義縣城。著左宗棠徐宗幹飛飭林文明趕緊招募齊集啓程。會合曾元福各軍。進攻斗六。丁曰健亦即乘此聲勢。會合各軍。分路進取。迅克彰城。堵清羣醜。毋稍延緩。己卯。諭議政王軍機大臣等。照麟雷正緒奏官軍攻克王村花所鎮匪巢。連獲大勝。並雙廟集勝仗。殲斃賊目木三各摺片。雷正緒甫抵甘省。卽已屢獲大勝。此次踏平王村花所鎮逆巢。南北兩原之賊。相繼竄匿。自當乘此聲勢。節節堵除。著雷正緒督飭各將士。先將杜家溝逆巢攻克。並催令曹克忠相繼兜剿。照麟卽飭附近各州縣。一體率團堵禦。陶茂林在沂隴一帶。當已將餘匪一律殄滅。著多隆阿卽催令該提督。將靈臺崇信華亭等匪。剋日殄除。會同雷正緒大軍。進取平涼固原。廓清甘境。多隆阿近日病勢若何。曾否輕減。整屋圍攻已久。何以尙未克復。炸礮爲攻堅利器。是否敷用。該大臣營中熟諳施放者。諒不乏人。著嚴飭穆圖善等實力攻拔。毋任久踞。雷夏漢城失守後。侯雲登及城中文武各員。有無下落。滿城近日戰守若何。久未據覆。酌

東華錄要 卷一百 同治二年

商務印書館印行

奏報。著照麟迅將雷夏漢在情形備細訪聞。據實具奏。辛巳。以香松年爲安徽巡撫。調萬啓琛爲江甯布政使。以劉郁膏爲江蘇布政使。郭柏蔭爲江蘇按察使。予安徽蒙城傷亡總兵官王萬清祭葬。世職加等。諡勤勇。戊子。兵部尙書愛仁卒。予祭葬。諡清恪。以載齡爲兵部尙書。全慶爲左都御史。調和潤爲工部右侍郎。以寶珣爲盛京戶部侍郎。辛卯。諭議政王軍機大臣等。譚廷襄奏統籌黃河下游見行地勢。擬請濬支渠以減漲水。培土埝以衛農田一摺。據稱自咸豐五年河南蘭陽北岸潰決。由直隸之長垣東明開州。至山東之濮州范縣壽張。橫穿運河。過張秋鎮。汛入大清河。直抵利津海口。其間經行之數十州縣。被災輕重不等。大約張秋以上。地勢平衍。本無收束。張秋以下。循順歸槽。又苦於狹不能容。旁溢爲害。本年尤甚。欲求下游之永奠。必須開支渠以減漲水。查徒駭河尙寬深。馬頰則大半淤淺。必將此二河設法疏濬。再將各缺口逐一堵合。並將河流刷及城垣之處。築壩攔護。至張秋以上。若能相地築隄束水。自是一勞永逸之法。惟工繁費鉅。力有不及。應先將開濮兩州之全隄。趕緊堵築。其濮范與荷澤比鄰之史家隄。亦一併堵築。並將舊有土埝。加高培厚。擇緊要處設法接修。而後逐漸布置等語。所籌自係實在情形。著劉長佑



閻敬銘按照該署河督所奏。嚴飭該管道府。督令各州縣趁此冬春水小源微。將可  
以施工之處。趕緊勸令分投興辦。並會同譚廷襄妥籌辦理。不得遷延觀望。致直東  
一帶居民。日久不能安業。別生事端。癸巳。諭總理各國事務衙門奏。詳陳辦理

俄國分界委曲情形一摺。據稱常清等疊次奏報俄國闖卡撲營。餉缺難支。明諄所  
奏。亦以常清所稱餉缺難支。均係實情。如俄國遣使復來。當與明緒等酌其輕重。勉  
圖收束。此次奏報。則稱西界事宜。已由總理各國事務衙門。准照議單辦理。並稱伊  
犁已獲勝仗。似易轉圜。與前此兩害相形。酌其輕重等詞。不符等語。夷務之壞。皆因  
從前內外臣工。互相推諉。近來時局艱難。中外臣工。豈可再蹈故轍。若各存諉卸。且  
於奏陳摺內。隱約其詞。豫爲卸責地步。設因此延閣。別生枝節。致成決裂。益難收拾。  
且地隔數千里。或萬里之遙。亦難悉由都中懸揣。即將來烏梁海等萊哈薩克布魯  
特等部。作何撫慰安置。亦須由該將軍等。躬親其事之時。就近酌度情形辦理。伊犁  
偶獲小勝。未必可恃。著明諄等於會議時。卽就當時情形。徑行酌辦。不得遊移瞻顧。  
動輒咨商總理衙門。以致貽誤事機。甲午。諭議政王軍機大臣等。江蘇官軍。自  
連復平午海鹽。惟嘉善一城。向爲嘉興東面之蔽。此次該降酋率衆投誠。藩籬盡撤。

東華錄要

卷一百 同治二年

三

商務印書館印行

自應乘勝進規嘉興。以掣杭州各賊之勢。卽著李鴻章督飭潘鼎新劉秉璋等相機  
攻取。毋稍疏虞。乙未。諭徐宗幹奏。克復彰化縣城。曾玉明丁曰健奏。會師克復  
彰化。並攻克要隘情形。各一摺。臺灣逆匪。日久蔓延。經丁曰健攻拔葭頭。與曾玉明  
會師進克彰化。並將鹿港至寶斗一帶。道路疏通。其南路匪莊。亦經吳鴻源曾元福  
先後攻克多處。林文察見已放洋。收泊臺灣。著左宗棠徐宗幹卽知照該署提督。迅  
卽馳赴嘉義。會同曾元福相機進攻。速清餘孽。斗六逆巢。已經官軍圍困。著曾玉明  
丁曰健激勵諸軍。迅將賊首戴萬生斬擒。毋令兔脫。內山貓霧巡檢地方。業經攻克。  
著卽飭令林文明等軍。合剿四塊厝林逆老巢。以期山內地方。一律肅清。丁酉。  
諭雷正綰等奏。官軍攻克當原等賊巢。立解鎮原城圍。並陶茂林見已到泝。亟籌進  
剿。各摺片。照麟奏。遼查甘省近日軍情一摺。雷正綰之軍。攻克王村花所鎮賊巢。後  
涇境已無賊蹤。而鎮原境內之當原北原地當衝要。爲賊所踞。經雷正綰親督各軍  
進剿。直薄賊壘。誘賊離巢。總兵成祿魏添應等伏兵齊起。奮力剿擊。當將兩原賊巢  
掃蕩。進紮鎮原附城一帶。搜剿。立解城圍。餘賊敗向平涼遁去。雷正綰以乘此聲威。  
自應直進平涼。而陝之泝隴。甘之靈崇等處。賊巢聯絡。不惟涇州空虛。卽慶陽亦無

屏蔽。且恐賊得回窺邪長。繞至官軍後路。必得陶茂林一軍。速由鳳翔前進。會同剿除秦隴兩省吡境賊氛。方可合力以圖進取。與熙麟所奏請飭多隆阿迅催陶茂林等所部。與雷正綰合籌進剿之意正同。陶茂林見在已將鳳回收撫。帶領各營到汧進剿。即著雷正綰督率各軍。速與陶茂林前後夾擊。將汧隴及靈臺崇信之賊。痛加剿洗。以清後路。該提督等即當合兵一路。直取平涼。以成破竹之勢。甯靈相距道路雖較遠。第使官兵迅克平涼。由鹽固轉戰而前。自足以蹙奸回之魄。逆回馬化澂分股攻撲中衛地方。係與蘭州等處接壤。熙麟務須飭令甘省文武。多派兵勇。嚴扼中衛。並激勵各屬官民。悉力備禦。嚴防奸宄窺覷。保全河西三郡。毋致爲賊所乘。致剿辦更形棘手。張集馨於白集原遺糧。撥出二萬石解涇。接濟軍食。此時自己運到甘省民力彫殘。餉需萬難籌畫。陝省自潼關以至長武。東西大路。業已肅清。商賈定漸復業。其未遭兵燹各屬。亦應尙有積糧。雷正綰等軍進剿正當喫緊。慶陽亦缺乏堪虞。仍著張集馨竭力妥籌。源源接濟。鳳翔回民。雖經陶茂林收撫。其善後事宜。並著張集馨督飭該地方官妥慎籌辦。前所調派晉省撥赴定邊一軍。嗣由山東改撥單縣。所募楚勇一千名。即由山東省取道汴省。徑赴潼關。此時當可到防。訥欽所帶直

隸一軍。亦將可達歸綏以圖進取。雷正綰務當乘此迅速合軍。鼓勇直前。以拯隴急而紓西顧。己亥。諭內閣。僧格林沁等奏查驗額毫等處圩寨。擒斬苗黨捻首多名。皖北漸就肅清。洵足以快人心而申天討。所有各該處善後事宜。即著該地方官認真講求。妥爲辦理。諭僧格林沁等奏。蒙亳一帶賊氛甫滅。請於適中之地。增設文武。酌添防兵。以資控制等語。安徽蒙亳。東西相距二百餘里。河南永城縣與安徽潁州府。亦南北相距二百里左右。雉河集爲蒙亳永宿潁適中之地。相距均五百里以外。該大臣擬請添設重鎮。或酌設州縣各官。以資治理。所籌其中。窺要。著曾國藩喬松年審度時勢。酌量情形。遴選職分較大武員。統帶數營。駐紮該處。庶可清理伏莽。永消反側。其辦理善後各事宜。尤屬刻不容緩。應如何酌設州縣各缺。以專責成之處。並著詳細籌商。妥議章程具奏。庚子。諭議政王軍機大臣等。前因總理各國事務衙門奏陳辦理俄國分界情形。當經諭令明誼明緒。於會議時徑行酌辦。不得游移瞻顧。茲據明誼等奏。行文俄國。約派使臣前來商辦。安插內服哈薩克等人衆一摺。俄國分界事宜。已經明誼等行文該國。准照該使臣議單辦理。並約該國派員前來商辦。換約。見在大雪封山。該國使臣前來。約在明春。若明誼等即遵照前次

寄諭將分界事宜徑行斷結不得再行咨商總理各國事務衙門以致往返稽延。至烏梁海蒙古並內服之哈薩克布魯特及伊犁距近邊卡居住之索倫四愛曼人等有礙生計之處亦應豫爲籌畫其塔城所屬藩部卽由明誼等查明情願內附人衆若干一面查明卡內空曠處所以便於定界後酌籌內徙並著明誼等速卽知照常清麟興廣鳳等迅將所屬蒙古烏梁海及哈薩克布魯特一併豫籌安置處所妥議章程辦理。辛丑諭議政王軍機大臣等林文察奏克復斗六土城嘉義肅清移兵彰化一摺官軍攻克彰化後林文察會同總兵曾元福進攻斗六逆巢並將附近逆黨巢穴數十莊悉數攻毀復誘令斗六賊匪出巢設伏擊敗悍賊乘勢攻拔斗六土城陣斬甚多擒獲僞軍師元帥等剿辦尙屬認真惟匪首戴萬生見在逃往彰化洪逆所往之北勢滂莊與林逆所踞之四塊厝地方皆爲該逆老巢族類甚繁且恐句結內山番族復致滋蔓著徐宗幹卽飛速行知林文察並飭曾元福丁曰健合力進攻務期破毀老巢將戴萬生洪禮林翰晟三逆悉數擒斬其首匪陳啞狗弄所踞之大突等莊亦著速行攻克將匪首一併殲擒毋任再行竄逸林文察務當乘此軍威力加掃蕩並與曾元福丁曰健和衷商辦迅奏膚功毋得稍分畛域。

東華錄要 卷一百 同治二年

五

商務印書館印行

甲子同治三年春正月甲辰諭議政王軍機大臣等奔牛一鎮爲鎮常衝要李秀城李侍賢等巨酋方以死力護金陵老巢後路糾集大股圍困唐殿魁等新營並用輪船炸礮力爭其地官軍以少禦衆勢頗危險竟能力解重圍焚其輪船所辦尙好李鴻章既據曾國荃函會李秀城由金陵出向句容而去又獲賊供圍奔牛時李秀城卽在其內是此賊猶恃其狡悍必欲爭此要衝以爲竄走之路李鴻章見飭李鶴章劉銘傳等相機圖攻常城並防忠逆回援著卽妥籌兼顧平潮乍浦海鹽之賊俱已投誠海甯州賊亦有獻城之說杭賊勢孤左宗棠已進駐橫溪頭督剿餘杭與蔣益澧攻杭之師必須有一先下嘉湖乃可次第肅清卽著督令所部迅圖攻取。丁未命牛樹梅來京以蔣志章爲四川按察使。戊申以江南水師克復九洲洲出力人員加銜升敘有差。庚申諭駱秉章奏剿辦滇邊逆匪獲勝並掃蕩碉寨伏賊川界肅清一摺逆匪何金龍在滇邊糾合游匪數千人於上年十一月十五等日竄至川界筠高境內經提督胡中和分飭各營並約會總兵李復勝等軍馳抵川滇毗界之斑竹塘分投進剿俘斬甚多惟何逆尙未就殲見在逃往何處著駱秉章迅飭各營及地方文武嚴密搜捕務將該逆首就地殲除至金子口四方碛等寨均有賊

匪潛伏。與何逆勾通。亦經胡中和等督飭各營分道進攻。斬馘不少。何逆弟姪等。亦均拏獲正法。伏賊一律剿滅淨盡。川境肅清。剿辦尙爲奮勉。惟滇邊散練游匪。伏莽尚多。並著駱秉章咨會胡中和。分飭各營。嚴防要隘。毋任匪蹤闖入。其由黔省正安竄入川境之號匪。卽著駱秉章飛飭李復勝所部果後三營。迅由興文迎頭截擊。毋令蔓延腹地。以靖疆圉。丙寅。命副都統文煜赴甘肅慶陽督辦糧臺事務。轉毛昶熙爲吏部左侍郎。調吳存義爲吏部右侍郎。以王發柱爲禮部右侍郎。己巳。

諭曾元福丁曰健奏生擒首逆。剿滅巨股會匪。並林文察奏圍攻林洪各逆老巢。疊獲勝仗各一摺。逆首戴萬生於官軍攻破斗六後。逃至張厝莊。經曾元福帶兵將該莊附近西南一帶之目宜山紅毛社丙郎莊社頭崙仔等處逆莊四十餘處。分路剿毀。復與丁曰健所派勇丁。合破張厝莊。該逆遁至芋寮仔莊。復經曾元福丁曰健親督兵勇。將該莊攻破。生擒首逆戴萬生並逆犯董九仙戴印等正法。彰化縣屬西南大路。俱已肅清。辦理尙屬得手。曾元福丁曰健務當分派兵勇。嚴扼入山要隘。以杜餘匪竄山之路。一面搜捕淨盡。以絕根株。毋貽後患。曾元福見督兵進攻小埔心陳啞狗巢穴。諒可迅速攻拔。該署提督擬俟事竣後內渡。著左宗棠徐宗幹屆時酌

量情形。將曾元福及其所部兵勇。撤歸內地。以節餉需。至內山北投四塊厝。爲林晟洪樓等逆另股盤踞。卽責成林文察等速行攻克。將首逆林晟等擒斬。毋任漏網。仍著丁曰健分派勇丁扼要堵禦。臺灣各路漸次肅清。林文察見稱擬留兵勇五千名。足資防剿。此外兵勇及曾元福所部。已咨請左宗棠徐宗幹分別撤回。著卽照所擬辦理。庚午。命王憲來京。以蘇廷魁署河南布政使。二月壬申朔。諭勞崇光等。奏黔省下游各屬剿匪獲勝。並清鎮等處軍情。見在進攻開州各一摺。黔省下游各屬。被匪滋擾。幾無完區。鎮遠黎平之苗匪。思南都勻思州各府之教匪。蔓延日久。經各該地方文武剿辦。或攻破賊巢。或收復村寨。或疊獲勝仗。辦理尙屬得手。惟各該處匪徒均未全股殄盡。地方尙未肅清。勞崇光等亟宜籌畫兵食。督飭在事各員。乘此聲威。速將各股匪徒悉數掃除。其石阡府屬之教匪。見在剿辦情形若何。未據勞崇光等奏及著督飭該處官紳。實力剿洗。並將見辦情形。隨時具奏。其滋擾附近省城一帶股匪。偪近清鎮。攻陷龍里。經勞崇光等派兵攔截。將賊匪擊退。並將龍里縣城克復。江內東西南三面。均已肅清。此股逆匪偪近省垣。勢尤猖獗。沈宏富等見在分路進攻開州。著勞崇光等嚴督該將士等。迅將開州城垣攻克。並將竄向貴定

一路賊匪實力追剿。殄滅淨盡。乙亥。諭張集馨奏。湘果各軍。已於正月十一日克復漢中郡城。髮逆竄至西鄉石泉地界。屢撲甯陝廳城。均經在城官紳兵勇擊退。該逆見由東河賈家營向鎮安而去。已飛咨湖北河南各督撫一體嚴防各等語。漢南髮逆全股東趨。意圖竄擾楚豫。爲回救金陵牽掣官軍之計。豫省兵力單薄。張總愚一股尙未就殲。若爲髮逆所勾結。剿辦必更棘手。僧格林沁布置皖省事宜。已否周妥。著即酌量情形。督帶兵勇。進紮南陽一帶。迎頭截剿。如一時尚難離皖。卽著派得力將弁。統帶勁旅。星馳赴豫。會同該省兵勇。扼要堵截。勿任闖入腹地。張之萬務當督飭地方文武員弁。認真防剿。張曜一軍。剿辦張總愚股匪。著該撫嚴飭該總兵迅速圖功。尅日蒞事。鎮安接壤卽要。該逆前次本有會兵襄陽之說。不可不豫籌防範。著官文嚴樹森督飭在防各軍。實力截擊。並添派勁兵。前赴鄭襄一帶。探蹤迎剿。湖北河南如能嚴密堵遏。該逆窮無復之難保。不分竄商南。由豫窺晉。著沈桂芬相機設防。妥籌辦理。陝西省城防務雖鬆。張集馨仍當隨時偵探。如城固西鄉之賊。竄近子午谷各口。卽著溫德勒克西等痛加剿洗。整屋連日進攻甚急。夜不撤隊。諒可得手。多隆阿務當激勵將士。迅復堅城。以便分兵策應。顧全大局。丁丑。調鄭敦謹

東華錄要

卷一百 同治二年

七

商務印書館印行

爲直隸布政使。王榕吉爲山西布政使。諭德勒克多爾濟布置歸綏防務。戊寅。以復陝西高陵縣城。予協領舒保等升敘。己卯。都興阿奏水師擊賊於小河等處。連戰皆捷。仍諭令嚴防。庚辰。諭議政王軍機大臣等。劉蓉奏官軍大破上元觀賊壘。連克城固洋縣兩城。見籌分路進剿一摺。逆匪陳得才黨與盤踞上元觀。而漢中等處匪股。出與合併。希圖抗拒。經劉蓉督率官軍。痛加剿擊。大破上元逆壘。乘勝連克城固洋縣兩城。惟城固敗竄之賊。多往西鄉一帶。藍逆餘黨復竄華陽。勢將徑趨整屋。以圖合併。劉蓉見飭何勝必蕭慶高各營。由西鄉一路跟蹤躡剿。著卽督飭步步緊躡。痛加剿洗。將此股餘賊。殄滅淨盡。壬午。諭毛鴻賓奏。官軍攻剿三山賊巢。牛擒首逆一摺。匪首鄧二尺七於廣東連陽一帶。糾衆肆擾。恃險負嵎。歷年進剿官兵。均以山勢深阻。未能覆其巢穴。此次臬司張連蘭移得勝之師。乘勢亟進。竟將積年巨憝。一鼓蕩平。剿辦迅速。甚屬可嘉。惟該處界連數省。峻嶺危灘。萬重險阻。若不將餘匪搜捕淨盡。恐官軍一撤。必致又成嘯聚。餘燼復然。著毛鴻賓郭嵩燾督飭在事文武。實力搜捕。務絕根株。癸未。諭議政王軍機大臣等。宜荆二縣濱臨太湖。界連三郡。此次戈登奮勇自效。李鴻章復抽派精銳。會同前往。先破附城十餘壘。

擊退溧陽大股援賊遂拔名城從此蘇錫之防益固常州之克可期實與大局有裨據該撫片稱宜荆既復自應乘勝進圖溧陽戈登郭松林等水陸六七千人業於二十七八日陸續進發惟該處爲李逆老巢金陵後路羣賊所必爭之地儻孤軍深入面面受敵深可危慮著李鴻章密飭戈登等步步爲營務須謀出萬全不可輕進貪功致有疏失曾國藩當檄飭鮑超東壩溧水防軍前後兜擊以期聲勢聯絡西路賊情地勢以常州爲關鍵常郡果能得手則旁縣更成破竹之勢李鴻章即催令李鶴章劉銘傳設法攻取先破城外賊壘自必更有把握嘉興賊糧尙足逆酋志在死守程學啓等已攻破東北門外賊壘多座督軍直抵城根賊衆雖多殲斃我軍亦不免傷亡榮逆前次詐降以緩師期今復堅守以待援賊實屬異常兇狡該撫務令程學啓等安速籌攻毋稍鬆勁湖州踞逆圖擾盛澤平望撲犯後路爲李朝斌等水師擊敗並著督飭各軍認真防剿毋令與嘉興城逆句合正在寄諭間據沈葆楨奏髮逆內竄截剿獲勝後股仍源源而來該撫飛催各營迎剿又咨曾國藩另調一軍守祁門俾繼果營得以回顧本省等語髮逆下竄江西關繫左宗棠後路該省又爲曾國藩軍營餉需所自出若有疏虞牽掣東南全局其患不小刻下江路肅清彭玉麟楊

東華錄學要 卷一百 同治二年

八

商務印書館印行

岳斌二軍數月以來水師均無戰事著曾國藩即派楊岳斌酌帶戰船數百號馳赴鄱湖擇要駐紮江忠義所部見歸陳鳴志等統帶威望尙輕而所調之江忠朝一時恐難赴營此軍即可交楊岳斌兼行統帶該提督謀勇素著諒能認真督辦力顧江防曾國藩仍當隨時與沈葆楨商酌妥籌策應沈葆楨即就見有兵力嚴飭各路將弁實力堵剿左宗棠仍遵前旨密防衢嚴一帶並於江浙交界處所添派勁旅會同江省防軍合力夾擊其由歙嶺竄德興入玉山之賊人數尙有若干官軍戰守情形並著沈葆楨續行馳奏 庚寅諭議政王軍機大臣等曾國荃親督諸將攻取鍾山石壘奪回天保僞城派營戍守並紮營扼斷神策太平兩門大路金陵城北之圍自此始合所辦甚合機宜惟是官兵不滿五萬分布地段甚長曾國藩務當飭令曾國荃督率諸將穩慎進攻晝夜嚴防必須就地殄除毋任竄突他處該大臣所稱待逆溧陽老巢新爲蘇軍所破聞該逆率其黨與歸併湖州目下湖州賊數極多由安吉孝豐昌化遂安以竄江西毫無阻礙等語著左宗棠添調得力兵勇渴截由昌化遂安上竄江西之路並嚴防衢嚴等處俟餘杭克復設法進規湖州以牽賊勢待逆之黨分股內犯雖屢經江西防軍擊敗而絕無返顧之心見已繞至廣豐又繞至鉛山

湖坊勢將蔓延腹地。窺伺撫建兩郡。曾國藩已調席寶田軍援廣玉。撫建等處。又與沈葆楨咨商。添調繼果等營。回顧江西腹地。即著沈葆楨從長計議。飭令在防將弁認真堵剿。勿令一賊闖入腹地。如侍堵等逆。接續上竄。江西防兵單薄。曾國藩仍當調派勁旅。趕緊援救。前諭曾國藩派楊岳斌酌帶戰船數百號。馳赴鄱陽湖。擇要駐紮。並將江忠義舊部。歸其統帶。此時江省防務十分喫緊。該督撫務即籌商安調。以期萬全無失。辛卯。諭官文等奏。官軍克復廬山。立解棗陽。霸山之圍。並鄖軍收復上津堡一摺。皖逆闖入鄂疆。在隨棗一帶肆擾。此次官軍被圍至六晝夜之久。幸各將士堅守苦戰。援軍奮勇馳救。立解重圍。剿辦甚屬出力。著官文嚴樹森激勵各軍。乘勝窮追。上津堡雖經克復。而藍二順首惡尚在稽誅。漢南大股髮逆。悉數東下。張總愚巨股。又有自南魯逸出。逼近南陽之說。敗捻已越棗陽。若再上窺樊襄。或直走新鄧。勢將不可收拾。官文等見飭成大吉等水陸各軍分駐襄鄖。互相聯絡。其荆門荆宜一帶。又飭周鳳山六營居中控扼。所籌均尚周密。即著飭令在防將士嚴密堵剿。聚殲醜類。張總愚一股。前據僧格林沁等奏。飭蘇克金等誘令出險鈔擊。此時該逆既已出山。即可用馬隊衝突。著該大臣嚴飭蘇克金等迎頭截擊。痛加剿洗。張

東華錄要 卷一百 同治三年

九

商務印書館印行

之萬嚴飭張曜等軍會合夾攻。總期一鼓殲滅。毋任旁竄分趨。楚豫軍情萬分喫緊。張之萬務當振刷精神。督率各軍會合楚師認真防剿。壬辰。河南巡撫張之萬等奏汝軍攻克息縣光州賊寨。得旨。息縣東南一帶賊巢。仍著嚴督將弁乘勝迅速掃蕩。又奏籌防漢中竄逆。先期派兵扼守荆子關等情。批。昨據官文等奏張總愚自南魯逸出。逼近南陽。已寄諭該督嚴飭張曜等會合剿洗。該撫擬即移營營山。著仍遵昨日寄諭。將此股捻匪。剋期殄滅。一面騰出兵力。確探髮逆所向。迎頭截剿。毋令闖入邊境。甲午。以福建臺灣南北兩路肅清。賞護提督曾元福巴圖魯名號。道員丁日健二品頂帶。庚子。諭張集馨奏甯陝道路已通。城防弛嚴。境內肅清一摺。漢中髮逆竄撲甯陝廳城。自正月初八日至二十六日。賊衆盤踞城外附近一帶。窺伺城垣。均經該廳文武督兵集團。屢次擊退。此股係羅逆及僞扶陳逆。不下十餘萬。僞端藍逆斷後。其僞啓增諸逆。黨約二三萬人。均於二十六日夜間。由賈家營梁家堡分竄鎮安縣孝義廳各境。又西鄉另股馬逆二萬餘人。於二月初一日。由石泉銀杏壩竄竄關口。亦由賈家營東竄甯陝廳境。已無賊蹤。由子午谷直至省門。一律安靜。該廳文武紳團。相持一月之久。卒能擊退大股逆匪。尙屬出力。著劉蓉迅即查

明奏請獎敘。此股逆匪志在回援金陵。日夜東竄。亟須力籌堵截。劉蓉督兵追擊。見在行抵何處。李雲麟扼紮石泉。何以任令馬逆一股竄向關口。由買家營東去。未見奏報。見在進剿情形。究竟如何。著即迅速馳奏。並著繞赴賊前奮力堵截。本日據張之萬奏稱。髮逆逼近荆子關。經總兵李殿元堵剿斃賊多名。又探稱髮逆欲從內鄉竄合。張總愚股匪。見已擾及內鄉交界之石樓地方。本日已諭僧格林沁嚴督蘇克金等軍。實力堵截。張之萬嚴防本境。官文嚴樹森嚴扼襄樊。以防陳大濬等股匪句合皖粵各逆。前經疊諭劉蓉。不分吟域。盡力窮追。著即懷遵前旨。星夜東進。會合李雲麟一軍。緊躡賊蹤。兩路夾擊。至賊蹤分竄靡定。儻被楚豫各軍阻截。難保不折回陝境。以窺晉疆。沈桂芬當督飭蒲津一帶在防文武。加意嚴防。所有商維藩關等處。仍著多隆阿檄飭在防各軍。嚴密扼守。其子午谷及西安省防。仍應加意備禦。甯陝廳屬團衆。張集馨不可遺令解散。整屋叢爾一城。賊匪並不甚衆。多隆阿圍攻日久。迄未克復。以致全局爲賊所牽。著即速行設法攻拔。毋再遷延貽誤。以明緒爲內閣學士。仍留伊犁參贊大臣任。三月壬寅。諭內閣。李鴻章奏水陸官軍攻克嘉興府城等語。此次程學啓進攻嘉興。日則往來督隊。夜則露坐礮臺。指揮照料。冒死血戰。身受重傷。用能攻拔堅城。掃除巨逆。其志可嘉。其功尤偉。著李鴻章傳旨嘉獎。令其安心醫治。以冀速痊。仍著該撫詳查勞績。奏請獎敘。其尤爲出力之將領各員。並著查明一併奏請。諭李鴻章奏官軍收復溧陽縣城各路敗賊。竄併常州西路。圍撲江陰常熟無錫各城。調派各軍援剿。次第解圍。連獲大捷。並程學啓督軍攻克嘉興各摺片。逆衆乘隙內竄。幸各軍防守甚嚴。該逆受創而去。侍逆逃往湖州四安一帶。其所部死黨。有帶赴湖州者。有併入常州者。難保不再圖大逞。仍當飭令在事各員。加意嚴防。穩紮穩進。其揚庫等處之賊。是否尙在盤踞。著督飭黃翼升郭松林等前後夾剿。務將此股敗賊。悉數殲除。李鴻章劉銘傳即飭乘勝逼攻常州。以期一律削平。嘉興已復。餘匪飭即就地掃除。湖州援賊黃老虎等被擊回遁。即著督令李朝斌等會同浙軍設法進取。諭多隆阿奏。攻拔整屋外城受傷請假。並靈臺境內已無賊蹤。又奏攻克整屋並傷重調治各摺片。雷正綰奏汧麟等處剿賊獲勝情形。劉蓉奏收復西鄉。賊勢全數東竄。見籌布置防剿情形。各一摺。整屋城小而堅。米糧頗足。藍逆以積年巨懸。拚死負隅。多隆阿督率兵勇。晝夜圍攻。奮不顧身。竟將堅城攻拔。具見忠勇過人。惟該大臣頭眼俱受槍子。尙未取出。本日已賞假調理。並由內



府發去如意拔毒散四料。以資敷治。所請伊子雙全赴營隨侍一節。已寄諭黑龍江將軍。令其傳知雙全赴營隨侍。並因道途遙遠。命其馳驛赴陝。藉資迅速。多隆阿或在營調養。或因醫藥較便。須赴西安省城。均著自行斟酌辦理。其欽差大臣關防。准其交穆圖善暫行護理督辦軍務。即督令將藍屋餘匪。悉數追捕。毋留餘孽。至首逆藍大順是否殲斃。抑或乘間逸出。並著查明具奏。雷正綰回軍靈臺。截剿沂麟竄逆。攻破上梁鎮逆巢。曹克忠一軍。復將兩亭寺花廟一帶賊巢。全行平毀。靈臺界內已無賊蹤。雷正綰當乘此聲威。亟將崇信一帶。餘匪肅清。會合曹克忠及陶茂林隴州之師。殄除羣醜。以期迅速赴甘。規取平固。癸卯。諭內閣。前任江蘇巡撫徐有壬。於咸豐十年四月。在蘇州省城殉難。當經奉旨照例賜卹。並加恩予諡。家屬幕友。均交部分別旌卹。茲據李鴻章奏稱該故員服官數省。所至皆皆有政聲。在江蘇巡撫任內。臨難捐軀。無愧封疆守土之義。徐有壬著再加恩。准其於蘇州省城建立專祠。其同時殉難之家屬幕友人等。一併附祀。以彰忠盡。其平生事蹟。並著宣付史館立傳。伊子正三品廕生候選同知徐震燿。著吏部帶領引見。賞已革按察使孫治六品頂帶。隨副都統文煜赴甘肅糧臺差委。丁未。諭議政王軍機大臣等。

東華錄

卷一百 同治二年

十一

商務印書館印行

曾元福奏肅清嘉義。克復斗六。林文察奏擒獲首逆內山肅清各一摺。嘉義縣境各逆莊。經曾元福督兵攻破。並將附近斗六各逆莊及斗六土城陸續攻拔。其內山四塊厝林逆老巢。亦經林文察督軍攻克。生擒首逆林贛辰。正法臺灣軍務。漸次肅清。曾元明攻破北勢浦賊巢。首逆洪機逃往埔裏社一帶。陳啞狗奔堅踞小埔心。著丁日健即會同林文察。曾元明迅拔賊巢。將首逆斬擒。並將在逃餘匪。搜捕淨盡。見在髮逆由江西分竄閩疆。防堵正形喫緊。曾元福一軍。仍著左宗棠徐宗幹遵奉前旨。迅速檄飭內渡。以資防剿。庚戌。命欽差大臣西安將軍多隆阿。督辦陝西甘肅兩省軍務。辛亥。諭左宗棠奏截剿湖州援賊獲勝。並會克嘉興府城及杭州餘杭攻剿情形各摺片。湖州大股援賊竄犯桐鄉烏鎮。經蔣益澧調派各軍。截剿獲勝。破其堅壘。餘賊竄遁。並會合蘇軍攻克嘉興府城。在事員弁均屬出力。著左宗棠擇尤奏請獎勵。壬子。諭內閣。此次官軍將杭州餘杭二城同日克復。辦理甚爲得手。所有竄逸餘匪。即著左宗棠督飭兵勇。迅速追剿。盡殲醜類。毋留餘孽。閩浙總督左宗棠。自督辦浙省軍務以來。連克各府州縣城池。茲復將杭州省城餘杭縣城攻破。實屬調度有方。著加恩賞加太子少保銜。並賞穿黃馬褂。浙江布政使蔣益澧。自

調任浙江以來。戰功卓著。屢拔堅城。茲復親督各軍。克復杭州省城。實屬奮勇異常。著賞穿黃馬褂。以示優獎。所有在事出力將士。著左宗棠查明擇尤保奏。癸丑。

諭議政王軍機大臣等。馮子材魁玉奏。楚軍克復句容。見擬移軍會搆丹陽。一摺。鮑超官軍由東壩進剿句容。馮子材等復派陶茂森各軍。由東昌街直搆句容之北。進薄北門。鮑超之軍已由南門攻入。立將縣城克復。句容與丹陽互爲犄角。此次鮑超督軍進逼。一戰而下。擊城。剿辦甚爲迅速。其句容餘賊竄往何處。未據馮子材等奏明。著即飭令鮑超等查明追剿。丹陽之賊。此時間風喪膽。著會國藩即檄飭鮑超移得勝之師。疾搆丹陽。富明阿所派渡江兵勇先後八千餘名。詹啓綸已直抵丹陽北門外。頗有斬獲。富明阿即飭該總兵與鮑超之師南北夾擊。迅圖攻拔。馮子材以寶堰屯甸一帶。尚有逆壘未平。飭陶茂森移軍掃蕩。著迅將寶堰屯甸逆壘削平。即乘勝併力丹陽。以期功收破竹。其金壇一城。賊勢自己窮蹙。如機有可乘。各路官軍亦可分兵掩襲。使各城次第收復。早奏膚功。李鴻章派攻常郡之師。前以賊氛內竄。致稽戰事。此時丹甸敗逃之逆。更恐窮極鋌走。思犯毗陵。如能早將常郡攻克。或不至爲所牽掣。見在攻剿情形若何。著飭李鴻章等一面迅圖克復常州。一面嚴備丹陽。

東華錄學要 卷一百 同治三年

十一

商務印書館印行

之賊。續行內犯。毋稍疏虞。甲寅。命西安副都統穆圖善幫辦欽差大臣多隆阿軍務。並暫署欽差大臣。乙卯。諭議政王軍機大臣等。雷正綰奏疊平賊壘。靈臺後路肅清。分軍規取平涼。一摺。另片奏請將西南之清水等處兵勇。交陶茂林就近節制。請飭陝西勸捐糧石濟餉。各等語。慶昫奏甯夏近日防守情形。一摺。覽奏均悉。雷正綰由靈臺截剿。泮麟竄逆後。復自崇信連克雙廟集神浴河白水鎮。見鎮等處賊巢。更番移營前進。靈臺崇信後路。一律肅清。見與陶茂林晤商。該提督由東北白水鎮四十里鋪一帶。陶茂林由西南華亭一帶。分道規取平涼府城。所辦均屬妥協。著即會同陶茂林。尅日進取平涼。以期漸次掃蕩。該提督由東北路進兵。與西南聲息不通。所有清水安定隆德靜甯一帶兵勇。即照所請交陶茂林就近節制訓練。以專責成。即著熙麟雷正綰。傳知陶茂林認真統率。並須兼顧蘭州省城。不得稍有疏失。所請於陝西北山一帶。勸捐糧石以濟軍食。著張集馨遴派委員。會同雷正綰所派之員。實力勸辦。但不得指定十分之一。以免騷擾。並著熙麟設法接濟雷正綰營糧石。曹克忠見在駐軍何處。應由何路進剿。著多隆阿等迅飭進兵。以收夾擊之效。多隆阿傷病。疊經寄諭詢問。如子已取出。傷可無礙。即著迅速馳奏。仍一面督飭。

穆圖善雷正綰等分道進剿。迅速奏功。以赴委任。穆圖善既已幫辦軍務。暫畧關防。不獨剿辦陝省回逆。是其專責。卽漢南髮逆。亦應幫同劉蓉妥籌截剿。慶昫等奏甯夏匪衆情形。時來撲犯。該將軍等固守待援。見據恩麟咨稱。已在中衛左近捐籌小麥三千石。駛運接濟。著該將軍等嚴催運送。仍督率在城文武固守待援。毋稍疏忽。此後仍著恩麟會同恩麟隨時設法。陸續解濟。訥欽一軍。前經諭令速援甯夏。並著派員催提。內外夾擊。以保危城。訥欽之兵。未經行陣。該署提督。恐難獨當一面。前諭多隆阿。揀派大員幫同。訥欽帶兵剿賊。卽著多隆阿。穆圖善。迅速妥籌。調派馬隊五百名。曾否派往。並卽催令啓程。雷正綰攻剿平涼。如已得手。卽分軍前赴甯夏。會同慶昫痛殲醜類。規取郡城。庚申。以克復浙江杭州餘杭兩城。賞布政使蔣益澧雲騎尉世職。提督高連陞。黃馬褂。道員楊昌濬等。加銜升敘。開復有差。權授總兵官德克碑頭等功牌。並銀一萬兩。予陣亡參將古捷芳等。祭葬世職。加等。乙丑。調吉林黑龍江兵各一千名。益富明阿軍。丙寅。諭議政王軍機大臣等。官軍克復武康。德清石門三縣。自可乘勢進取湖州。惟賊酋李侍賢。楊輔青。陳炳汝。李遠。繼窮無所。希圖突犯上游。擾及完善。左宗棠見調康國器。張恆恆兩軍。赴臨安截剿。並派劉

東華錄

卷一百 同治三年

十三

商務印書館印行

清亮各軍。由新城馳赴嚴州防剿。唐學彭。大光督帶水師。於桐嚴一帶梭巡。布置尙屬周妥。卽著嚴飭水陸各軍。前截後追。江忠朝曾否已抵江省。陳鳴志等所統江忠義舊部。見紮何處。著沈葆楨酌度機宜。或卽派此軍赴江西浙江毗連處所扼要駐紮。以杜該匪上竄之路。如已乘閒闖入江境。卽著左宗棠檄飭諸軍。迅速越境追剿。務將此股竄匪。悉數殲除。俾江省得以悉力南豐新城。肅清腹地。高連陞等率師進趨湖郡。離郡城四十里地方。擊賊獲勝。此時計已緊偪城下。官軍自必倍加奮勇。左宗棠卽當乘機鼓舞。令其迅拔堅城。廓清全浙。前因嘉興克復。諭令李鴻章督率李朝斌等會同浙軍設法進取湖州。見在浙軍業已前進。並著李鴻章分兵會剿。兩路夾擊。見派何將何營會剿湖郡之處。著李鴻章迅速奏聞。廣德甯國一帶。係湖賊出竄要衝。李侍賢等見又有圖竄廣德等處之議。該處防剿正緊。會同藩前有會同浙師在徽浙之交節節布置之奏。刻下廣德甯國等城防兵。是否足資分布。著該大臣妥籌調派。務將廣德甯國一帶賊竄之路。嚴密堵截。鄧洸明束身待罪。左宗棠見其左手已廢。廷瘡特甚。准暫免一死。辦理自屬正大。所部悍黨。見經分爲數營。隨赴湖州攻剿。並著左宗棠密飭湖州各營將領。隨時加意防範。毋令別滋事端。江西大

兵雲集。所有竄踞南豐蔓延新城之賊。著沈葆楨激勵將士。痛加剿洗。務使前竄股匪。盡皆殄滅。庶後股不敢接踵而來。於東南全局。大有裨益。戊辰。諭議政王軍機大臣等。李雲麟奏首逆伏誅。餘黨剿盡。通籌見在情形。次第追剿各摺片。所陳主事管湧率領團勇。於紫溪河地方合剿藍逆股匪。殲除匪首等情。與前日劉蓉所奏略同。而管湧等由柵溝場追賊餘黨及之於葉家坪。與舉人張承燮等團勇相遇。併力夾擊。將賊餘黨全行殄滅。並軍功王重良率勇搜尋藍大順正身。並其偽巡部藍三順四順等八人。同時殺斃等情。較劉蓉前奏爲詳。劉蓉前奏本有先於紫溪河殲斃眼有肉瘤之藍大順外間傳說並非該逆正身之語。茲據李雲麟奏據獲賊供。係屬僞都統王包包假名。此次王重良所殺藍逆正身。割驗首級。實屬確切。當爲可信。前諭令李雲麟會同湘果各軍。速剿蔡逆股匪。今該京堂所奏。旣以痛剿此賊。自任劉蓉仍遵前旨。督飭迅速掃蕩。藍曹餘孽。竄入北山。並飭蕭慶高等軍趕緊剿滅。毋任深入林箐。日久蔓延。致成棘手。何勝必駐軍興安。防賊回竄。自可與蕭慶高湘果各軍。相爲策應。其主簿李百魁所部各營。將已抵商。即當與藍斯明一軍。合力追剿。東竄逆股。至李雲麟所稱多隆阿見又派兵三千赴商會剿。是否即姜玉順等所帶

東華錄要 卷一百 同治三年

商務印書館印行

之兵。抑保另有派往何項官軍。均即督令會合藍斯明等。迅將竄賊併力痛剿。武蔚文以病免。以唐訓方署湖北按察使。己巳。諭內閣。遇缺提奏。提督江西西南贛鎮總兵程學啟。由安慶來歸。帶隊攻克皖城。上年復隨李鴻章督兵由滬赴蘇。所向無敵。兩年之間。先後克復蘇州省城嘉興府城及江浙名城十數處。實爲東南戰功稱最。朝廷見其謀勇兼優。勳勞卓著。疊擢提鎮。賞給卅職。乃於本年攻克嘉興時。該提督躬冒矢石。首先登城。致槍子貫腦。絕而復蘇。屢經降旨詢問病狀。詎意竟因傷重出缺。程學啟著追贈太子太保銜。照提督陣亡例。從優賜卹。任內一切處分。悉予開復。加恩予諡。入祀昭忠祠。所有戰績及死事情形。宣付國史館立傳。並於安慶蘇州嘉興各府城建立專祠。靈柩回籍。地方官妥爲照料。並著李鴻章酌派司道大員前往賜祭一壇。伊子程建勳。著俟及歲時帶領引見。尋予祭葬。加三等輕車都尉世職。諡忠烈。諭文祥奏查辦墾荒開渠大槩情形。並郡王伯錫爾捐辦渠工。暨哈密虧短鉛丸軍械各摺片。哈密地方籌辦開墾地畝。經文祥先赴東路塔爾納沁蔡巴什湖兩處查勘。除原額屯地外。沁屯共得荒地五千六百六十畝。蔡屯共得荒地一千七百餘畝。均可開墾。惟患水利不足。文祥見擬將老渠挑挖。子渠加濬寬深。使水

流通暢藉資灌溉。並首先倡率設法勸捐。以濟工需。著卽照所擬辦理。所有按戶升科一切事宜。並著詳細安定章程。以期經久。其西路一帶。查有蕭爾齊火石鐵岡茨梅花湖三段荒地。均皆肥沃。擬將北山五道溝水源開渠引水澆灌。此項工費浩繁。籌辦不易。該回子郡王伯錫爾見願自雇夫工捐備口糧木料。設法開挖渠道。著文祥卽會同伯錫爾妥籌商辦。俟將來工竣時。由文祥奏請獎敘。夏四月。辛未。朔。諭議政王軍機大臣等。富明阿奏水師連獲勝仗。並揚防官軍擊退丹陽援賊。踏平賊壘一摺。南岸逆衆直奔江口。經吳全美等督帶水師擊退。另股逆匪。復在薛家橋等處焚掠。又屢於江口紮筏搶渡。均經各防水師。隨時擊敗。仍著富明阿督飭吳全美等各防師船。晝夜梭巡。丹陽援賊。經各軍四面兜剿。斬滅無算。金壇縣城。亦被鮑超攻拔。丹陽賊勢更蹙。著卽嚴飭督營編會合鎮軍。聯絡鮑超之師。相機進拔丹陽。以期迅速肅事。癸酉。諭張凱嵩奏圍攻貴縣賊巢。擊退援賊。見籌進取情形。陽春客匪。擬竄西省。楊廷桂一軍。探剿黔匪各摺片。貴縣黃逆踞伏平天寨。抗拒全軍。經劉坤一等設法圍攻。殲滅援賊。購覓內應。直倡該寨而營。逆勢益形窮蹙。著張凱嵩督飭各軍。直搗堅巢。務將該寨迅圖克復。陽春縣屬客匪。經東省官軍擊敗。見擬

東華錄要 卷一百 同治三年

十五

商務印書館印行

逃竄西省。陽春毗連信宜。西省容岑兩縣。緊與信宜接壤。著張凱嵩檄飭西省毗境文武。督率兵練。嚴密防守。並飭令蔣澤春確探賊蹤。迎頭截剿。並聯絡東省官軍。兩面夾擊。黔省匪徒廖萬服楊通朝等率黨千餘。竄越西林之潞城地方。著張凱嵩卽飭知府吳其遠激勵紳團。實力剿辦。並著勞崇光張亮基嚴飭該地方文武跟蹤緊躡。黔省賊匪句結李逆。併股圖擾省垣。其入寨之賊。竄入獨山之霸街八蒙一帶。又進跟紀賴旁寨等處。該處一由獨山可達南丹土州。一由荔波可達思恩。楊廷桂見已進軍荔波。黃仲慶亦折回獨山。分路進攻。著張凱嵩卽飭該員等先將李七一股殲除。仍視黔省緩急情形。相機援剿。並著勞崇光張亮基檄令本省各軍。與粵西派出官軍聯絡聲援。次第剿除。毋令匪蹤益形滋蔓。戊寅。諭議政王軍機大臣等。惲世臨奏楚師越境。收復貴州古州廳城。連克尤洞等處賊巢一摺。據稱二月十三日。周洪印戈鑑派隊焚毀尤洞賊巢。賊併趨筆架山等處。周洪印復會合彭炳武等連克順寨。賊棄筆架山受洞巢穴。遁往古州。趙福元亦先後趕到。會同代理古州鎮稔雙有等直搗古城。城賊分門擁出。官軍截殺多名。遂將古州州城克復。賊股遁往平江等處。周洪印等派隊猛進。焚毀賊寨。官兵窮追。因荒山小寨。無處覓糧。且

貴州總兵金泰文。尙無成軍拔營信息。前途無迎剿之兵。楚師跟追不及。飭拔回古州。相機進止等語。湖南官軍屢次入黔剿賊。若貴州派軍會合痛剿。何難將黎平匪股。盡行撲滅。此股逆衆竄何處。何以未據勞崇光張亮基奏報。總兵金泰文見在何處。何以日久未見拔營赴防。著該督撫催令迅速赴任。責令將竄匪悉數殄除。俾世臨仍飭援黔各軍酌度前進。會同黔軍。將此股匪徒全數殄滅。無任回竄。包毛仙一股。句合多人。屯聚孟溪閩頭坡。距松桃城止五六十里。又有黃號教匪任五等各股。在松桃印江交界之天馬寺一帶滋擾。伍雲召圍貴東道於石梁。黨衆盈萬。知府陳昌運撥練勇馳援。會否得手。所圍貴東道。係屬何人。包伍等逆數均不少。何以均未據勞崇光等馳奏。著將黔省賊氛並見辦情形。據實查奏。髮逆及余唐等匪擾及荔波三洞。粵軍副將楊廷桂赴荔波搜剿。俾世臨仍飭周洪印戈鑑等與之聯絡會剿。將來黎古肅清。援軍應赴何處協剿。仍著出境追剿。以固邊防。江西防剿十分喫重。王文瑞劉典兩軍。已募齊勇丁陸續入江。著俾世臨即催令帶勇迅速前進。江忠朝因病尙未啓程。而江忠義舊部。需人統帶。該撫仍遵前旨。催令力疾啓程赴江。湘省東路各邊。仍照舊布置。如兵力尙單。即調回趙福元等軍力顧東防。保全大局。以

東華錄要

卷一百 同治三年

十六

商務印書館印行

副委任。已卯。諭議政王軍機大臣等。富明阿奏水師擊退沿江竄賊。及揚軍進攻丹陽。連日獲勝。並遣散降衆情形一摺。另片奏請調臨淮馬隊來揚等語。係英王叔負固丹陽。意在與金陵常州相爲犄角。牽掣我軍。而句容金壇餘黨及常州西門擊敗悍賊五六千人。屯聚於斗城東南門外。並據降賊頭目等供將來金陵常州如實不能支持。亦必響應丹陽。併力出竄。富明阿請令鮑超會兵攻取丹陽。策亦頗善。惟因侍堵各逆由皖南上竄江西。前經曾國藩奏請令鮑超一軍上援江西。已允其請。是鮑超之軍。不獨不能助攻丹陽。並不能固守東壩。仍著富明阿馮子材督飭詹啟綸等就見有兵力。實力攻拔。劉巷木橋等處降衆。富明阿等捐廉資遣。設局辦理。飭令該委員等實心經理。臨淮馬隊無多。前經喬松年奏請遣撤更換。當諭以吉林等處官兵調出已多。不能再調。如須添兵。可於附近軍營酌商奏調。除富明阿本日所請如有警信南渡之軍。尙須酌撤回揚。准其照辦外。陳國瑞見已銷假。前據吳棠奏令其駐紮徐宿。著僧格林沁酌量。將該提督一軍調赴臨淮一帶扼要駐紮。如楚豫賊匪有竄近皖疆之信。即可飛調陳國瑞一軍截剿。並遵照疊次諭旨。催提陝西所撥之常星阿等馬步各隊。迅速赴豫。一俟到營。即酌撥馬隊數百名赴皖。交喬松

年調遣以防賊匪下竄。喬松年即可騰出克蒙額所統馬隊。全數赴揚。歸富明查調遣。以資得力。增設江甯駐紮協領二。佐領防禦各四。經制筆帖式候補筆帖式各三。癸未召襲自閩來京。以裕麟爲貴州布政使。承齡爲貴州按察使。甲申。諭內閣。李鴻章奏。官軍攻克常州府城。生擒首逆。全股撲滅一摺。此次李鴻章親督各軍。痛殲巨股。克拔堅城。實屬謀勇兼全。深堪嘉尚。著加恩賞給騎都尉世職。道員李鶴章。遇缺提奏提督劉銘傳。記名提督郭松林。王永勝。儘先提奏提督劉士奇。俱能親冒矢石。奮勇爭先。均著賞穿黃馬褂。以旌勞勩。遇缺提奏提督黃翼升。著交部從優議敘。權受江蘇省總兵戈登帶隊助剿。疊著戰功。此次協同攻克常州。尤爲出力。著賞加提督銜。並著照李鴻章所請。頒給旗幟功牌。以示優異。仍俟將所部常勝軍部署妥協。再由李鴻章奏請嘉獎。諭議政王軍機大臣等。李鴻章奏克復常州府城。馮子材魁玉奏克復丹陽縣城各一摺。賊首陳坤書聚黨負嵎。與金陵賊窟爲犄角。李鴻章督軍苦戰。克復郡城。竟將賊首生擒戮盡。全股殄滅。江南大局得以漸定。所辦至爲周妥。見在丹陽亦已克復。雖據馮子材等奏稱斬擒不少。恐竄出之賊尙多。且未將賊竄往何路。明晰聲敘。丹陽城中悍賊甚衆。若任其奔突。又將貽患他處。

東華錄要

卷一百

同治二年

十七

商務印書館印行

見在賊股竄往皖南江西等處者。其勢已重。尤當防其陸續竄往合併。著李鴻章即飭劉銘傳等迎探賊蹤。攔頭截擊。並著富明阿馮子材等嚴飭揚鎮各軍。奮力追剿。丹陽竄賊與劉銘傳等軍前後夾擊。務將餘股全數殄除。曾國藩調鮑超一軍赴援江西。而令李鴻章酌撥勁旅。接防東壩。東壩爲賊竄要道。該撫以丹陽未克。先令提督周盛波等八營。由溧陽進紮南渡。與東壩聯絡截剿。此時丹陽已克。北路防鬆。是否即可調派各軍。進紮東壩二溧一帶。以便騰出鮑超一軍。及早援江。抑將丹陽出竄之賊。剿滅淨盡。再行調派。著曾國藩李鴻章會商妥籌。相機辦理。以故朝鮮國王李昇世子熙翼爵命戶部左侍郎臧保爲正使。正白旗漢軍副都統文謙爲副使。往封。乙酉。改河南會亭營參將爲永城營參將。並中軍守備。移駐永城。以甯陵城守汛隸左營。睢州城守汛隸右營。各駐把總一。移甯陵把總於胡家莊。睢州把總於會亭驛。改設馬頭寺烏牆集千總各一。白馬驛黃塚馬牧集十字河外委各一。鄆縣城額外委一。丁亥。以宜振爲工部右侍郎。戊子。諭議政王軍機大臣等。劉蓉奏追剿曹逆疊破寨壘一摺。曹胥時股匪竄踞大莊坪等處。經蕭慶高黃鼎等督軍先後攻克。其文公梁八里坪曹逆老巢。亦經黃鼎等約期進攻。將各賊營焚毀。連

踏賊營六座。並將曹逆子傷。剿辦尙屬得手。惟曹逆雖經受傷。仍行逃竄。非跟蹤追剿。迅速殲擒。恐致復行滋蔓。劉蓉務宜督飭將士。乘該匪窮蹙之時。盡力窮追。見在曹逆敗殘之餘。劉蓉所部兵勇。已敷剿辦鄂省。隨棗鍾京一帶。賊氛徧地。前經諭令穆圖善劉蓉將派赴豫省之蕭河清孟宗福等所帶楚勇四千人。改派赴楚。與原派赴楚之姜玉順等所帶四千人。一併前往。交官文調遣。其常星阿馬隊。仍派赴僧格林沁軍營。著即懷遵前旨。迅飭蕭河清姜玉順常星阿等軍。尅期啓程。庚寅。諭內閣欽差大臣西安將軍多隆阿前在湖北帶兵剿賊。疊著戰功。同治元年。率師赴皖。攻拔廬州。匪首陳玉城敗竄。被擒伏法。旋由湖北督師入陝。授爲欽差大臣。將同朝一帶回匪巢穴。悉數削平。先後攻克城寨十數處。並分兵解鳳翔之圍。俾陝省回匪一律肅清。厥功尤偉。嗣因藍逆占踞盤屋縣城。屢攻不下。該將軍忠勇奮發。躬親督戰。力拔堅城。頭面致受槍傷。玆遽因傷出缺。披覽遺章。實深悼惜。多隆阿著加恩。追贈太子太保。照將軍陣亡例。從優賜卹。賞給一等輕車都尉世職。任內一切處分。悉予開復。應得卹典。該衙門察例具奏。並准入祀京師昭忠祠。其曾經立功省分。著各該督撫查明建立專祠。賞銀一千兩。經理喪事。由陝西藩庫給發。其靈柩回旗時。

東華錄要 卷一百 同治二年 十八 商務印書館印行

著沿途地方官妥爲照料。伊子孫幾人。著黑龍江將軍查明。俟百日孝滿後。由該旗帶領引見。以示篤念忠盡至意。尋予祭葬。諡忠勇。命西安將軍都興阿督辦甘省軍務。署固原提督雷正綰幫辦軍務。癸巳。命福建水師提督楊岳斌督辦江西皖南軍務。浙江按察使劉典幫辦軍務。以吳昌壽爲湖北巡撫。未到任前。以署按察使唐訓方暫署。以李瀚章爲廣東布政使。李福泰爲廣東按察使。甲午。諭毛鴻賓奏。剿捕菱角塘一帶土匪。生擒首逆。北江一路肅清一摺。英德等縣交界之菱角塘石街蔴洞一帶。有馮九指等在彼久踞。經張運蘭等設計誘擒餘匪。遁入老虎徑之水仙巖洞。亦俱因死洞中。北江英德陽山一路。大致肅清。該督擬令張運蘭駐紮南雄州防堵。張運蘭一軍。疊經諭令帶赴閩省。剿辦江西浙竄匪。江西自新城收復後。賊衆悉趨閩界。闌入將樂縣境。延平軍情喫緊。昨復諭令毛鴻賓郭嵩燾檄令該臬司星馳前進。由潮州入閩。剿賊。著即懷遵疊次寄諭。飭令赴閩。其翁源英德交界之礮口鄉。尙有零星土匪逃匿。著飭地方文武實力搜拏。另片奏花旗股匪林正揚由廣德州竄擾江西。兼及閩境。探聞汀州之甯化甯都之石城。皆有賊蹤。廣東邊防。此時以嘉應州爲最。已飭吳贊誠等辦理。沿邊團練。總期遏賊境外等語。所籌尙屬



妥協著即督令派辦各員認真經理。先清內匪。以免外匪勾結。如本境邊防已固。仍須派兵出境剿洗。丁酉。諭議政王軍機大臣等。富明阿奏江防下游肅清。擬裁師船節餉。並籌防天長一帶情形各摺片。江南一帶。自蘇常各郡及江陰常昭丹陽等處。相繼克復。敗賊遠遁。下游一律肅清。其江北一帶。自瓜洲以至通海。亦經安謐。所有江面駐防之紅軍挖督等船。自應乘此酌裁。以節餉需。該將軍擬將此項大船分爲三起。先擇其朽爛者。遣撤二十五隻。派員統帶回粵。卽以在防礮划。移泊防堵。俟頭幫啓程後。如果江防穩固。再將餘船分作二三期陸續裁清。並由江南糧臺籌給一月實銀口糧。籌畫尙屬周妥。卽著照所議辦理。惟糧臺拮据。各船前欠餉銀。爲數甚多。著富明阿卽移會糧臺查明取具各幫積欠細冊。迅卽分咨廣東江蘇兩省。由毛鴻賓郭嵩燾李鴻章。分別補發。遣散各船兵勇。務須妥爲安插。富明阿因下游江面肅清。難民均經南渡。請弛封江之禁。以期貨物流通。著卽照所請行。惟金陵尙未克復。難保無竄突之虞。富明阿仍當督飭見有水師嚴密巡防。漢南髮捻各逆。見已竄至豫省之信陽州。勢將東趨皖省。江蘇裏下河地方。素稱饒富。難保不爲賊匪窺伺。揚防西路來六全潞等處。既經會國藩分兵扼紮。而天長一帶。尙覺空虛。富明

東華錄

卷一百

同治二年

十九

商務印書館印行

阿已將太平洲一帶大礮船全數調回邵伯。並擬抽撥隊伍相機剿辦。著會國藩富明阿隨時聯絡聲勢。互相策應。務期遏賊東竄。毋令擾及完善。是爲至要。丁酉。以陝西漢中牛擒首逆曹燦章。賞提督蕭慶高白玉翎管一枝。火鏢一把。大荷包一對。小荷包二箇。總兵官謝正球。副將趙緒慶。三代一品封典。總兵官蕭德見等加銜升敘有差。

穆宗毅皇帝

文廟開辦

宜興汪文安敬錄

男 翰 章恭校

甲子。同治三年。五月。庚子朔。諭勞崇光等奏。官軍追剿何二逆股獲勝。清鎮解圍。長寨等城被陷即復。下游各屬剿匪疊勝各摺片。開州逆匪何二糾黨復圍清鎮縣城。經林自清等軍認真守禦。城圍立解。賊仍向開州遁去。其被匪竄擾之定番廣順長寨等城。亦經趙德昌等先後收復。即著勞崇光張亮基嚴督派出各軍。乘勝進攻。由朱昌堡五里橋等處。跟踪追剿。下游之龍泉涇潭並石阡府清江廳思州府等屬之匪。雖經官軍疊獲勝仗。惟該逆並未殲除淨盡。亟應分投剿洗。著即檄飭各路官軍實力掃蕩。獨山州屬之已賴旁寨等處賊匪。恃險負隅。所有全祖凱姚華勝所部兵練四千餘名。即著該督撫飭令帶往獨山荔波分界處所。會同楊廷桂等分投剿辦。並催周洪印等軍。由黎平古州一路跟追。乙巳。諭徐宗幹奏。逆匪竄陷甯化。旋即克復。並分路追剿布置情形一摺。江西竄匪闖入閩疆。分股竄陷甯化縣城。經官軍會合鄉團壯勇馳往攻剿。即將縣城收復。餘匪分擾將樂歸化建甯縣境。其皖浙

東華錄擊要 卷一百一 同治三年

一

商務印書館印行

逆匪李侍賢等股。分由徽州開化。竄至上饒鉛山廣豐等境內。逼近崇安浦城等縣。見經除宗幹飭令署臬司徐曉峯等駐紮延平建陽。策應北路。道員張啓焯駐紮泰甯。援應中路。道員陳維漢駐紮將樂。並飛催署總兵祿魁等援應清流長汀以顧南路。即著督飭徐曉峯等軍嚴密布置相機策應。惟賊蹤飄忽靡常。此次竄陷甯化之匪。雖經諸軍擊退。並未大受懲創。此後恐尚有另股逆匪陸續竄入閩境。徐曉峯張啓焯等軍是否得力。能否遏截兇鋒。著左宗棠徐宗幹仍遵前旨。隨時察看。左宗棠前派援閩之康國器一軍。計已啓程。林文察一軍。前據徐宗幹奏稱。即日由臺內渡。即著左宗棠徐宗幹迅速催提。趕日馳往延邵一帶。迎頭截擊。並飛提張運蘭所部。即日由粵入閩。會同康國器等軍。儘力兜剿。江西賊勢蔓延。會國藩所派之周寬世金國琛等軍。前據奏稱留紮祁門漁亭等處。未即入江。即著飛催鮑超。迅率所部。迅日馳援江西。楊岳斌前經諭令馳赴江境交界駐紮。督辦江西皖南軍務。本日據熙麟奏。表病難支。陳請開缺。當經降旨允准。並將楊岳斌補授陝甘總督。甘省回氣甚熾。亟須大員前往剿辦。惟見在江皖軍務。正形喫緊。著楊岳斌仍遵前旨。迅赴該二省適中之地。擇要扼紮。督率各軍。會同劉典所統之師。力圖掃蕩。俟江皖毗境肅清。

即行奏請馳赴新任。其江西與閩省界連各境。著沈葆楨嚴飭在防各軍。與閩軍實力防剿。並迅飭席寶田等將南豐攻拔。盡殲醜類。徐宗幹奏稱建甯甯化相繼失守。雖旋即克復。究屬防堵不力。自請議處等語。徐宗幹著交部議處。該二縣失守地方文武各員。並著左宗棠徐宗幹查明參辦。照麟以病免。以楊岳斌爲陝甘總督。未到任以前。以西安將軍都興阿署理。都興阿未到任前。仍以布政使恩麟暫行護理。

丁未。諭內閣。官文奏都統銜鑲紅旗護軍統領舒保。由湖北楊家河地方追剿紛竄髮逆。斬馘甚多。復於四月二十一日分路追擊二十餘里。斃賊無算。直抵壽山時已暮暮。層岡深澗。不利馬戰。舒保見賊來甚衆。直前買勇。力搗中堅。與德隆阿等陷入重圍。力竭陣亡等語。舒保自到湖北帶兵以來。屢卻悍寇。疊復名城。十餘年來。戰功卓著。此次因極力追賊。陷陣遇害。寬奏殊深悼惜。舒保著照都統陣亡例從優賜卹。任內一切處分悉予開復。並加恩予諡。入祀昭忠祠。於湖北武昌漢陽黃州德安襄陽建立專祠。歷年戰績。並著宣付史館。伊子倭克吉訥。俟及歲時。由該旗帶領引見。候旨施恩。以示篤念勳臣至意。尋予祭葬世職。贈太子少保。諡貞恪。諭崇厚奏日斯巴尼亞國遣使來京。請立通商條約一摺。日斯巴尼亞國使臣瑪斯呈遞照

東華錄彙要

卷一百一 同治三年

一

商務印書館印行

會。請立條約。並呈出所奉全權憑據。崇厚見令該國使臣在津候旨。所有通商立約事宜。即著薛煥崇厚與該國使臣妥爲辦理。並發去全權大臣諭旨一道。如該使索取。即可照案鈔錄。給予閱看。俟立約事竣。仍將此旨繳回。己酉。諭議政王軍機大臣等。沈葆楨奏侍逆突犯撫州。血戰解圍。並弋陽克復。廣信等處擊賊情形。進攻南豐各摺片。侍逆由金谿犯撫州。猛撲東門外之文昌橋。經劉于濬等奮勇截擊。賊仍敗回金谿。撫州之圍遂解。惟侍逆自撫州受懲後。循河而南。圖窺建昌。著沈葆楨督飭劉于濬等軍。乘勝跟追。擒斬首逆。務將此股賊匪就地殄除。官軍圍攻南豐。追至城下。守備楊明發等奪門而入。均經中槍殞命。該縣城池未能即復。是否後隊不克繼進。以致未能得手。著沈葆楨檄飭席寶田韓進春等激勵各營。迅復南豐縣城。以期節節掃蕩。僞王宗一股。由新城盧溪入金溪界。以會侍逆。林正揚一股。由石城甯都折而西趨。爲瑞金零都興國兵練所擊。南入福建之甯化界。陳炳汶尙在弋貴之南鄉。汪海洋於城坊湖坊築壘。尾隊出沒於弋鉛交界之黃沙港。金壇句容竄賊復至德興。著曾國藩統籌布置。妥爲兼顧。並飛催鮑超帶領所部。迅速馳援江西。王文瑞見紫永豐。劉典已抵袁州。應如何厚集兵力分路進剿之處。著楊岳斌沈葆楨

妥籌辦理。庚戌。諭議政王軍機大臣等。李鴻章奏裁遣常勝軍連日辦理就緒各情一摺。常勝一軍。經李鴻章設法裁遣。酌留礮隊六百人。槍隊三百人。分紮濟甯崑山等處。惟據稱。先將外國兵頭撤遣。厚給川費。限三日內出城。次即遣散中國兵勇。酌給盤費。驅令出城等語。外國兵頭遣散後。見往何處。是否在上海逗遛。中國兵勇均已帖然就道。是否各回本籍。抑仍在蘇滬一帶。結隊成羣。李鴻章仍當嚴密查察。巴夏禮以上海地面。應由中國派兵保護。俾該國得以撤退駐守弁兵。該國固爲節省經費起見。但中國地土。用中國官兵保護。亦屬理所宜然。該撫片稱於裁遣常勝軍後。擬撥劉秉璋七營。移防松滬。摺內又稱擬添調數營駐守上海附近地方。未知數營是否即在七營之內。未據聲明。晰晰。至松滬一帶。既有防兵。而上海附近地方。尤應分撥勁兵數百駐守。至程學啓所部之軍。素爲洋人信服。駐防上海。非此軍不可。本日據總理衙門王大臣奏。已與駐京公使言定。李鴻章可即照辦。不可再行更調他軍。另片奏調派郭松林等三十營。由宜興分路進取長興。調李朝斌督帶水師四營。由夾浦口會合進攻。以掣湖城賊勢。並派劉銘傳等營接防句容東壩等處要隘。豫截金陵竄賊等語。長興一城。得郭松林等水陸進攻。不難力拔。一俟克復長

東華錄要

卷一百一 同治三年

二

商務印書館印行

興後。該撫即當激勵各軍。直抵湖郡。與浙軍兩路夾擊。迅拔堅城。惟金陵城大而堅。曾國荃所部兵勇圍攻。恐未能周。李鴻章仍遵前日寄諭。酌調勁旅數千。並礮隊數百。前往會剿。該撫能否親赴金陵。仍著酌度機宜。迅速籌辦。諭林文察奏。官軍擒斬首逆。彰化解圍。丁曰健奏。擊散彰化餘匪。督攻毀會厝崙一帶賊莊。各摺片。前因髮逆竄入閩疆。疊經諭令林文察率衆內渡。嗣因徐宗幹請催曾玉明回省。亦經照該撫所請。令該署提督回省。督辦內地防剿事宜。茲據林文察奏。逆匪陳在楊金環等。襲陷犁頭店員林街各汛地。攻撲彰化縣城。內山棟東貓霧犁頭店。仍多賊蹤。曾厝顯陳弄等逆。尙各糾黨嘯聚。洪逆亦未弋獲。丁曰健奏。稱內山招撫太濫。賴林各逆。復句結洪糧。並各招撫股首分撲彰化縣城。內山棟東貓霧犁頭店。仍多賊蹤。曾厝崙竹圍等賊莊。平毀後。彰化撲城各匪。復思遁往內山。是臺灣逃匪。尙須趕緊搜捕。惟江浙髮逆。擾及建甯甯化等處。閩省西路之防。尤爲喫重。著左宗棠徐宗幹。仍遵前旨。催令林文察。曾玉明統率所部。迅速內渡。其臺灣剿匪善後各事宜。即責成曾元福。丁曰健督飭兵勇。會同地方文武。聯絡鄉團。實力辦理。辛亥。諭惲世臨奏。楚師分道入黔。克復都江。上江各城。定旦高就壩。飛各賊巢。並剿撫四脚牛苗寨一

擗都江上江城池逆匪叛踞有年。經惲世臨派出各軍越境收復。著准其擇尤保獎。湖南官軍入黔後。連克城寨。剿擒首逆各情。既未據貴州督撫入奏。亦未聞派兵會剿。殊不可解。包伍各逆蔓延日久。復由秀山縣屬擾及黔楚交界之盤石營。竄突靡定。徐河清營壘失陷。前經勞崇光等奏報未能明晰。當令查明據奏。見在賊勢逼近銅仁黔省下游一帶。徧地賊氛。勞崇光等何得漫無布置。專待客兵。不知該督撫所司何事。著即迅速派得力之軍。選募勇練。分路進剿。將黎古思銅等處各股匪。次第剿除。儻仍前玩泄。任令賊蹤肆擾。毫無阻遏。勞崇光等其能當此重咎耶。總兵金泰文業抵王嶺。離洪州不遠。著惲世臨檄令即赴洪州。接辦防剿事務。以便趙福元等回顧東防。古州軍務。即著責成戈鑑等實力辦理。壬子。河南巡撫張之萬奏。汝南官軍攻克徐文田等寨。得旨。仍著毛昶熙將時玉洗一寨。迅即督軍攻拔。肅清新蔡全境。丙辰。諭議政王軍機大臣等。官文奏擊退皂市京天應城髮捻。並藍逆西竄。及髮逆尾股竄犯郟西。官兵出境追剿各摺片。湖北天門應城等處賊匪。經梁洪勝李喜溢等屢次剿擊。紛紛敗退。猛撲京山縣城。又經防兵鄉團抵禦。該逆向宋河奔逸。至馬平港尾股陸續竄向德安西北之洛陽店桑樹店一帶。見在京天皂市應

城。已無賊蹤。而德安極爲喫重。皂市敗匪。全數東趨。東北東南。徧地皆賊。自應山之廣水孝感之小河司楊店一帶。漸近雲夢。有自小河溪分竄黃陂黃安邊境者。有由應山而至黃陂站者。官文見調成大吉十營。爲遊擊之師。聯絡石清吉楊朝林各營。相機堵剿。撥李喜溢等防澗口漢口等處。並留守京應。仍防被剿各賊回竄雲孝。一面飛催姜玉順等趨行。並催蘇克金傅振邦繞前截擊。布置均屬周妥。著即嚴飭派出各軍。以剿爲防。並催蕭河清等迎頭擊剿。僧格林沁見紫信陽。著即調派勁旅迎剿。蘇克金傅振邦馬步隊在應山尙爲賊阻。必須令其設法繞道。務出賊前斷其東趨之路。信羅先固一帶。逼近賊氣。張之萬當嚴防竄越。該逆若由黃麻以窺英霍。則舒桐潛太。路路喫重。曾國藩當懷遠疊次諭旨。增兵嚴防。並令水師嚴防江面。陳國瑞一軍。前經喬松年奏請令駐潁六一一帶。著僧格林沁喬松年飛檄該提督扼紮六安潁州要隘地方。遇賊即擊。皖北兵力如尙不敷。著喬松年即咨商曾國藩等撥鎮江餘兵四千人赴防。或商撥揚防兵勇。均須趕即籌畫。陳國瑞一軍尙恐單薄。由鎮防撤回江北之兵勇。爲數不少。著富明阿酌派勁兵。爲陳國瑞等軍後路聲援。並酌量地勢駐紮。若有緊報。即由富明阿就近調派。協同剿洗。以上各路。著各該督撫等

認真調派。飭令實力防剿。官文另片奏藍逆二順向山陽鎮安等處竄逸。僞啓王一股撲鄖西縣城。梁作楫等率軍擊敗。此股敗匪與藍二順句合。業由小路竄至陝西。去西安止數十里。穆圖善已折回省垣。其先行啓程之馬步各隊。諒可陸續到楚豫境內。著僧格林沁官文趕緊催調布置。以厚兵力。近日軍情。並著各路勤加偵探。飛催奏聞。已已。吏部奏遵議陝西巡撫劉蓉候補四品京堂李雲麟處分。得旨。均著加恩改為革職留任。廣西巡撫張凱嵩奏援黔粵軍攻克紀賴等處賊寨。得旨。著督飭楊廷桂乘勝追剿。務將逆首李七擒獲。盡殲醜類。毋令漏網。癸亥。諭張之萬奏。官軍剿辦髮逆。克復宣化鎮。見飭各軍赴楚會剿一摺。前因髮逆竄至豫東。疊經諭令張之萬妥籌防剿。見在宣化鎮賊巢。雖經副將徐連陞等攻克。而賊蹤仍在光羅境內。必應乘勝痛剿。張之萬見飭色爾固善張曜等統帶馬步各營。馳接東路。所辦甚合機宜。即著督飭該副都統總兵等。迅速馳抵光羅一帶。會合楚軍。認真剿辦。啓逆梁成富一股。前據穆圖善劉蓉奏該逆竄出大峪口。逼近西安。請留孟宗福等六營助剿等語。迄今已逾旬日。尙未將陝軍接仗情形馳奏。此次張之萬摺內所稱探聞梁成富一股游駛商州境內。與浙川相距不遠之語。是此股匪徒。業由

東華錄要 卷一百一 同治三年 五 商務印書館印行

西安回竄。張之萬已派副將張士元等駐浙嚴防。並著穆圖善劉蓉德興阿迅速派兵追擊。兩面夾攻。毋令賊蹤竄逸。丁卯。諭內閣。熙麟雷正綰奏官軍克復平涼府城。擒斬巨逆一摺。甘肅平涼府城。自被回匪竄踞後。雷正綰督軍進攻。疊次獲勝。會同陶茂林之師兩路偪城。逆衆併力抗拒。官軍奮勇由西北登城。守賊潰亂。復豫挖地道。轟塌東南城隍。大隊先後擁入。賊占西北拌死巷戰。我軍縱橫衝擊。鏖戰兩日。將城中悍賊一律掃除。並將著名巨逆鐵西羽輕材殲斃。剿辦極爲得手。雷正綰自督軍入甘。埽平靈臺崇信黨原北原及白水局見新城等城鎮。卓著戰功。此次復督隊攻克平涼。剿除巨逆。實堪嘉尚。雷正綰著加恩賞穿黃馬褂。並發去白玉四喜搬指一箇。白玉翎管一枝。大荷包一對。小荷包兩箇。交該署提督祇領。陶茂林會同雷正綰分路進攻。躬冒矢石。立拔堅城。甚屬奮勇。陶茂林著加恩賞穿黃馬褂。以示優獎。戊辰。諭總理各國事務衙門奏。丹國換約屆期。請派員互換一摺。丹國前立條約。聲明以一年爲期。或在天津。或在上海互換。茲屆換約之期。據英國駐京公使威安瑪呈遞照會。內稱丹國見派水師副提督璧勒前來。不日到滬。請派員互換等語。著派提督銜李恆嵩會同布政使劉郇膏將上年與丹國所立條約。妥爲互換。

即由李鴻章諭知遵辦。其條約各本。著俟崇厚派員齎送至滬時。即交李恆嵩等祇領辦理。李鴻章於一切事宜。並著會同商榷。並令軍機處將寄諭摘錄。一併發往。如該使向李恆嵩等索看憑據。即可給予閱看。俟換約事畢。此旨仍繳還軍機處備查。己巳。諭張凱嵩奏。官軍攻克貴縣逆巢。潯州肅清。擬進兵分徇南甯思恩等處。

各摺片。廣西軍務。兩年以來。疊平巨寇。此次黃三敗踞平天寨。復經劉坤一等進克堅巢。擒獲首逆。辦理甚爲得手。該撫以左江所屬。鄰氛土寇。事尙糾紛。右江之思恩地方。伏莽未淨。擬將貴縣水陸各軍。分爲三起。以一軍駐潯彈壓。一軍上溯南甯。一軍分徇思恩。所籌尙屬妥協。即著督飭潯州文武。會同駐潯官軍。將搜捕餘匪。撫綏殘黎各事。細心經理。一面飭令劉坤一。仍即出省督軍。將思恩南甯等處。伏莽分別良莠。剿除淨盡。以官軍復廣西貴縣城。平潯州逆匪。賞張凱嵩頭品頂帶。布政使劉坤一等獎敘有差。六月丁丑。諭議政王軍機大臣等。李鴻章奏。官軍擊退湖州援賊。遂克長興縣城。並將胡漢等處賊壘。踴毀各摺片。長興一城。爲蘇浙要衝。此次援浙各軍。竭力攻克。惟長興賊首。是否劉官方。曾否殲斃。逆衆有無逃竄他處。李鴻章擬親赴長興察看。著即前往督飭諸軍。搜剿餘匪。查明匪首下落覆奏。仍將廣德四安之逆首江姓等殲除。潘鼎新一軍。在胡漢等處獲勝。恐其兵力尙單。著即添派勁旅助之。務將湖州協力攻克。以期蘇浙肅清。殄除巨寇。諭勞崇光張亮基奏。克復古州廳城。請留周洪印協剿。並勞崇光奏。克復中甸等廳城。疊獲勝仗。各摺片。雲南逆回杜汶秀等分踞中甸等處。經馬如龍等進剿。將中甸維西思茅威遠各城。次第收復。並攻克石膏井磨黑等處賊巢。剿辦尙爲得手。思茅威遠既克。則普洱已成孤立。中甸維西既克。則大理之賊益蹙。著勞崇光檄飭馬如龍岑毓英及田中興等。各率所部。將普洱大理等城。迅圖克復。擒斬首逆。以期肅清疆圉。古州收復情形。與前懌世臨所奏略同。該逆由古州苗峒繞出獨山州之霸街八蒙。進踞已賴旁寨中寨和寨。擾及荔波縣之三峒地方。經楊廷桂等軍迎剿。疊勝。賊欲向獨山州屬中安一路直上雞場。該處爲上竄貴州定廣下竄廣西南丹必由之路。亟應嚴密堵禦。全祖凱一軍。已抵獨山。著勞崇光張亮基飭令該總兵扼要駐紮。會同湘粵兩省官軍。實力掃蕩。以遏該匪紛竄定廣南丹之路。並著懌世臨張凱嵩嚴檄派出之周洪印楊廷桂各軍。聯絡聲援。合力夾攻。迅殲醜類。周洪印因軍糧無從採辦。藥鉛亦甚缺乏。拔營撤回楚邊。惟見在正當攻剿喫緊之際。李逆尙在漏網。貴州僅有全祖凱

一軍。兵力甚單。楊廷桂孤軍深入。亦難兼顧。著惲世臨飭令周洪印等。仍統湘軍星速馳赴荔波獨山一帶。協同剿洗。毋誤戎機。該營所需糧米藥鉛等項。著勞崇光張亮基設法採辦。源源接濟。惲世臨亦當竭力籌措。隨時解濟。以收飽騰之效。將此由六百里各諭令知之。庚寅。諭內閣。楊岳斌彭玉麟曾國荃奏官軍克復金陵外城。殲斃悍賊數萬。攻毀各僞府數十處。惟逆首僞城未破。死黨萬餘。陸伏不出。官軍四面圍攻。諒難久稽。顯戮。仍著曾國荃等嚴飭各軍。力拔僞城。殲擒巨逆。此次立功諸臣。俟會國藩將詳細戰狀奏到時。即行渥沛恩施。同膺懋賞。壬辰。以克復浙江孝豐縣城。生擒僞戴王陳榮。賞知府劉瓛道銜。副將劉端冕谷香山通判。蔡元吉巴圖魯名號。戊戌。諭內閣。本日據官文曾國藩奏克復江甯省城。逆首自焚。賊黨悉數殄滅。並生擒李秀城洪仁達等逆一摺。髮逆洪秀全自道光三十年倡亂以來。由廣西竄兩湖三江。並分股擾及直隸山東等省。逆蹤幾徧天下。咸豐三年。占踞江甯省城。僞稱僞號。東南百姓。遭其荼毒。我皇考文宗顯皇帝赫然震怒。恭行天討。特命兩湖總督官文為欽差大臣。與前任湖北巡撫胡林翼肅清楚北上。游胡林翼駐紮宿松一帶。籌辦東征事務。復特授曾國藩為兩江總督。並命為欽差

東華錄學要 卷一百一 同治三年

商務印書館印行

大臣。東征江皖賊匪。號令既專。功績日著。十一年七月。我皇考龍馭上賓。朕

以冲幼資紹丕基。恭奉兩宮

皇太后垂簾聽政。授曾國藩協辦大學士。節制

四省軍務。以一事權。該大臣受任以來。即建議由上游分路剿辦。飭彭玉麟楊岳斌曾國荃等水陸並進。疊克沿江城隘百餘處。斬賊外援逆匪十數萬人。合圍江甯。斷其接濟。本年六月十六日。曾國荃率諸將士克復江甯外城。殺賊數萬。逆首洪秀全率其悍黨。仍踞內城。茲復據曾國藩奏官軍自得天堡僞城後。賊中防守益密。五月三十日。攻克占取龍膊子山。六月初一日。各營輪流苦攻。李臣典等重開地道。蕭孚泗等修築礮臺。十六日黎明。曾國荃將四路隊伍調齊。地道火發。揭開城垣二十餘丈。李臣典武明良等身先士卒。直衝倒口而入。各弁勇蟻附齊進。左路城頭之賊。以火藥傾盆燒我士卒。死者甚多。大隊稍卻。彭毓鵬蕭孚泗等手刃數人。由是弁勇無一退者。武明良等率隊從龍廣山與右路太平門之賊。排列轟擊。賊始卻退。李祥和等從太平門月城攻入。王遠和等進擊中路。攻僞天王府之北。劉連捷等亦率隊從神策門地道之旁梯攻而入。相與會合。齊進鑿戰。至獅子山奪取儀鳳朝陽等門。羅逢元從聚寶門之西。舊地道缺口仰攻而入。李金洲等從通濟門月城緣梯而上。



陳提等各營。則猛攻旱西水西兩門。月城黃翼升等水師各營攻奪中關攔江礮石壘。乘勝猛攻濱江之賊。與陳提易良虎等奪取水西旱西兩門。由是全城各門皆破。三更時。僞天府及各僞王府同時火起。洪逆率悍黨千餘人衝出。僞殿前南門。竄至民房。袁大升等率隊腰截。斬七百餘名。奪獲洪西僞用僞玉璽二方。金印一方。四更後。賊股千餘人。假裝官軍號衣。向太平門地道缺口衝突。經崑字湘後等營截擊。曾國荃加派馬隊。追至純化鎮。生擒僞烈王李萬材。復追至湖熟鎮。將逃賊全數斬刈無遺。據曾國荃親訊李萬材供稱。城破後。僞忠王之兄巨王。幼西王。幼南王。定王。崇王。璋王。乘夜衝出。被官軍馬隊追及。將各頭目全行殺斃。又據城內各賊供稱。首逆洪秀全。實於本年五月服毒而死。瘞於僞宮院內。僞幼主洪福瑣重襲僞號。城破時。洪福瑣積薪自焚。李秀城一犯。城破受傷。匿於山內民房。經蕭孚泗親自搜出。並搜擒僞王次兄洪仁達。其餘兩廣兩湖等處多年悍賊。經各將士於十七八日搜殺淨盡。三日之間。斃賊共十餘萬人。僞王僞主將及大小酋目約三千餘名。無一得脫者。洪逆倡亂粵西。於今十有五年。竊踞江甯亦十二年。蹂躪十數省。淪陷數百城。卒能次第蕩平。殄除元惡。該領兵大臣等櫛風沐雨。艱苦備嘗。允宜特沛殊恩。用酬勞勩。欽差大臣協辦大學士兩江總督曾國藩。自咸豐四年。在湖南首倡團練。創立舟師。與塔齊布羅澤南等屢建殊功。保全湖南郡縣。克復武漢等城。肅清江西全境。東征以來。由宿松克潛山太湖進踞祁門。疊復徽州郡縣。遂拔安慶省。以爲根本。分檄水陸將士。規復下游州郡。茲幸大功告成。逆首誅鋤。實由該大臣籌策無遺。謀勇兼備。知人善任。調度得宜。曾國藩著加恩賞加太子太保銜。錫封一等侯爵。世襲罔替。並賞戴雙眼花翎。浙江巡撫曾國荃。以諸生從戎。隨同曾國藩剿賊數省。功績頗著。咸豐十一年。由湘募勇。克復安慶省城。同治元年。連克巢縣含山和州等處。率水陸各營。進偏金陵。駐紮雨花臺。攻拔僞城。賊衆圍營苦守數月。奮力擊退。本年二月。克復鍾山石壘。遂合江甯之圍。督率將士鏖戰。開挖地道。躬冒矢石。半月之久。未經撤隊。克復全城。殄除首惡。實屬堅忍耐勞。公忠體國。曾國荃著賞加太子少保銜。錫封一等伯爵。並賞戴雙眼花翎。記名提督李臣典。於槍礮叢中。捨挖地道。誓死滅賊。從倒口首先衝入。衆軍隨之。因而得手。實屬謀勇過人。著加恩錫封一等子爵。並賞穿黃馬褂。賞戴雙眼花翎。蕭孚泗督辦礮臺。首先奪門而入。並搜獲李秀城洪仁達巨逆。實屬勩勞卓著。著加恩錫封一等男爵。並賞戴雙眼花翎。李秀城洪仁達二犯。

即著會國藩等派委委員。檻送京師。訊明後盡法處治。洪秀全屍身覓獲後。挫屍梟示。仍傳首被害地方。以洩衆憤。 秋七月辛丑。 諭麟興等奏遵旨約束所部人衆。並請飭庫倫速給舊圖。咨送伊犁覈對一摺。前據明誼等奏接准科布多烏里雅蘇台咨文。卡內蒙古游牧。見均設法安置。茲據麟興等奏稱。據唐努烏梁海總管等呈到遵給各旗游牧圖誌。東自固爾彌達巴哈起。西至沙彌柰達巴哈界牌止。即係唐努烏梁海游牧。麟興等因烏里雅蘇台並無存有確切舊案。當即咨查庫倫。隨准照鈔雍正五年兩國所換原約。劃分界牌地名。覈與委員所查。大略相同。似例載沙彌柰嶺。即是唐努烏梁海游牧內之沙賓達巴哈。已無疑義。而俄國送來議單內載唐努鄂拉達巴哈。疊次覈對。均無此前項地名。如果即指唐努山。不特與雍正年間定界舊案不符。且與十年新定條約所載地址。亦屬相背。請飭庫倫將交界原圖。咨送明誼等。以憑覈對等語。俄人所稱唐努鄂拉達巴哈。既查無此地名。非調取從前定界圖誌。以備俄使前來持與會議。不足折服其心。庫倫自必存有舊圖。著文盛等速將已定交界圖誌。照繪一分。或將原圖徑行咨送明誼等。以備與俄使會議時詳明質證。是爲至要。麟興等奏科布多所屬之霍呢邁拉扈卡倫。忽有俄國六十餘人前

來駐紮。聲言照料游牧。又由該國雅什達喇城衙門。送來俄文。內稱阿勒坦淖爾等處。均係該國游牧。綽羅什拜地方。復有俄人數名伐木。聲稱該處係俄國富人前來貿易。並有該國大喇嘛人前來。蓋廟居住。奏入。諭常清明誼等派員開導。 庚戌。以鍾岱爲倉場侍郎。 實授沈桂芬山西巡撫。調吳廷棟爲戶部左侍郎。以譚廷襄爲刑部右侍郎。鄭敦謹爲河東河道總督。唐訓方爲直隸布政使。唐際盛爲湖北按察使。 辛亥。 諭議政王軍機大臣等。恩麟奏大兵攻克平涼。收復瓦亭。東路見就疏通。亟須籌辦西北各情形一摺。雷正綰等攻克平涼後。餘賊竄入瓦亭峽城內。復經官軍奪其要隘。賊匪北竄。自應乘勝進兵。節節掃蕩。前據都興阿奏督飭杜嘎爾帶領派出各軍。由石嘴山渡河。繞赴甯夏。而雷正綰自攻克平涼後。一切進兵情形。未據入奏。見在甯夏靈州一帶。匪衆聚集。而平涼瓦亭兩處敗賊。又盡數北竄。勢極兇張。必須南北兩路大軍會合夾擊。方可制賊死命。又恐賊匪乘虛西竄。則中衛正當其衝。該處一片孤城。僅有梁生嶽所帶兵勇駐紮。爲數無多。恐不足恃。且靖遠又有續到之陝西回目黑牙古赫明堂等帶領數萬之衆。具稟乞撫。此輩人數過多。剿撫均屬不易。著都興阿迅飭杜嘎爾等渡河之軍。由北而南。節節進擊。雷正綰移平涼

得勝之師。取道北攻。會合都興阿派出各軍。實力狙擊。迅克甯夏漢城。立解甯夏滿城。並平羅之圍。並飭陶茂林繞過西面。駐紮中衛靖遠適中之地。約會南北兩軍。併力兜擊。兼防甯靈賊匪西竄之路。黑牙古等率衆乞撫。既據該護督稱其人數太多。安插不易。即著飭令楊炳鏗暫示牢籠。隨時防其中變。並著雷正綰到後酌酌情形。妥籌辦理。丙辰。諭徐宗幹奏。臺灣官軍攻克彰化小埔心賊壘。生擒渠逆。平毀匪莊。曾元福丁日健各奏。生擒陳啞狗弄。並獲僞太子戴能戴如川及股首張三瀛等多名。沿海賊莊。俱已肅清等摺。曾元福剿除小埔心賊壘。將陳啞狗弄等殄除。尙爲迅速。惟洪權等皆係著名巨匪。見在逃往何處。裹脅人衆。當亦不少。各摺均未言其下落。著左宗棠徐宗幹嚴飭曾元福丁日健等上緊緝拏務獲。免致再行勾結生事。彰化餘匪。仍著曾元福認真搜捕。各屬招集流亡。安撫良善。著該鎮道會同妥辦。乙未。諭議政王軍機大臣等。楊岳斌沈葆楨奏。官軍克復崇仁縣城。大概情形。暨攻克東鄉摺片。江忠朝等軍疊次逼攻崇仁。掃清城外賊壘。茲於七月十一日。攻克縣城。據稱賊向宜黃一路遁走。著即督飭各軍。乘勝追剿。迅克宜黃等城。節節掃蕩。侍逆李侍賢見在竄往何處。務須探明蹤迹。併力追擊。就地殲除。鮑超駐師許灣。

東華錄彙要 卷一百一 同治三年

十

商務印書館印行

剿辦康逆一股。是否業經得手。崇仁既克。賊氣已奪。想該提督必能與江忠朝等軍聯絡一氣。盡殲醜類。東鄉克後。踞逆有無逃竄。著楊岳斌沈葆楨查明具奏。並即檄令周寬世等軍認真搜捕。進規金谿。力圖攻拔。皖南一帶防剿最關緊要。著楊岳斌懷遵前旨。妥籌兼顧。山東沂州府匪首杜鳳儀獲獲。伏誅。庚申。景綸麟瑞奏。俄官石沙木勒幅等乘坐輪船。帶領兵役多名。向松花江上駛。聲稱欲由三姓往見吉林將軍。議辦要事。臣等派員迎阻。堅不允從。並在沿途觀繪山川形勢。已於本月初七日。行過胡爾哈河。向小古洞河一帶上駛。奏入。諭總理各國事務衙門照會俄國駐京公使。據理剖辯。癸亥。調李棠階爲禮部尙書。以單懋謙爲工部尙書。齊承彥爲左都御史。調王發桂爲刑部左侍郎。以汪元方爲禮部右侍郎。甲子。諭議政王軍機大臣等。江西各股匪分踞金谿東鄉宜黃崇仁南豐五城。不數日間。已克其四。鮑超於削平許灣後。進攻金谿。破數萬賊衆。如拉朽摧枯。實屬勇敢異常。戰功卓著。著楊岳斌沈葆楨傳旨嘉獎。仍飭各軍乘勝進攻南豐。以期一律掃蕩。乙丑。以赴調遷延湖北軍營總兵官陳國瑞下部嚴議。予江南江甯傷亡總兵官李臣典祭葬世職加等。諡忠壯。於江甯暨江西吉安安徽安慶各地方建祠。丁卯。諭總

理各國事務衙門奏。荷蘭國換約屆期。請派員互換一摺。荷蘭國前立條約。載明一年期內。或在天津。或在上海互換。茲屆換約之期。據該國公使鑾大何文呈遞照會。內稱請派員往廣東互換等語。著派郭嵩燾將上年與荷蘭國所立條約。妥爲互換。其條約各本。俟崇厚派員齎送至廣東時。卽著郭嵩燾祇領辦理。並令軍機處將寄諭摘錄。一併發往。如該使索看憑據。卽可給與閱看。俟換約事畢。此旨仍繳還軍機處備查。總理各國事務衙門摺一件。崇厚遞到該使照會一件。著鈔給閱看。八月己巳朔。諭議政王軍機大臣等。楊岳斌沈葆楨奏官軍攻克南豐縣城大概情形一摺。據稱參將韓進春等稟報南豐縣城已於七月十八日。經官軍克復。一切詳細情形。諒已奏報在途。前此奏報克復宜黃等處。所有著名賊首李侍賢汪海洋陳炳汶等逆。未據聲叙曾否傷斃。此次攻克堅城。該逆是否殲擒。抑已於宜黃等處殲斃。該縣接壤甯都。與福建建甯甯化處處毗連。韓進春駐守建昌。前報東路長興地方。復有賊擾。見在賊由何路竄逃。著楊岳斌沈葆楨查明具奏。並檄飭各路防兵嚴防竄越。如賊逼近閩境。仍遵前旨飛咨閩省督撫。嚴飭防軍會剿。江西逆踞五城。俱已克復。楊岳斌於何時起程。赴陝甘總督新任。並著迅速具奏。庚午。諭常清等奏

回匪肆擾。失陷三城。伊犁危急一摺。新疆回匪滋事。占踞庫車喀喇沙爾。並陷烏魯木齊漢城。圍攻滿城。賊勢甚熾。因思新疆回匪。與甘省逆回聲氣相通。難保不暗中勾結。擾及關內。都與阿剿辦甘回。雖入境以來。疊獲勝仗。而所部究形單薄。若新疆回匪與甘回潛通。意圖窺伺。則分兵堵剿。必致臨時掣肘。難於分應。不可不豫爲籌備。陝西藍逆一股。見已敗竄南山。軍務已有起色。劉蓉以巡撫帶兵。事權專一。足可剿辦。卽責令該撫將此股敗匪。悉數殲除。穩圖善前有請回湖北剿賊之語。具見勇往任事。其屬可嘉。此時鄂省兵力。厚於甘省。而甘省軍情。較鄂省尤爲緊要。卽著該將軍統帶所部馬步各營。兼程馳往甘省。會同都與阿雷正綰安籌剿辦。並著駱秉章於川省得力兵勇。挑選數千。籌備軍裝口糧。揀派知兵大員統帶。前赴都與阿軍營。聽候調遣。藍逆竄入南山。恐其乘隙窺川。駱秉章當飭沿邊將士。妥爲防範。新疆一帶。徧地回氣。恐其愈倡愈東。入關滋擾。恩麟當督飭員弁。勤加偵探。先事防維。不可稍涉大意。辛未。諭議政王軍機大臣等。都與阿奏官軍連獲大捷。攻克寶豐縣城固鹽收撫回衆過多。安插爲難。請派大員來甘查辦。並飭恩麟安籌守禦。行知阿拉善王等。將應派蒙兵。暫緩派往各摺片。杜嘎爾督軍深入沙磧。背水成軍。旬日

之間。連獲五捷。立將寶豐縣城攻克。卽著都興阿飭令杜爾肅統帶各軍節節進剿。以竟全功。當靈地廣賊衆。該將軍務當嚴飭各軍。穩慎圖功。毋稍大意。陶茂林一軍進剿張家川賊匪。近日接仗情形。未據雷正綰奏報著雷正綰卽飭陶茂林激勵將士。迅速掃蕩。平涼雖經克復。西北逆氣尙熾。雷正綰當督率所部各軍。相機進剿。恩麟防守省垣。並著督飭將士。扼要駐守。鹽固回匪就撫。本日已明降諭旨。准予投誠免罪。並派張集馨前赴甘省查辦。惟據該將軍奏稱降衆不下數萬。甘省漢回仇隙已深。無從安插。必須遣回陝省本籍。各復本業。方可設法安置。所奏自係實在情形。張集馨接奉此旨。卽著迅赴甘省。悉心籌畫。妥爲辦理。伊克昭盟長固山貝子巴達爾呼應派元金鄂多克二旗兵一百名。著都興阿飭令嚴防本境。毋庸派往助剿。沿途運送軍火米糧。仍飭鄂爾多斯各該旗豫備駝隻。妥爲護送。諭明緒奏回匪肆擾。連陷三城。見擬統帶蒙古官兵赴伊。會商軍務。並請將塔城回漢蒙教鄉約等賞給頂帶。及行文俄國准照議單分界各摺片。西路兵單餉繼。變起倉猝。籌辦防剿。萬分棘手。明緒此次所帶察哈爾厄魯特等弁兵五百名。並巴爾管帶之土爾扈特兵五百名。籌備鹽菜口糧。已屬左支右絀。兼之軍火器械。亦不齊全。殊難望其禦侮。著

明緒再於塔爾巴哈臺存留軍器內酌量添撥。或於見在無事各城撥給若干。俾衆全妥爲駕馭。以利軍行。想該大臣必能斟酌辦理也。回民肇教石金斗鄉約陳生福等。既能稽查匪徒。彈壓回衆。始終不懈。自應量予恩施。石金斗著賞給五品頂帶。陳生福海玉珍著賞給六品頂帶。馬義等十名。蔡以涵等四名。均著賞給空金頂以示獎勵。明緒見赴伊犁。卽著錫霖博勒果素等宣布朝廷德意。將止分良莠不分漢回辦法。妥爲撫輯。伊犁爲各城領袖。常清身膺疆寄。務當與明緒統籌熟計。就見有兵力及調到各軍實力防剿。烏魯木齊滿城危急。平瑞等當力籌守禦。迅解城圍。麟輿車林敦多布恪遵昨日諭旨。將應調喀爾喀蒙兵會商科布多辦事大臣速行調派。前赴烏城。以厚兵力。此時新疆地方回氣猖獗。而俄國兵險又節節移近吐甯根河西駐紮。強占卡內地方。明緒等以內憂外患。相逼而來。已行文西悉畢爾衙門。准照該國議單分界。將來俄使到塔。明諒錫霖等務當妥爲辦理。迅速定界。癸酉。和潤以病免。以毓祿爲工部右侍郎。甲戌。諭內閣。李鴻章奏官軍克復湖州府城一摺。剿辦甚爲得手。著左宗棠李鴻章督飭蘇浙各軍。將潰竄之賊。分投追捕。悉數殲除。尤爲出力之提督李朝斌謀勇兼優。所向無前。著發去白玉四喜搬指一箇。玉柄

小刀一把。火鍊一把。大荷包一對。小荷包二箇。交李朝斌祇領。道員潘鼎新督隊苦戰。克復名城。著賞穿黃馬褂。翰林院侍講劉秉璋躬冒矢石。治軍整嚴。著賞給振勇巴圖魯名號。遇有應升之缺開列在前。道員張樹聲忍百戰。積功甚多。著賞給二品頂戴。以按察使遇缺提奏。用示優獎。署福建陸路提督郭松林奮勇剿賊。左勝受傷。著先行交部從優議叙。仍著俟廣德四安克復後。由李鴻章查明勞績。與提督劉銘傳等一併從優保奏。諭議政王軍機大臣等。李鴻章奏官軍進攻四安廣德。連獲勝仗。乘勢克復湖州府城一摺。湖州之賊。經蘇浙兩省官軍圍剿。疊次獲勝。賊勢趨重四安一路。劉銘傳郭松林等分路進剿。而湖州西面之尹隆橋一帶。復經官軍攻開賊卡。堵逆黃汝金等被擊西趨。潘鼎新等會合浙軍。併力夾擊。節節進逼。於七月二十七日克復府城。覽奏甚為嘉悅。湖州一城。為髮逆悍黨薈聚之所。見在雖經收復。而堵逆尤為著名悍賊。洪幼逆潛入其中。難保不紛竄旁趨。希圖兔脫。湖州西通四安。毗連廣德。該逆既節節築壘。護其竄路。李鴻章既飭劉盛藻馳抵廣德。即著督令派出之軍。迎頭截擊。並將四安廣德。迅圖克復。郭松林屢著戰績。此次因奮勇剿賊。身受槍傷。著傳旨存問。勗其力疾殺賊。以竟全功。左宗棠亦當飭在事諸軍。迅速追剿。賊匪盡行殲除。以絕根株。餘匪若由廣德上犯。則徽甯一帶。又形喫緊。著會國藩迅速派得力將弁。會同李鴻章所派之軍。合力扼擊。毋令逆蹤上竄。以保皖南大局。丙子。諭楊岳斌沈葆楨奏賊酋率眾投誠。懇恩給獎。並留營效力等語。前經朝廷明降諭旨。凡被賊脅而悔罪自新者。皆准免死。此次陳炳汶等自拔來歸。並率六萬之眾。同心反正。願納器械數千件。助剿殘匪。陳炳汶等均著准其投誠。陳炳汶並賞給參將銜。張學明陶金會陳報林均賞給遊擊銜。李三畏賞給六品頂帶。並均准留營效力。此係朝廷恩施法外。予以自新。若他股賊眾。咸知不殺之仁。聞風向化。仍著該督撫等妥為酌辦。丁丑。諭本日議政王軍機大臣呈進常清咨送具奏冰嶺阻隔官兵改道進剿。俄兵強占卡倫。請飭總理衙門辦理。各城探報回匪肆擾情形。請派兵二萬出關進剿各摺片。前據各城該大臣馳奏回匪變亂。並常清奏逆回肆擾三城。伊犁危急各情形。疊次諭令常清督飭將士。妥籌防剿。該將軍諒已陸續接奉寄諭。恪遵辦理。據奏圖庫爾改道由東路那拉特卡倫前進。自係發報在前。昨據常清奏到將圖庫爾所帶之兵一千餘名。調回伊城。已照該將軍所請行。即著檄飭官軍。扼要嚴防。妥為布置。一面懷遠。疊次寄諭。籌撥兵勇。調赴各城。迅速就

援將回逆趕緊殄除。以次肅清疆圉。常清請調兵二萬名出關剿辦。內地一有兵力。可以騰出。卽當揀派大枝勁旅。星速赴援。會籌掃蕩。此時該將軍惟當就見存兵勇。勉支危局。以保邊疆。若專待內地大軍。一味株守。坐視逆燄燎原。恐常清不能當此重咎也。俄兵五百餘名。強占西北之夏博羅胡吉爾卡倫。六月間添兵六百名。直入冬博羅胡吉爾卡倫。聲言欲占圖爾根地方。前據明緒奏。已行文俄國。准照議單分界。除諭令總理各國事務衙門與該國使臣駁詰外。仍著常清督飭派出官兵。加意防範。力籌堵禦。毋得稍涉疏虞。是爲至要。壬午。諭左宗棠奏。克復湖州安吉兩城。並追剿竄賊。大獲勝仗。及督飭官軍搜捕划船土匪各摺片。剿辦甚爲出力。所有在事文武。數月以來。疊次苦戰。尙屬著有勞績。著俟此股竄賊剿除。卽由左宗棠分別保獎。湖州安吉已克。浙境肅清。惟堵逆黃汶金挾劫逆洪福瑱。由昌化績溪一路逃竄。值逆黃汶英與忠逆之子。向涇縣祁門一路竄去。必將假道徽池。以擾江西。而爲入粵之計。若不迅速兜剿。深恐匪黨聯絡。旬結其勢復張。左宗棠已飭提督高連陞等躡蹤緊追。並飭黃少春王德榜等軍。從徽嚴一帶繞出賊前。相機截擊。卽著嚴飭官軍盡力截剿。李鴻章恪遵前旨。飛調得勝兵勇。會合浙師出境追剿。竟此一篲之功。楊岳斌沈葆楨督飭饒景等處。在防將士。實力扼堵。毋令一賊入境。庶不至與前股竄匪。聯成一氣。江右敗賊竄至贛甯。南贛防務喫緊。此次湖州等處竄賊。又有由江入粵之意。毛鴻賓郭嵩燾務當遵疊次諭旨。派兵出境防堵。張運蘭已取道嘉應赴閩。卽著徐宗幹催令迅速前進。擇要駐紮。以固閩省邊防。皖南防兵單薄。曾國藩當迅撥陸師。前往助剿。湖州蘇州土匪乘坐小划。肆行劫掠。人數多至數萬。划船多至數千。恃其港汊紛歧。船礮利便。導賊抗軍。習爲故智。實蘇浙兩省心腹之憂。著左宗棠督飭水陸各軍。及地方守令。乘此兵威。密速妥辦。盡絕根株。毋留後患。壬辰。諭議政王軍機大臣等。左宗棠奏。截剿竄賊大勝。首逆黃汶金等。就戮一摺。徐宗幹奏。張運蘭到閩接任。卽赴防所剿辦。並康熊飛克復新城情形。林文察奏。臺灣大局底定。撤隊內渡各摺片。覽奏均悉。堵逆黃汶金。由廣德繞過甯國。分竄昌化。涇安等處。疊經官軍擊敗。並殲斃黃汶金。黃汶英等逆黨甚多。剿辦甚屬得手。惟洪幼逆及僞祐王李遠。繼等尙在稽誅。人數不下四五萬。著左宗棠督飭諸軍。盡力搜捕。黃汶英既與洪福瑱同逃。洪幼逆必在涇安一路。據獲賊洪幼逆逃去時。將頭髮髮髻裝扮洋人。希圖混竄。左宗棠已令諸軍物色。著卽密飭購捕。務在必獲。並傳諭各

營將弁。如獲得洪幼逆。必仍破格重賞。斷不可任令免脫。楊輔青已由湖州薙髮。潛入上海。著李鴻章派委委員密速擒獲。黃汝金逆屍。是否瘞於白牛橋側。著於掘驗後。由左宗棠隨報附奏。浙江餘逆。恐勾結前竄。江西各逆。聯爲一氣。曾國藩沈葆楨。當遵照歷次諭旨。飭諸軍截剿。不可稍涉大意。張運蘭業經接印任事。其所部勇丁。已可行抵汀境。著左宗棠徐宗幹。即催該臬司尅日由省前赴邵武防所。迎提全隊。擇要駐紮。與康國器會商。出關兜剿。仍令查明建甯汀州各屬要隘。及江西各路人。多設偵探。嚴密堵禦。曾玉明林文察二員。早已有旨令其內渡。本日適據林文察奏到。擬即配船內渡。仍著該督撫委員迎提。如仍無內渡消息。即行從重參處。新城之役。前據江西奏到情形甚略。亦未提及閩軍出力各情。徐宗幹轉據康國器稟稱。康熊飛率勇將黃沙渡等處賊壘十二處。次第剿平。賊退入城。康熊飛會同林本熊直抵城下。斬關直入。鮑超部下馬隊亦到。該逆驚惶失措。越城由石溪頭向南豐大路而去。其情形是否確實。仍著沈葆楨徐宗幹會同查明具奏。臺郡大局已定。彰屬餘匪。林文察已交林文明分別搜捕。該提督即撤隊內渡。商辦閩省邊防事宜。毋再遲誤。臺灣餘匪。著左宗棠徐宗幹責令曾元福丁日健實力辦理。洪穰一犯。必須擒

東華錄要 卷一百一 同治三年 十五 商務印書館印行

獲正法。以淨根株。毋任漏網。以林鴻年爲雲南巡撫。劉嶽昭爲雲南布政使。席寶田爲雲南按察使。癸巳。諭官文奏請將各省釐金留作善後之費。除直隸山東山西河南陝甘雲貴廣西習遷艱遠。釐金不多。無濟於事。軍務告竣。即可議撤外。其餘若江皖蘇杭福建兩湖四川廣東等省釐金。雖軍旅歲事。止宜嚴禁重科。萬不可驟議裁撤。請緩至三五年後軍事大定。再議裁除等語。軍興以來。舉辦釐金。原因度支告匱。不得已而借資民力。以濟餉需。茲覽該大臣所奏。亦屬實在情形。見在東南等省大局雖已穩定。而百廢待舉。需用浩繁。於釐金一款。本未能盡議裁撤總之釐金一項。全在地方官實心經理。果能弊絕風清。未始非一時權宜之計。所有兩湖釐金。即著官文擇其扼要處所。抽收豐旺者酌留。照常抽收。總期有裨國用。無累商民。方爲兩全之策。甲午。諭明誼奏請簡派立界大員一摺。前因明誼等奏請派各城大臣四員。換約後各赴本境。建立界牌。經總理各國事務衙門開單呈覽。當經派出廣鳳等三員。以專責成。茲據明誼奏俄使換約後。立界時。烏里雅蘇台亦須專有大臣。建立界牌鄂博。請於麟興車林敦多布二員內。簡派一員等語。所有烏里雅蘇台立界事宜。即著派麟興專司其事。見在分界一事。雖准照議單辦理。惟換約後立



界時仍須時防格外侵占。麟興既經簡派。責任甚重。即著曾同車林敦多布。將應立界牌鄂博處所。豫爲妥商。俟換約事竣。俄使前來時。卽由麟興按照議定界址。與俄使建立界牌鄂博。務須辦理周妥。明誼等亦須咨照各城。豫籌妥辦。庶臨時較有把握。戊戌。貢璜解任查辦。命於結案後來京。以丁寶楨爲山東布政使。恩錫爲山東按察使。九月。庚子。諭議政王軍機大臣等。楊岳斌沈葆楨奏甯滬瀘溪克復新城甯都解圍收復甯都縣城各情形。並籌分路追剿兼顧皖南各摺。鮑超派唐仁廉由金谿西鄉。進剿瀘溪之賊。敗匪向新城竄去。瀘溪一律肅清。鮑超探知瀘溪汪海洋與利逆朱興隆等聚聚新城。遂親率馬步各隊奮力克復。又復追剿大勝。陣斃賊目甚多。宜黃竄匪圍攻甯都州。守備賴永福等與在城文武擊退。州城圍解。賊陷甯都。王文瑞率勇力戰收復。均屬奮勉。在事尤爲出力。及甯郡守城各員。均著楊岳斌沈葆楨擇尤保奏。侍逆李侍賢前在崇仁被殲擊傷左膀。嗣又糾合宜黃賊匪。竄撲甯郡。並陷甯都。爲王文瑞擊走。遂遁往信豐縣境。因江忠朝一軍在東路防守嚴密。復繞由廣東南雄州邊境。突犯南路之新路口。乘隙撲南安府城。江忠朝令徐生德先往援剿。楊岳斌見亦抵贛。著卽督飭各軍兜擊。該處與廣東處處毗連。如有逸匪

入粵。著毛鴻賓郭嵩燾派兵扼要設防。遇賊卽擊。汪海洋在新瀘等處。經鮑超督軍追擊。四次敗遁。見臨瑞金縣境。該縣通連會昌大路。著楊岳斌等飛飭席寶田王文瑞兩軍兼程前進。楊岳斌等已派劉典率所部暨王開琳等營同赴徽甯。擇要扼守。該處本有防兵。見在洪幼逆等仍在皖浙之交。左宗棠已派兵窮追。著卽懷遵疊次諭旨。飭諸軍認真搜剿。會國藩當飭皖南守將會同江浙諸軍合力殄除。鮑超一軍卽令暫駐建昌。防瑞金各匪回竄。並堵湖州餘逆西竄。伺隙卽剿。楊岳斌已屢諭馳赴陝甘總督新任。著趕緊部署。遵照前旨酌帶勁兵數千。赴任剿辦。回匪江西各路未竟事宜。卽交沈葆楨鮑超劉典等妥爲籌辦。贛江與湖南一水可通。恐該匪意圖竄往該省。著惲世臨督飭地方文武認真籌辦防剿。壬寅。以馬新貽爲浙江巡撫。未到任前。仍以閩浙總督左宗棠兼署。英翰爲安徽布政使。何璟爲安徽按察使。癸卯。命荊州將軍穆圖善幫辦署陝甘總督都興阿軍務。甲辰。諭議政王軍機大臣等。楊岳斌沈葆楨奏南安援師收復水城。郡城解嚴。又奏信防喫緊。見籌進剿情形各一摺。侍逆率衆直撲南安府城。援軍適至。該逆縮入水城。提督江忠朝知府黎兆棠等督軍力戰。克復水城。賊匪逾嶺遠遁。郡城危而復安。在事出力各員。實屬

異常奮勉。著楊岳斌沈葆楨九保獎。此股賊匪悉趨粵境。官軍追至南雄州之桃花灘。斬獲不少。楊岳斌等以江西尚有賊蹤。徽甯亦有竄匪。兵力難以出省。擬俟信豐瑞金湖州各路竄匪翦滅後。再行確探前股趨向。飭各營越境會剿。著楊岳斌沈葆楨迅速調派勁旅出境追剿。毛鴻賓郭嵩燾當懷遵疊。次諭旨派兵迎擊。務將侍逆一股悉數殲除。以趙煥聯爲雲南按察使。乙巳。諭常清奏葉爾羌失陷。烏魯木齊城圍未解。英吉沙爾等城防守情形。保恆奏各處回匪變亂。烏城久困。並因病懇請開缺各摺。葉爾羌爲南疆總匯之區。茲據奏稱六月二十三日漢回變亂。城池被陷。是南路匪勢極爲猖獗。英吉沙爾喀什噶爾二城均有武弁勾通漢回謀叛。雖經官軍剿殺數百名。餘匪逃竄。而葉爾羌既經失守。該二城僻在西隅。勢成孤立。亟應加意嚴防。著奎英托克托布就存城兵力。慎固封守。常清一面酌撥兵勇。繞道援應。一面派兵疏通冰嶺之路。由阿克蘇一帶節節進剿。迅復葉爾羌等城。均著安

速籌辦。烏魯木齊滿城被圍日久。著常清督飭圖庫爾等軍迅速前進。將庫爾喀喇烏蘇賊匪先行剿淨。進援烏城平瑞。當固守城池。一面催提援兵。合力夾擊。見在南北兩路同時擾亂。伊犁防守事宜。尤宜嚴密布置。明緒此時計已行抵伊犁。即著常

清商同籌畫一切。辦理就緒後。明緒懷遠前旨。帶兵出境。酌量南北緩急。剋期進發。仍分別良莠。剿撫兼施。以期肅清疆圉。常清請調之內地兵。雖屢經有旨催調。但此時亦緩不濟急。昨據廣鳳等奏。已請到科布多蒙兵一千餘名。派郡王凌札棟魯布等帶赴古城。著廣鳳奎昌催令星速前進。如有可續調之兵。再行酌量派撥。並著麟興車林敦多布迅將喀爾喀蒙兵。儘數調撥。飛催由科布多一帶取道。前赴烏魯木齊。聽候調遣。古城近接烏魯木齊。保恆惟當督率兵勇。認真防剿。並設法籌解烏城糧食。以濟眉急。巴里坤派到之官兵二百餘員。著保恆飛催起程。應援烏城。己酉。以江蘇官軍克復蘇州暨浙江平湖等城出力各員。加銜升敘開復有差。庚戌。命四川北鎮總官兵鶴齡。赴陝陝甘總督都興阿軍營聽候差委。辛亥。以張

兆棟爲四川按察使。

壬子。

諭議政王軍機大臣等。左宗棠奏截剿竄賊獲勝。浙

境肅清。各營出境追剿一摺。逆匪由遂安昏口一路闖入開化。總兵王開琳。副將劉明珍等合兵追擊。賊不能支。由華埠竄江山玉山。疾趨廣豐。沿途殲斃甚衆。受降者亦近萬人。洪幼逆幾被擒獲。復爲粵逆拌死潰圍。挾之而走。見由廣豐竄入鉛山縣境。一向紫溪車盤。一繞鉛城向湖坊一路逸去。死黨尚有數千。見在劉典一軍。已抵

貴溪黃少春劉明珍兩軍已抵廣信河口。王開琳等亦率眾跟追。著左宗棠楊岳斌沈葆楨督飭諸軍前截後追。毋留遺孽。左宗棠自入浙以來。克復城隘數十處。肅清全境。厥功甚偉。本欲卽加懋賞。恐該督以洪幼逆未滅。必將固辭。一俟餘逆淨盡。卽降恩旨。浙省軍務已竣。地方應辦一切善後事宜。該督當飭司道等次第辦理。己未。諭議政王軍機大臣等。沈葆楨奏東路主客各軍。剿賊獲勝。廣信地面肅清。暨洪幼逆等遠遁。各摺片。玉山之賊。經官軍擊敗後。竄繞江山界。以出廣豐。顧雲彩等於施村一路追剿。沿途砍殺。賊屍枕藉。張岳齡等復由杉溪一帶擒斬賊酋。並老賊無算。王德榜等由浙掃蕩入江。擊賊於七都球等處。收降二萬餘人。陣斬洪元珍李金信等花旗羣賊擁洪幼逆而遁。王開琳追至鉛山界上。斃賊多名。黃少春王德榜復追賊於陳坊湖坊等處。沿途斬馘。不可勝計。此股賊匪踉蹌逃遁。匪勢衰。著左宗棠楊岳斌沈葆楨等督飭江浙各軍。盡力窮追。洪幼逆同李遠繼均薙髮扮作難民。率餘黨分股竄光澤盪溪一帶。仍著檄令各軍奮力窮追。務將洪李各逆。尅日擒獲。並飛飭沿路經過地方。認明蹤迹。一律訪拏。乙丑。諭議政王軍機大臣等。沈葆楨奏克復雩都出力請獎一摺。另片奏瑞金克復。甯都解圍各情。覽奏均悉。逆匪

僞天將丁汰洋攻陷雩都。擾及贛縣之添子墟一帶。經韓進春督隊馳至。先敗其斷後之賊。掃除北鄉賊館。督軍攻西門小西門。賊開南門。涉河而遁。官軍追抵河干。沿途溺斃殺斃不少。當將縣城克復。丁逆遁往何處。著飭韓進春實力追剿。一鼓撲滅。湖逆由陳坊分兩股。一由大路向雲際關。一由小路向大呂口。洪幅瑣馬隊尙多。魏喻義扼之於雲際關。斃賊極多。收降三千餘人。該逆越塘坊入石城境。席寶田已督隊前進。著左宗棠楊岳斌沈葆楨督飭席寶田魏喻義等軍。合力追擊。務將洪逆全股悉數殲除。毋留遺孽。會昌等練勇。已將瑞金縣克復。濂逆圍甯都甚急。聞鮑超兵至。解圍而去。到處勾添賊黨。冀圖接應。湖逆盤踞對河之東山壩等處。鮑超見已迫及。著卽檄令緊躡賊蹤。毋令與洪幼逆句合。以期早日肅清。諭麟興奏遵旨豫籌立界事宜。並請帶兵前往請飭省省撥解餉需。廣鳳等奏。俄人侵擾阿勒坦淖爾烏梁海游牧各摺片。前據麟興等奏請飭庫倫將分界原圖咨送伊犁覈辦。當經諭令文盛速將原圖徑送明誼等。以備與俄使會議。茲據該署將軍奏稱詳查唐努烏梁海。實無唐努鄂拉達巴哈地名。其西兩部落盟長地方。因游牧窄小。無地可讓。未能豫籌安插。將來定議分界時。如唐努烏梁海游牧內有應分處所。其人戶應移往何

處安置均應先事豫籌著明誼迅即咨催文盛等將雍正五年已定界址圖記尅期送交俟候俄使到塔即按原圖指名辯論能按照總理各國事務衙門前奏令讓出數百里安插內徙之衆較爲妥善至俄國議分界址自沙賓達巴哈界牌末處起順山嶺先往西行應若干里至某地名止後往南行至唐努鄂拉達巴哈俱係由何地名經過並唐努鄂拉達巴哈是否即烏里雅蘇台所屬唐努烏梁海地面並著明誼等與俄使會議時先行逐一指明繪畫圖誌開載兩國應行堆立鄂博處所以便分界時憑圖定議卽由麟興等與明誼妥籌辦理麟興俟明誼換約事竣回城卽行前赴沙賓達巴哈一帶建立界牌俄人闖入阿勒坦淖爾烏梁海兩旗游牧地面欺陵擾害業經廣鳳等知照明誼等辦理卽著明誼行文西悉畢爾衙門令將兩旗游牧內之俄官等先行調回並將來分界後原住人衆或照廣鳳等前奏暫令在北八臺等處妥爲安置之處並著明誼廣鳳奎昌迅籌會辦

東華錄彙要

卷一百一

同治三年

十九

商務印書館印行



穆宗毅皇帝

甲子同治三年冬十月戊辰朔命刑部尙書綿森戶部左侍郎吳廷棟往治察哈爾獄辛亥諭議政王軍機大臣等惲世臨奏楚師防剿黔匪肅清沅晃邊境及籌防江西竄賊情形暨包茅仙被擒自刎各摺片黔匪勾結下竄擾及湖南沅晃邊境經周洪印等分路剿擊各有斬獲沅晃境內已無賊蹤戈鑑等復由邦洞一帶越境進剿連破賊巢仍著惲世臨督飭各軍實力扼擊前因李七股匪由王家司竄至荔波縣屬拜讓地方黔省兵力不敷剿辦曾經諭令惲世臨飭令周洪印迅統所部由荔波一帶進剿見在該撫飭周洪印酌派數營駐聚靖之交埽蕩天柱各匪卽著該撫酌量緩急相機調遣江西之賊勢窮紛竄見在瑞金零都已復鮑超率師直下步步追躡正須楚軍會同夾擊惲世臨見飭趙煥聯等分扼上猶龍泉陳士杰等軍照舊布置所籌尙妥卽著飭令各軍與江省官軍互相聯絡迅殄賊氛包逆被擒自刎黔楚邊界已除一巨患該逆倡亂多年恐不免餘匪潛匿仍著飭令在事各員弁實力搜捕以清餘孽以明緒爲伊犁將軍聯捷爲伊犁參贊大臣調惠慶爲古城領隊大臣賞候選郎中李雲麟二等侍衛爲庫爾喀喇烏蘇領隊大臣賞葉爾羌幫辦大臣武隆額副都統銜爲喀喇沙爾辦事大臣癸酉諭議政王軍機大臣等會國藩奏官軍驅賊出境皖南北兩岸肅清沈葆楨奏鮑超飛援甯都血戰解圍並席寶田一軍剪除湖逆搜獲僞酋及龍南縣擊賊獲勝各摺片英霍之賊退竄鄂疆徧擾蘄水蘄州等處皖北雖暫就肅清未能恃以無恐蔣凝學一軍已到蘄水劉連捷軍亦經官文調往湖北見在成大吉被圍湖北軍情十分喫緊著會國藩慎遠疊次諭旨飭令劉連捷迅卽赴援湖北其皖楚交界地方仍責令朱南桂等嚴密防守皖南之賊經易開俊等出嶺追剿急走遂安並隔開化漏逸而西者尙有數千人由江甯粵頭頭是道會國藩仍當飭令易開俊金國琛等跟蹤出境追剿務須數省合力將此股殘匪殄除淨盡沈葆楨所奏鮑超援甯都血戰解圍已降旨賞戴雙眼花翎該撫卽傳知該提督益圖奮勉將濂侍等逆悉數誅鋤肅清江境用副委任席寶田一帶剪除湖逆據生擒賊供佑逆李遠繼已殞於陣幼逆洪福瑱或謂死於亂軍或稱自經山僻俱屬渺茫不定僞主將羅逆王逆亦俱漏網恐遺孽復萌再有句結

東華錄擊要

卷一百二 同治三年

一

商務印書館印行

又形費手。著沈葆楨飭席寶田等確切查明幼逆所在認真搜捕。左宗棠徐宗幹亦當督飭各路地方將領嚴密捕拏。爲一勞永逸之計。沈葆楨另片奏南雄之賊犯龍南洒源堡。及插株坳背等處。經署令蔣如琳等督勇盡擊斃匪甚多。餘匪竄向定南廳而去。此處與廣東地方交界。著毛鴻賓郭嵩燾飭令地方文武嚴防竄越。並派兵出境追剿。沈葆楨仍當責令地方文武員弁認真防剿。如賊勢尙衆。即酌量抽調數營前往會同粵軍合力剿洗。正在寄諭間。據毛鴻賓等奏匪撲南雄州城。官軍迎擊疊勝。賊趨東路。見飭臬司督兵出省防剿。另片奏賊由江西安遠長甯竄入平遠縣城。知縣吳炳綬中槍墜馬等語。南雄賊匪被擊退竄。復由江西之龍南竄入和平龍川境內。幸各縣均有準備。遂橫竄嘉應州界之長田和平龍川交界之下車等處。毛鴻賓等已飛飭鄭紹忠由龍南馳赴連平。與崑壽所派之常秀各軍互爲聯絡。並令知府吳贊誠等扼禁州境防剿。著即催令李福泰籌添兵勇統帶出省。赴南雄一路妥籌剿辦。並嚴飭方耀等軍迅行規復平遠縣城。以贖前愆。粵省與江西湖南犬牙相錯。在在接壤。粵東一日不得肅清。江西湖南即一日不能安枕。著沈葆楨即飭王文瑞一軍由贛南一帶長驅入粵。會合惠潮各軍以剿東江之賊。懾世臨即令趙煥

聯一軍。由桂陽桂東入粵。會合南韶各軍。以遏北江之衝。均須剋日赴援。毛鴻賓等當飭令李福泰先就見有兵力。迅圖剿辦。以江西甯都縣城解圍。提督鮑超得旨嘉獎。並賞雙眼花翎。餘升敘有差。以江西廣昌擊賊獲勝。開復降補知府席寶田處分。仍以按察使用。賞還勇號布政使銜。乙亥。回匪陷烏魯木齊。滿城都統平瑞死之。以保恆署烏魯木齊都統。飭穆圖善率師出關剿賊。諭山西籌濟軍需。戊寅。諭內閣。沈葆楨奏官軍追剿敗匪生擒首逆一摺。幼逆洪福瑱一犯。雖係洪秀泉之子。而么魔小醜。漏網餘生。亦不值檻送京師。著沈葆楨即將洪福瑱在江西省城凌遲處死。沈葆楨自簡任江西巡撫。籌防籌剿。深合機宜。浙皖賊匪屢次竄入江西。均經調派兵勇。次第掃蕩。並生擒首逆殲除各巨酋。實屬勦勞懋著。加恩著賞給一等輕車都尉世職。並賞給頭品頂帶。署浙江提督鮑超。前在江楚皖三省剿賊。卓著戰功。此次督軍入江。所向大捷。疊摧巨股。連克堅城。賊衆聞風膽落。遂能盡掃逆氛。膚功立奏。加恩錫封一等子爵。以示優異。記名按察使席寶田帶兵追賊。疊獲勝仗。並將首逆捕滅。奮勇可嘉。加恩著賞給雲騎尉世職。並賞穿黃馬褂。諭閩浙總督兼署浙江巡撫左宗棠督師入浙。恢復浙東各郡縣。進規浙西。攻克杭州省城及

湖州等府縣。肅清全浙。並派兵截剿皖南竄賊。蕩平巨股。卓著勳猷。茲當幼逆洪福瑱就擒。殲除餘孽。東南軍務漸次底定。自應渥加懋賞。左宗棠著加恩錫封一等伯爵。浙江布政使蔣益澧隨同左宗棠統兵入浙。身先士卒。所向無前。先後立拔堅城。廓清浙境。懋著戰功。並著加恩賞給騎都尉世職。以示渥沛恩綸至意。以江西官軍生擒首逆洪福瑱。賞遊擊周家良巴圖魯名號雲騎尉世職。以副將儘先補用。餘加銜升敘有差。甲申。諭恩麟奏哈密漢回變亂。官兵會同郡王伯錫爾夾擊獲勝。全行殲滅一摺。哈密回逆於本年八月間乘夜縱火。焚燒關鄉。勢甚猖獗。經文祺派兵約會郡王伯錫爾統帶該處兵丁夾剿。大獲勝仗。立將該匪全行殲滅。辦理甚爲妥速。本日已明降諭旨。將伯錫爾嘉獎。並交理藩院從優議敘矣。該城逆回聞風煽亂。前據保恆奏報匪勢驕張。關鄉等處俱被焚掠。此次郡王伯錫爾督帶回兵。會合官軍兜剿。能否殲除淨盡。抑尙有零股被剿竄匿。著文祺扎克當阿督飭存城兵勇。會同伯錫爾所帶回兵。實力搜剿。以林之望爲甘肅按察使。前任陝甘總督熙麟卒。予祭葬。諡忠勤。戊子。以湖北廣濟剿賊不力。革去副都統常新阿蘇倫保。溫德勒克西富森保提督藍斯明姜玉順總兵官楊朝林梁洪勝麟。撤勇號。仍留營。

東華錄 卷一百一 同治三年

三

商務印書館印行

予陣亡。提督蕭河清祭葬。世職加等。諡忠壯。入祀湖南北昭忠祠。並於死事地方暨原籍建祠。乙丑。諭駱秉章奏官軍攻剿滇黔各匪獲勝。並越境克復仁懷縣城。憚世臨奏楚師肅清天柱各寨。及東西籌防情形各一摺。黔滇與川省接壤。隘口紛歧。寇蹤時出沒。敘永之間。駱秉章此次所派劉嶽昭等軍剿敗仁懷竄匪。並越境攻克縣城。實能不分畛域。調度有方。見在仁懷縣城。已有黔省兵練駐紮。劉嶽昭等以遵義徧地皆賊。回顧邊防。所有該處搜剿餘匪及遵義各屬號匪。均須力籌堵蕩。勞崇光張亮基身任地方。即著督令該處兵練。乘勝剿洗。敘永一帶。已爲該逆熟徑。著駱秉章飭在防各軍。慎固封守。嚴扼另股分竄。如有應行越境。會同黔軍夾剿之處。並著妥籌調度。其竄擾黑堡之滇匪。雖經擊敗。由滇境落堡竄去。難保不復行窺伺。著駱秉章督飭各營。仍當加意嚴防。楚軍戈鑑等入黔。肅清天柱各寨。苗教各匪。悉數退歸清江臺拱老巢。戈鑑等各營。已次第拔營回楚。分固邊防。其天柱善後事宜。勞崇光張亮基即責成該地方文武妥籌辦理。黔省松桃銅仁一帶。用兵日久。憚世臨以湖南防黔兵勇。合計數千人。深入則道路紛歧。後無援師。擬俟東路解嚴。添調勁旅萬人。選派知兵大員。分道入黔。所籌尙是。著即豫籌調派。一俟東路稍鬆。即行

大舉入黔。廓清兩省。歷年邊患。勞崇光張亮基亦當就見有兵力。力籌剿洗。甲午。諭議政王軍機大臣等。喬松年奏扶逆就殄。皖省賊蹤淨盡。並陳見辦情形一摺。髮捻各匪。前經僧格林沁等督軍追剿。受降十餘萬衆。旬日之內。漸就廓清。惟扶逆陳德才一股。尙在後路。經蔣凝學一軍自楚追及。疊獲勝仗。殺賊甚衆。收降三萬餘人。僧格林沁亦由霍山派兵進擊。該逆前後受敵計窮。服毒身死。蔣凝學將該逆屍身搜獲。送至僧格林沁軍營查驗。皖北一律肅清。此股髮逆竄擾楚皖陝豫。已及十年。陳德才曾擾蘇州。尤屬著名巨匪。所獲是否陳德才正身。即著僧格林沁查明具奏。髮逆漸就殄滅。惟捻匪陳大遠張總愚兩首逆。前據僧格林沁奏。俱在英霍潛太一帶山內伏匿。已飛啓喬松年一體搜拏。仍著僧格林沁喬松年嚴飭該處帶兵將弁。分投搜緝。務在必獲。前據官文奏稱。賊之前隊已至德安。已令李成謀繞前截擊。皖省見無賊蹤。著喬松年督飭蔣凝學等軍。馳赴楚境。會合夾擊。豫省距楚較近。前據張之萬奏。賊由英山擾及商城邊界。復由蘄水偏近豫南。該撫已派王文行張曜等軍迎剿。當經諭令張之萬督軍追剿。扼要堵截。並著喬松年選派皖防將弁。帶兵前赴豫疆。與豫省各軍。併力兜擊。務期盡殲醜類。以安徽官軍殄滅首逆陳德才。

### 東華錄要

卷一百一 同治三年

四

商務印書館印行

賞還道員蔣凝學布政使銜。予提督張得勝何紹彩優敘。丙申。予浙江殉難署布政使道員麟趾祭葬世職。如布政使例。諡壯介。入祀昭忠祠。母瓜爾佳薩克達氏暨子女旌卹如例。引見已革江甯布政使楊能格。得旨。著以按察使候補。發往都興阿軍營差遣委用。十一月己亥。以桂清爲盛京工部侍郎。甲寅。兩廣總督毛鴻賓等奏。賊擾大埔縣城。經援軍擊退。並越境克復武平等城。得旨。朱家毅著暫行革職留任。仍著查明該縣城是否失陷。該令有無與賊巷戰各情。分別奏明辦理。大埔旣轉危爲安。粵軍見已越境。克復武平等城。賊勢趨重漳州。著嚴飭方耀等跟蹤追剿。會合江西閩浙諸軍。將竄閩之賊。就地殄滅。漳州距潮州較近。饒平縣屬亦有賊蹤。並有沿海擄船竄擾澄海之信。著即移撥重兵。嚴行緝截。如任令入海剽掠。貽患無窮。惟毛鴻賓等是問。乙卯。諭僧格林沁等扼賊西竄。毋令入陝。己未。諭內閣。前因升任內閣侍讀學士于凌辰奏吉林獄訟繁多。請專設理刑大員辦理刑名。當經諭令阜保查議具奏。茲據阜保奏稱吉林地處邊陲。若添設監司大員。則建立衙署及廉俸等項。所費不貲。請查照熱河設立刑司之例。酌加變通等語。著照所請。卽由刑部揀派正途出身漢郎中或員外郎一員。專司主稿。科甲出身身事



一員幫辦主稿。並再派刑部滿郎中一員。專司掌印。其原設之協佐領。著仍留一員。幫辦掌印。並辦理蒙文事件。統歸吉林將軍管轄。以資治理。其原設理刑主事一員。即著裁撤。所請該司員等三年期滿無過。由該將軍出具考語送部引見。並如何酌加獎勵之處。著該部妥議具奏。尋刑部議派往吉林司員。擬請兵部酌給車馬。由驛過行。三年期滿。勤慎辦公。始終無過。送部引見。交吏部從優獎敘。如不能稱職。仍隨時奏撤。另行揀派。以昭慎重。從之。以戶部左侍郎卓保署吉林將軍。庚申。諭

勞崇光等奏克復興義府城。並剿辦新城竄匪獲勝各摺片。回逆盤踞興義府城。經署知府孫清彥等帶領兵練分路進攻。並密約朱天貴等作爲內應。於九月十六日。將興義府城克復。惟首逆張凌翔乘間脫逃。餘匪亦多竄逸。著勞崇光張亮基督飭派出各軍。跟蹤緊蹙。將張凌翔嚴密搜捕。並將逃竄餘匪及貞豐新城之賊。悉數殲除。新城回匪。因普安廳防堵嚴密。不克假道赴滇。卽料各匪圍撲該廳城池。經官軍疊次追剿。餘匪逃踞播政歸順一帶地方。該逆圖援曲靖。回逆馬連升難保不乘間再行攻撲。以遂其赴滇之計。卽著嚴檄各軍。實力掃蕩。務將此股就地殄除。毋令闖入滇境。乙丑。諭雷正綰奏。規拔固原。疊平逆壘。曹克忠馳解秦州城圍。進搗鹽

東華錄要

卷一百一

同治三年

五

商務印書館印行

關。請留余福象在營效力各摺片。雷正綰自克蓮花城後。回軍涇平。規復固原。將石家溝等處逆巢平毀。移營進逼東山城賊復大潰。追至距固城三十里之打河店。並將鸚哥幫等處巢穴塌平。此時軍威大振。該逆敗潰之餘。聞風膽落。雷正綰見抽軍十五營。由瓦亭大道進剿。飭總兵胡大貴等次第滾營大舉。著卽親督各軍。兩路夾擊。嚴防回逆狡詐。穩慎進兵。將該逆就地聚殲。堅城立拔。其逆首孫義寶。尤當設法擒斬。毋令漏刃他竄。曹克忠馳援秦州。城圍立解。復將分擾甘泉寺之賊。斬滅殆盡。拔營赴天水。進剿鹽關。斃賊甚夥。著卽飭令該總兵鼓行而西。迅速將鹽關巨巢攻克。該處地連秦蜀。道路紛歧。尤當防其與階州髮逆勾合聯絡。陶茂林見赴蘭州。專顧西路。著傳諭該提督仍遵前旨。先解靜甯之圍。順道剿除安會一帶逆匪。再赴蘭州。將河狄一帶軍務。妥籌會辦。此時甘省各軍。分三路剿辦。都與阿穆圖善雷正綰等。惟當通盤籌畫。妥爲調度。迅殄狂氣。余福象一員。見經雷正綰派令回楚招募精銳六營來甘。俟抵甘後。卽著該署提督留於軍營效力。其所募勇丁。或分撥數營赴穆圖善軍營之處。屆時斟酌軍情。與穆圖善妥籌調派。雷正綰張集馨另奏軍餉萬分支絀。請將部准新疆贖罪章程。量爲變通。酌減銀數。以濟要需一摺。雷正綰等營

餉項異常支絀。前經奏准已未到成各官犯文武贖罪銀兩數目。奉文已屆半年。尚無一人捐贖。該提督等以銀數仍鉅。請照籌餉事例。分別已未到成銀數。覈減五成。定以呈限半年銀限一年。以奉到部文之日起限。不准展緩。他省不得援以爲例。其中如情節較輕者。捐贖後准回旗籍。如情節稍重者。捐贖後由流減徒。改發軍臺。呈繳三年臺費。方准釋回旗籍等語。著即照所請行。其有情節甚重者。仍著隨時奏請辦理。十二月戊辰朔。准劉典開缺。仍以二品頂帶幫辦左宗棠軍務。以楊昌濬爲浙江按察使。庚午。以廣東肇慶剿辦髮逆。生擒首逆戴梓潰。賞總兵官卓興三代一品封典。餘升級有差。乙亥。撤辦理西藏事務福濟副都統銜。以四品頂帶回旗匪數千。登時起事。攻撲城垣。接仗失利。其巴燕岱各城紛紛變亂。該處存兵無多。請速派大員帶兵救援等語。新疆北路。自烏魯木齊失陷後。伊犁已成孤立之勢。見在賊匪逼近該城。勢極蔓延。此時古城以東道路尙能疏通。內地精兵若能迅速出關進剿。尙可保全完善。徐圖攻取。儻再任其滋蔓。必更無從措手。前據都興阿稔圖善奏。攻克清水堡賊巢後。官軍已進徧甯夏。著即督率各軍奮力進剿。攻拔城池。將甯

東華錄學要

卷一百一 同治三年

六

商務印書館印行

夏一帶地方廓清。能早一日歲事。即可早一日出關助剿。以紓朝廷西顧之憂。駱秉章所派援甘兵一千五百名。由鶴齡統帶前往。著即催令尅日趨行。迅赴都興阿軍營。聽候調遣。復以兆琛爲湖南按察使。庚辰。諭吳棠奏東南軍務大定。擬試辦河運等語。據稱江北各屬。均以河運爲便。惟停運有年。漕艘久廢。若設法雇用戶船。慮難鈐束。並沿河一路繕隄。插壩浮送。能否無虞。亦難逆料。見擬於清淮軍需捐款內動銀購米三萬石。解赴通倉。試行河運等情。具見該漕督心存大局。辦事認真。江北各屬距滬較遠。如與蘇浙江廣糧艘一律由上海轉運。由北而南。殊多周折。著照吳棠所請。即行採買米石。雇備民船。由河道運送通倉。所有轉運事宜。並江省應行經過河道。均著飭令該地方官妥速經理。一俟議定章程。即行具奏。並著鄭敦謹將糧艘經過河路之繕隄插壩。有無應行修整挑浚。即飭沿途管河官弁一體迅籌備辦。如能挽行無滯。來歲江北新漕。即由吳棠等仿照辦理。以復河運成規。壬午。予甘肅清水堡傷亡提督孟宗福祭葬世職加等。謚勇烈。並賞三代封典。癸未。諭內閣總理各國事務衙門奏請飭各省地方官。於外交涉事件。按照條約辦理一摺。據稱江蘇麻莊地方。有英國人一名。布國人三名。搶取鄉村物件。與民人互鬪。

傷死鄉民三名。被該處民人將該洋人等拏獲。縛送地方官辦理。乃該地方官展轉推諉。並不收理。以致延宕三日。該洋人等被捆致斃二人。已由該衙門咨行該省查辦等語。各直省地方。遇有洋人不持護照。擅入內地。及與民人爭鬪。或有不法情事。理應按照條約。將洋人送交領事官懲辦。此次麻莊地方互鬪一案。若如所奏。該地方官並不查照條約。迅速辦理。致洋人被捆多日。遂致殞命。實屬非是。著各直省督撫嚴飭該地方官。嗣後遇有外國人不持執照。擅入內地。及持有執照。而或有不法情事。抑或照內查有訛誤者。均著按照條約。拏交領事官懲辦。其或官府未及覺察。先由民間受害之家拏送者。一經解到。亦著按約就近送交領事官懲辦。無論由官府民間拏送。中途拘禁。不准凌虐。至中外一切交涉事件甚多。並著飭令該地方官平時將各國條約。悉心檢閱。乙酉。諭議政王軍機大臣等。恩麟奏陶茂林一軍收復金縣。進紮省垣。分兵進援靖遠。會籌布置一摺。陶茂林所部。由通渭縣進剿中林山等處賊匪。沿途乘勝掃蕩。疊有擒斬。並解安定縣城之圍。餘匪向會甯一路奔竄。官軍正擬分途搜剿。因金縣被匪襲陷。省防喫緊。陶茂林親督諸軍。由新營清水驛兩路鈔入金縣。會合恩麟所派之果義營等軍。整隊環攻。立將金縣縣城克復。剿

東華錄彙要

卷一百一 同治三年

七

商務印書館印行

辦甚屬奮勉。陶茂林克金縣後。進抵蘭垣。因靖遠尙被賊圍。派提督高餘慶等五營。與副將王德恆等相機夾擊。即著陶茂林檄飭諸軍。迅解靖遠之圍。其分駐金縣。清水驛。甘草店各營。俟各該處稍爲鎮定。即由陶茂林統帶。進規河狄等城。擇要進剿。賊蹤剽忽靡常。東路靜甯會甯等境要隘。亟須添兵扼守。曹克忠一軍。應否移紮靜甯適中之地。爲陶茂林後路聲援。著都興阿穆圖善雷正綰安籌調派。都興阿等督隊進攻甯夏。直逼郡城。利在速攻。仍著懷遠前旨。穩慎進取。以期萬全無失。雷正綰仍遵前旨。迅拔固原。即可派兵協同都興阿穆圖善攻克甯夏漢城。悉殲醜黨。以靖地方。己丑。諭禮部奏。琉球國使臣呈稱該國世子此次恭進方物。懇照道光二十六年咸豐元年五年准予賞收。免其留抵等語。該國世子因慶賀登極。並進。

文宗顯皇帝香品專遣使臣。呈進方物。前經降旨留抵下次正貢。今據該使臣等呈稱伊等臨行時。該國世子諄屬懇請。准予賞收。免抵下次正貢。著照所請。此次所進方物。准予賞收。下次正貢。屆期該國遣使來京時。再當優加賞賚。用昭柔惠遠藩至意。該部即傳諭該使臣。令於回國時。轉告該國世子知之。調黑龍江官兵五百名。交聯捷統帶出關。甲午。諭議政王軍機大臣等。常清明緒奏伊犁大獲勝仗。

立解城圍一摺。伊犁回匪變亂。攻撲城垣。前據常清等奏到。方深屢繫。此次明緒督派兵勇。及索倫哈薩克等出城接仗。將回匪擊敗。立解城圍。覽奏稍慰。回匪兇悍。性成。黨與其衆。見雖被擊敗走。尙未大受懲創。伊犁餉細兵單。回氛四逼。若因此次獲勝。防守稍疏。深恐該逆句黨尋仇。必將乘隙大逞。明緒當懷邊疊次諭旨。愼益加愼。未可掉以輕心。致有疏失。回匪見竄巴燕岱城。據穆克登額報稱。尙有數萬之衆。圍城緊急。可見賊勢並未衰弱。明緒見派額騰額等統帶各營進剿。務當飭令穩慎前進。不可稍有挫失。綏定等處賊匪退竄金頂寺城盤踞。尤當虞其回擾。設法防剿。以伊犁解圍。賞將軍明緒黃馬褂。領隊大臣榮全花翎。餘升敘有差。

乙丑。同治四年。春正月。丁酉朔。諭議政王軍機大臣等。張集馨奏攻破積年逆巢。大獲全勝一摺。靜甯州高家堡。久爲逆回盤踞。經張集馨與曹克忠會同進剿。當將高家堡攻克。敗賊分竄蕭河城青家驛。另股賊匪。在西路十字堡等處屯聚。復經官軍進剿。殲匪甚衆。辦理尙爲得手。前諭都興阿等。將曹克忠一軍。應否移紮靜甯適中之地。爲陶茂林後路聲援。妥籌調派。曹克忠見欲進攻蕭河城。應如何節節進逼。力圖堵蕩之處。仍著都興阿穆圖善雷正綰妥爲調度。張集馨見擬帶隊進省。即著趕

### 東華錄要

卷一百一 同治四年

八

商務印書館印行

緊前進。與陶茂林恩麟會籌布置。以固省防。陶茂林一軍。紮營甘草店一帶。該提督務當嚴密守禦。獲賊供稱。該逆因官軍圍攻。固原甚緊。屢遣馬百齡兄弟馬彭齡赴雷營。捏詞詐降。未見聽信。曹軍已到靜甯。我等家屬皆在蕭河城等處。若被攻擊。必致受害。是以調齊馬步各逆。由靜甯入隆過德山。卽是瓦亭。使雷營腹背受敵。如不得手。卽由涇平回陝。孫義寶仍在固原。與雷營抗拒。使彼不疑等語。固原逆謀甚狡。該匪如赴雷正綰軍營乞降。該署提督不可墮其詭計。逆匪既有使雷營腹背受敵之說。雷正綰尤當加意備禦。實授蘇廷魁河南布政使王正誼按察使。吳棠奏籌辦河運漕米章程。從之。庚子。以協守伊犁出力。免革員樂斌陳孚恩罪。仍留辦兵餉事宜。壬寅。追予安徽殉難道員何桂珍諡文貞。知州劉騰鴻諡武烈。遊擊畢金科諡剛毅。癸卯。諭議政王軍機大臣等。張凱嵩奏進剿恩賊匪。連破賊卡。生擒首逆宋扶桿一摺。逆首業已就擒。卽著該撫督飭易元泰等迅將黎村踞匪。悉數殲除。並乘此聲威。進剿武緣上林等處土匪。以清餘孽。另片奏孫仁廣股匪結黨抗拒官軍。恃犇峒爲巢穴。經劉坤一等軍疊次進剿。旬日之間。蕩平逆壘三千餘處。南北兩岸賊勢漸衰。剿辦尙爲得手。並著該撫嚴飭劉坤一李能通李士恩等。速克

大廟江口。進偈那壇賊巢。並掃平格木踞匪。進規永清縣城。母稍鬆勁。在籍太子少保尙書銜廖鴻荃卒。予祭葬。諡文恪。丙午。頒賞朝鮮國王李熙琉球國王尙泰扁額。戊申。以陳湜爲陝西按察使。辛亥。諭議政王軍機大臣等。曾元福奏巨逆洪機被礮震斃。全臺肅清。一摺。洪機稔惡倡亂。歷有年所。見旣被礮震斃。則其餘漏網之徒。不難殲滅淨盡。著曾元福丁曰健督飭在事員弁。實力搜捕。臺灣地方雖經肅清。而漳州一帶賊氛尙熾。難保不勾結臺屬匪類。乘機煽惑。曾元福見已將搶鬪各犯拏獲懲辦。以定人心。仍著會同丁曰健實力巡查。妥籌防範。毋令漳郡逆匪偷渡勾結。左宗棠徐宗幹務當督飭將弁兵勇。迅將漳龍等處踞逆。迅速掃蕩。俾免日久蔓延。臺灣善後事宜。並著督率曾元福丁曰健次第籌辦。務令事事悉合機宜。以期一勞永逸。乙卯。諭議政王軍機大臣等。常清明緒奏伊犁萬分窘迫。請撥軍餉。武隆額等帶兵退回。借調俄兵助剿。並常清奏請治罪。明緒奏陳地方情形各摺片。阿奇木伯克邁明木雜特前據常清奏。因攤湊回戶錢文。役回種地。以致衆伯克聯名呈控。請先行革職審訊。此次纏頭回子糾衆舉擄。攷木雜特爲王。是否即係此人。見據聲言。因委曲逼迫所致。並於旗幟書寫官僭民反字樣。明緒已派員議撫。

東華錄彙要

卷一百一 同治四年

九

商務印書館印行

著卽割切曉諭。如前案果有屈抑。不妨爲之昭雪。但恐該回子藉此爲詞。以遂其緩兵之計。明緒當加意防範。毋爲所給。巴燕岱一帶賊勢甚衆。武隆額布爾和德所帶之兵。退紮湖廣橋地方。著卽飭令嚴密防剿。城兵單薄。明緒惟當固結人心。認真防守。穆圖善已屢諭統所部。迅速出關。先抵哈密相機進剿。前諭聯捷管帶黑龍江官兵五百。馳赴科布多。或直趨伊犁。或會同穆圖善進取。見在計可出關。著明緒飛咨該大臣酌情形。或卽令徑達伊犁。藉資防剿。借助俄兵一節。亦是出於萬不得已。著遵照上年十二月十一日寄諭。酌量妥辦。昨據廣鳳等奏。解往古城之餉銀八萬兩。已折回科城。暫存提用三萬兩。補放蒙兵欠餉。俟歸綏道衙門解到撥還。見在伊犁需餉孔亟。著廣鳳奎昌卽將見存之五萬兩。先行改解伊犁。明緒錫霖一體派員沿途迎護。其續到烏里雅蘇臺之餉。仍著明誼麟興車林敦多布隨時知照。明緒酌量數目。設法派員迎提應用。經過之科布多塔爾巴哈台各城。均須迅速護送。赴伊犁。常清業於上年十月初四日降旨革職。聽候查辦。何以此旨尙未奉到。仍著明緒將常清被參各款。詳細查明。據實具奏。丙辰。諭內閣。前因會國藩等奏。准徐揚海道轄境邊圍。請仍設淮揚道員缺。以重地方而專責成。諭令議政王軍機大臣會同

該部議奏。嗣據給事中福寬奏請將江蘇揚州府。又歸常鎮通海道管轄。毋庸仍設淮揚道員缺。復諭令議政王等彙入前摺。一併會同議奏。茲據議政王軍機大臣會同各該部悉心酌覈。奏明請旨。曾國藩等因淮徐揚海道轄境遼闊。難以周顧。請復設淮揚河務道員缺。係爲因時制宜起見。著照所請。准其復設淮揚河務兵備道。作爲由外題補之缺。管理淮揚兩屬。其海州一屬。巡道應管事件。仍歸徐道管轄。作爲淮海河務兵備道。所有前經奏明統歸淮徐揚海道管轄之淮安府同知徐州府同知淮安府督捕通判揚州府清軍總捕同知四屬內。應將何屬撥歸淮揚道管轄。何屬撥歸徐海道管轄。暨應否於淮揚河務道轄境。添設移撥武弁官兵之處。並著曾國藩等體察各處地段情形。分別奏明覈辦。尋曾國藩等奏。淮安同知淮安通判揚州同知。皆隸淮揚境內。應歸淮揚道管轄。徐州同知所屬河務汛地。應歸徐海道管轄。以專責成。該淮安通判所管汛地。移歸改設之淮安同知專管。駐紮清江浦。其同知所遺汛地。多在山陽境內。卽改歸淮安通判兼管。此外向歸淮海道專管之葦蕩左右兩營。以樵採蕩柴爲專責。近年柴款變價催徵等事。奏明專派大員經理。今旣復設道缺。應改歸淮揚道專管。以符舊制而免紛更。至淮揚道轄境。操防各營各有

東華錄彙要

卷一百一

同治四年

十

商務印書館印行

舊制。見又添設淮揚鎮標。應毋庸另議移改。其修防官弁。俟河運復興。再行體察覈議。下部知之。乙丑。諭毛鴻賓等奏。官軍越境剿賊。克復永定縣城一摺。逆首丁汰洋潘姓踞守永定。與漳州之賊互相犄角。經方耀等疊次猛攻。將該逆城外礮樓土壘平毀。官軍倚山紮營。日夜俯擊。賊由東門向龍巖州竄逸。我軍追至雷塘而還。剿辦尙爲得手。永定業經收復。漳州逆勢自孤。著毛鴻賓郭嵩燾督飭方耀等軍乘勝進攻。聽候左宗棠調派。並著左宗棠飭令閩浙官軍會合夾擊。節節堵蕩。次第規復各城。濳逆汪海洋盤踞汀州南陽。號稱十餘萬人。漳州踞逆。號稱二十萬人。逆賊尙肆鴟張。潮嘉東北兩路防務。尙未可稍鬆。前經諭令馮子材暫留本籍督辦軍務。卽著毛鴻賓郭嵩燾催令該提督迅速前赴東江。妥籌守禦。並飭令李福泰速赴潮州府城。嚴密布置。以固門戶。二月己巳。欽奉

慈安皇太后

慈禧

皇太后懿旨。翰林院檢討徐桐。著在弘德殿行走。授皇帝讀。癸酉。添設湖南鄉試

同考官二員。乙亥。撥神機營官馬四百匹。赴山海關備操防。丙子。毛鴻賓降調。

以吳棠署兩廣總督。彭玉麟署漕運總督。惲世臨降調。以李瀚章爲湖南巡撫。李

福泰爲廣東布政使。調張兆棟爲廣東按察使。以趙長齡爲四川按察使。戊寅。

諭議政王軍機大臣等。本日議政王軍機大臣將林鴻年咨文。並昭通臨安官紳稟詞呈覽。滇省全境糜爛。僅有昭通東川臨安三府。尚未淪陷。見在護理昭通鎮總兵楊盛宗固守地方。疏通道路。且與岑毓英馬如龍等。均無所忤。自可責令秣馬厲兵。相機進剿。至臨安官紳堅不附回。爲國家保此疆土。其誠悃甚屬可嘉。惟近因馬如龍率衆數萬圍攻江川。雖經恩榮梁士美等援救獲勝。而賊衆兵單。餉需告竭。著林鴻年迅速籌措銀數萬兩。源源接濟。馬如龍既稱歸誠向化。何以於林鴻年處從未見稟。且舍杜汝秀不討。而日與臨安士民爲仇。其居心殊不可問。林鴻年與勞崇光等務當隨時訪察。妥籌辦理。滇省變亂已久。非大兵雲集。不能戡定。而籌餉徵兵。尤須借助四川等省之力。見在黔西大定等郡。先後淪陷。遵義府勢亦甚危。黃白號匪。又竄近川南之永甯。川東之綦江等境。蜀軍分防要隘。更有何力分撥赴滇。是欲平滇逆。必須先平黔匪。勞崇光見駐黔省。著即會同張亮基。遴派兵勇。將黔西大定等城。迅圖克復。並將黃白號匪次第掃蕩。不得再有稽延。駱秉章督飭川東各軍。越境會剿。務將黔邊巨寇。合力殲除。張凱嵩即飭楊廷桂一軍。馳赴古州。會合黔師。認真剿辦。李瀚章已簡授湖南巡撫。著即馳赴新任。督飭援黔之周洪印等軍。迅速進兵。

東華錄彙要

卷一百一 同治四年

十一

商務印書館印行

夾擊。李瀚章未到任以前。仍由惲世臨檄飭前進。毋失事機。該督撫等務當同心協力。將貴州各匪剋期殄滅。庶可騰出兵力。專意進剿滇匪。底定邊隅。林鴻年亦當相機前進。迅赴昭通等處。督率楊盛宗等防剿兼施。不得藉待兵待餉爲詞。稍事延誤。其滇省應需兵餉。仍著駱秉章極力籌畫。源源解濟。己卯。予故署烏魯木齊都統哈密辦事大臣保恆祭葬卹蔭。如副都統例。庚辰。允沈葆楨乞假歸省。命孫長絨護理江西巡撫。壬午。以瑞麟暫署兩廣總督。石贊清暫護湖南巡撫。癸未。諭議政王軍機大臣等。雷正綰奏官軍攻克固原州城。及疊破蕭河城一帶逆巢。請將已革臬司張集馨留甘。商辦善後。並糧運匱乏。請飭陝省妥籌接濟各摺片。固原地勢險阻。城池高深。陝逆孫義寶等乘虛竄陷。負隅久踞。經雷正綰督率各軍奮力攻克。實屬謀勇俱備。調度有方。見在固城雖破。而逸出賊匪馬隊尙有數千。孫逆是否被戮。尙無確據。深恐漏網餘生。復行勾結煽惑。著雷正綰實力追捕。務絕根株。甘回張保龍等。既知執梃助陣。保護漢民。即著雷正綰宣布朝廷威德。將降衆拊循輯綏。責令將馬匹軍械等件。全行收繳。其蕭河城降回。並著分別良莠。酌覈情形。妥籌安置。此時固原已下。雷正綰等軍應由何路進剿。並著都興阿穆圖善雷正綰妥爲籌

畫。相度緩急。何處賊勢最重。卽由何處進兵。迅殄醜類。同膺懋賞。此後進剿機宜。卽著雷正綰將地勢險要。並賊匪巢穴。詳晰繪圖呈覽。甲申。諭內閣。前因烏魯木齊提督文祺。由哈密進剿烏垣。行至巴里坤病故。業經降旨照提督軍營病故例賜卹。茲據色普詩新將該故提督因病出缺情形。奏聞。並代遞遺摺。披覽之下。知該故提督之母年屆七十六歲。迎養哈密。情殊可憫。著再加恩。所有該故提督任內一切處分。悉予開復。准其入城治喪。其母暨該提督靈柩回京時。沿途地方官妥爲照料。伊子英俊等著俟百日孝滿後。由該旗帶領引見。用示朝廷篤念盡臣至意。尋予諡武毅。丙戌。諭議政王軍機大臣等。王德榜劉典王開琳等軍。將涂坊賊館掃除。連奪下車馬洋洞等要隘。餘匪俱向南陽奔竄。永定縣城總兵關鎮國同粵軍攻克康國器克復龍巖。辦理尙爲得力。惟漳州踞逆號稱二十萬人。逆蹤尙張。汪逆尚踞南陽。相爲犄角。左宗棠見飭總兵劉清亮出興化趨泉州同安。以固高連陞等軍後路。並分布諸軍於永安甯洋漳平等處。以厚漳州兵力。兼杜賊犯安溪之路。布置尙爲周密。渡東浦南踞匪。已爲黃少春高連陞兩軍擊敗。待逆退縮漳城。堅踞不出。著左宗棠督率諸軍。力籌進攻。並激勵劉典王德榜等軍。速將南陽賊巢掃蕩。以便進

東華錄要

卷一百一

同治四年

十一

商務印書館印行

兵合圍漳城。前據毛鴻賓等奏稱。方耀一軍。會合閩兵。克復永定。餘匪竄向龍巖。見在龍巖股匪。究向何處逃逸。著左宗棠查明具奏。並將此股殘匪。速行截擊。毋令竄併江漳。徐宗幹亦當督飭地方各官。聯絡鄉團。嚴扼要隘。毋任敗賊紛竄。前經諭令毛鴻賓等。飭令方耀聽候左宗棠調派。會合閩浙官軍進攻。並令李福泰進駐湖州。著瑞麟韓高燾。迅速前旨辦理。一面嚴扼要隘。毋令閩匪竄入粵疆。丁亥。刑部尙書趙光卒。予祭葬諡文恪。戊子。以齊承彥爲刑部尙書。曹毓瑛爲左都御史。舉道遠爲兵部左侍郎。己丑。諭內閣。福建按察使張運蘭。自咸豐元年帶兵剿賊。轉戰江西安徽湖南廣東湖北等省。屢克名城。疊著戰功。上年經毛鴻賓奏帶赴粵。先後剿滅石逆。餘黨李幅猷及土匪鄧二尺七陳仰古等。肅清粵省十餘年積患。乃於去年八月間。帶兵救援福建。因平遠大埔之賊。回竄武平。該臬司親督中隊。馳赴中赤迎剿。屢戰皆捷。遽以追賊深入。爲逆衆層層圍裹。總兵賀國楨王明高先後陣亡。帳下親兵。死傷略盡。該臬司身受重傷。爲賊蜂擁入城。罵不絕口。遂於九月十四日被賊支解。布政使銜福建按察使張運蘭著。加恩照巡撫陣亡例議卹。任內一切處分。悉予開復。並於湖南福建廣東各省建祠。生平戰績。並著宣付史館立傳。伊子張



恆洲著俟服闋後。由吏部帶領引見。以示篤念忠盡至意。尋予祭葬世職。諡忠毅。諭議政王軍機大臣等。恩麟等奏擊退靖遠逆匪。縣城解圍。見籌分兵兼顧西路。平番縣城圍稍鬆。請飭曹克忠等赴援。並靈臺縣被賊攻陷。請飭劉蓉就地籌防各摺片。靖遠被圍。陶茂林督隊衝擊。平毀賊巢。城圍立解。連日周歷搜捕。附近數十里均無賊蹤。陶茂林已入城安撫良回。即著督飭地方官加意撫綏。仍督率各營將弁剿捕竄逆。毋任四散滋擾。河狄回匪。雖有就撫之說。其心反覆無常。萬難深恃。著恩麟加意嚴防。平番回匪竄入省北秦王川一帶。該處爲產糧要區。省城民食所賴。陶茂林將靖遠大局布置定妥。即酌帶勁旅。先赴秦王川。會同恩麟所派之宣威各軍殄滅竄匪。即赴平番助剿。以顧西路門戶。鞏昌望援日切。恩麟請令曹克忠率領全部專顧鞏昌。俟該處賊匪蕩平。即與陶茂林合軍規取河狄。曹克忠一軍。自蕭河城等處剿撫兼施。見在應由何路進兵。能否令赴鞏昌之處。著都興阿穆圖善雷正綰悉心酌覈。一面奏聞。一面檄飭該總兵照辦。甯夏未復。匪勢正熾。都興阿穆圖善未能迅撥勁旅。援應平番。著恩麟慎遵正月二十九日所奉寄諭。責令黎獻調集兵勇。妥籌辦理。總須俟甯夏克復後。方能分兵兼顧。此時有陶茂林一軍前往。情形當可稍

鬆。該護督惟當就各路見有兵力。妥籌辦法。另片奏靈臺縣城被陷。劉蓉請將曹克忠全部十六營留防弼長汧隴。該護督請留曹克忠在甘省專意剿匪。請飭劉蓉暫行就地籌防等情。靈臺被陷。旋經官軍克復。前此由甯州竄擾白吉原之匪。想即此股分竄。著劉蓉檄飭彭基品等並雷正綰所派馬隊。迅將白吉原股匪奮力殄除。毋留餘孽。以王德榜爲福建按察使。壬辰。諭勞崇光奏雲南官軍剿辦曲尋逆回擒斬逆首。迤東肅清一摺。據稱上年七月間。勞崇光派遊擊馮世興酌帶親兵練勇。馳赴曲尋一帶。會同馬如龍等奮力進攻。連日殲斃逆回無算。先後將尋甸州曲靖府城收復。並擒獲逆首馬榮馬聯升等。業將馬聯升在軍前正法。其馬榮一犯。亦經該督札飭解赴雲南省城。交署臬司宋廷春驗明正法。岑毓英馬如龍等調兵練力挫兇鋒。收復城池。督擒首犯。均屬勇敢過人。請將馬如龍等仍照原請給獎等語。馬如龍等。既據該督聲稱此次肅清曲尋擒斬逆首。實係異常出力。自應量予獎敘。以昭激勸。本日已明降諭旨。照勞崇光所請給獎矣。滇省迤東見已肅清。即當檄飭諸軍進規大理。勞崇光身任雲貴總督。責無旁貸。且於馬如龍等均信其可恃。自必熟籌駕馭之方。該督遠在黔垣。僅能遙爲控制。不如進紮滇省。於一切攻剿機宜。可

以就近籌度。著勞崇光酌帶兵練。尅期赴滇。或於東昭兩府擇要駐紮。或徑赴曲靖。近控省垣。均卽迅速籌維。相機前進。林鴻年簡任滇撫。屢經諭令進紮東昭。見在滇省東路疏通。著林鴻年懷遠前旨。尅日啓行。並著駱秉章懷遠疊次寄諭。迅籌餉銀數萬。交林鴻年帶往。並於唐友耕劉嶽昭所部兩軍。悉心審度。卽川省邊防緊要。未能全行撤赴滇省。或先抽撥數營。隨林鴻年前往。勞崇光林鴻年於滇省軍事當和衷商辦。不得因所奏各情。互有歧異。遂致稍涉齟齬。馬如龍既係誠心效順。何以臨安紳民所稟。有率衆圍攻江川之說。是否實有其事。仍著勞崇光等隨時察看。諭以大義。飭令馬如龍蠲除私忿。約束回衆。毋許再啓釁端。並可札飭梁士美等。告以馬如龍見已力圖自效。卽當與之同心協力。進規迤西。一意以殲除杜逆爲事。楊盛宗與馬如龍梁士美等。素均無忤。並著該督等督飭楊盛宗。與之聯絡會剿進攻。馬如龍等此次已加優獎。儻遷延疑貳。有始無終。仍著勞崇光據實參辦。勞崇光等如不能妥爲駕馭。致馬如龍等或生反側。貽誤事機。亦必治勞崇光以應得之罪。以雲南曲靖尋甸剿匪獲勝。生擒首逆總兵官馬如龍道員岑毓英。得旨嘉獎。並賞巴圖魯名號。餘升敘有差。癸巳。諭議政王軍機大臣等。劉典王德榜等軍進剿汪

東華錄 卷一百一 同治四年 十四 商務印書館印行

逆。疊破賊壘。續獲大勝。該逆痛哭逸去。幾爲官軍所獲。劉明珍等軍扼漳平一路。踴毀丁逆賊卡三座。高連陞截剿漳州踞逆。大獲勝捷。李侍賢棄馬而逃。其悍黨亡失殆盡。見在汪逆勢窮。圖與侍逆合股。漳州南境地瀕大海。賊勢窘蹙。難保不計圖入海。左宗棠已飭提督劉清亮率所部由同安徑趨石碼。以保漳州東南一路。令吳全美速雇紅軍拖督等船赴閩助剿。以固海防。所籌均極妥協。著卽激勵各軍。覘賊所向。會師夾擊。左宗棠當督飭劉典高連陞等分路布置。務須就地殲除。汪逆李逆逃往何處。責令帶兵各將弁追截。毋任合併一處。郭松林一軍當已到閩。著派令嚴扼海口。汀漳賊衆未盡剿除。江西廣東之防。仍不可一日或懈。沈葆楨尙未回籍。著飭令派出各軍。認真防範。廣東所派出境助剿之方耀等軍。著瑞麟郭嵩燾飭令會合閩軍。痛殲餘逆。潮州大埔一帶。卽責成李福泰安籌防剿。該逆既有入海之謀。各海口均應一體防範。並著瑞麟等飭地方文武員弁。悉心籌防。甲午。諭禁山西種植罌粟。三月。丁酉。諭議政王軍機大臣等。前因勞崇光張亮基奏。審明已革貴州提督田興恕殺害教民一案。分別定擬一摺。當經諭令總理各國事務衙門議奏。茲據奏稱田興恕等應得罪名。請卽照勞崇光等所擬議結等語。本日已明降諭旨。

將田興恕發往新疆。不准援免。張茂萱即張心培等分別定擬矣。田興恕見在是否羈禁秀山。抑已到省。著崇實駱秉章即行派委委員。將該革員尅日起解。張茂萱即張心培謝葆齡。均著勞崇光等即行派員起解。並著崇實駱秉章等將該革員等起解日期。飛速奏報。餘著該督撫等妥爲辦理。壬寅。命恭親王毋庸在軍機處議政。並撤一切差使。癸卯。諭瑞雲奏涼州郡城內外逆回變亂。剿除淨盡一摺。涼州回匪。結連營中回衆謀逆。焚燒關廟。攻撲郡城。經瑞雲督飭涼州滿漢文武員弁及紳民團勇人等。協力截剿。剷除殆盡。辦理尙屬周妥。前據恩麟奏平番撲城回匪。擊剿漸退。城圍稍解。大股仍在城外十里二十里地方盤踞。當經諭令陶茂林馳赴秦王川。會同恩麟所派之宣威等營。合力進剿。平番距涼州並不甚遠。設賊匪被擊。北竄涼州。郡城居回甚衆。入伍食糧。亦多回兵。設再句結煽亂。關繫非輕。著瑞雲仍飭派出兵勇。搜捕餘匪。以淨根株。並令在事文武。將回衆回兵。妥爲撫輯彈壓。其平番一帶賊匪。著恩麟陶茂林懷運前旨。嚴飭兵勇。迅圖掃蕩。以期早日蕩事。毋任蔓延。乙巳。諭內閣。此次庶吉士散館。著用策論考試。丁未。欽奉 慈安皇太后 慈禧皇太后懿旨。所有皇帝讀書課程及弘德殿一切事務。均著醇親

東華錄要 卷一百一 同治四年 十五 商務印書館印行

王總司稽查。用昭慎重。以何璟爲湖北布政使。戊申。以李宗羲爲安徽按察使。予古城陣亡署巴里坤領隊大臣吐魯番領隊大臣色普詩新祭葬世職。如都統例。謚武愨。佐領惠斌等祭葬世職。己酉。諭軍機大臣等。左宗棠等奏官軍追剿獲勝。汀連肅清。劉明珍等由漳平南路進剿和溪。掃蕩賊壘。乘勢進攻水潮。丁逆棄水潮而遁。侍逆爲高連陞所敗。呼援甚急。圖與汪逆合股漳州踞逆竄陷漳浦。見復遣黨屯踞南路官田顏厝前一帶。以窺石碼。並喉龍巖敗逆由北路圖犯長泰。左宗棠已飭張恆祥一軍。移紮漳平。劉清亮一軍。由同安相機前進。高連陞等分軍駐石碼扼北溪。王德榜已赴龍巖。劉典亦馳赴漳平。漳州一帶。布置尙周密。逆勢見已窮蹙。惟當防其就近入海。句結洋盜。各處竄擾。郭松林等計可。由滬抵閩。著左宗棠徐宗幹即飛飭由海澄進取漳浦。斷其入海之路。吳全美已募紅單拖罾等船赴閩。著飭令嚴扼海口。遇賊即擊。該撫務當檄飭南北兩路。見取南靖漳浦。將汪李等逆就地殲除。該逆飛走技窮。必將拚死出竄。廣東江西邊境。著瑞麟郭嵩燾飭令李福泰等軍嚴防潮州及埔饒等處。方耀等軍已入閩者。即令歸左宗棠調遣。儻粵邊有警。仍令回顧。沈葆楨已起程赴閩。孫長絨責無旁貸。當督飭前派防軍嚴扼本境。莫

雲慶接統鮑超所部。既未入閩。即著仍留江境。協同防守。俟此股賊平。仍遵前旨。馳赴鮑超軍營。隨同出關剿賊。左宗棠俟劉典到後。布置定妥。再行進省。辦理一切事宜。庚戌。諭恩麟奏。涼州回匪變亂。先後撲滅。竄擾平番回匪。擊敗回巢。及古浪縣屬回匪滋事。旋即殲滅各摺片。涼州府城關回匪。勾結變亂。前據瑞雲奏報。業已剿滅淨盡。回弁馬忠亦經擊斃。此次恩麟所奏探報各情。與前奏大略相同。惟據稱回弁馬忠並在逃之百餘人。尙未弋獲。與瑞雲所奏剿滅淨盡情節不同。仍著瑞雲恩麟查明。有無餘匪。迅速拏辦。並著恩麟飭令道員黎獻。查明該匪懷疑變亂情由。出示曉諭。以安反側。其竄擾平番之匪。於官軍剿敗之後。分踞武勝堡等處。經黎獻會同副將張琮督軍剿敗。退回米拉溝逆巢。並將古浪縣屬馬得彪一股匪徒。立時掃蕩。以免勾結之患。辦理尙屬迅速。即著嚴飭黎獻督同各路民團。扼要防堵。毋任蔓延爲害。前諭陶茂林一軍。馳赴秦王川會剿平番逆匪。並防該匪北竄涼州。該提督前由靖會一帶。搜剿固原餘匪。見在行抵何處。能否分兵會合黎獻等軍。將米拉溝賊巢迅圖掃滅。並嚴防該匪北竄涼州之處。著恩麟陶茂林妥籌辦理。辛亥。諭內閣。朕奉 慈安皇太后 慈禧皇太后懿旨。前據協親王醇郡王降

東華錄要

卷一百一 同治四年

十六

商務印書館印行

調通政使王拯御史孫翼謀先後陳奏恭親王雖經獲咎尙可錄用各摺。當交王公大學士九卿翰詹科道會同詳議具奏。茲據禮親王世鐸等大學士倭仁等會議覆奏。並據內閣學士殷兆鏞都察院左副都御史潘祖蔭內閣侍讀學士王維珍給事中廣誠及科道等聯銜各摺。均以恭親王咎由自取。惟係懿親重臣。應否任用。予以自新。候旨定奪等語。恭親王著即加恩仍在內廷行走。並仍管理總理各國衙門事務。此後惟當益矢慎勤。力圖報稱。用副訓誨成全至意。以籌辦甘肅營務奮勉。賞已革安徽巡撫翁同書五品頂帶。諭劉長佑撥古北口官兵三百名。赴甘肅助剿。並按月撥解餉銀。壬戌。諭軍機大臣等。張凱嵩奏收復永涪縣城。剿辦梧州鎮安各匪。請飭催援黔軍餉各摺片。逆首孫芒廣久踞永涪縣城。經劉坤一督軍進剿。連克水陸各隘。斃賊一千餘名。該逆惶遽潰走。當於二月十三日將永涪縣城收復。所有出力員弁紳團傷亡勇練。准其查明分別奏請獎卹。逆首孫芒廣梁安邦。率其餘黨。遁聚那檀山澤兩巢。必須趕緊進剿。著張凱嵩督飭劉坤一等分道進攻。務將首要各逆悉數殲除。毋留餘孽。永涪地方甫復。一切善後事宜。並著飭屬認真妥辦。梧州府屬土匪霍十八。勾結東西兩省邊境匪徒。蔓延容藤岑溪一帶。蔣澤春等軍

會集鄉團。疊次進剿。頗有斬擒。見在西省大軍已集東省。曾敏行一軍。亦已越境攻剿。著張凱嵩飭令蔣澤春會合東省官軍。分路進攻。馮子材此時計早抵信羅之交。著瑞麟郭嵩燾催令該提督嚴檄曾敏行等實力進剿。鎮安府匪股紛紜。署知府與福等集團剿辦。斃賊多名。匪勢漸蹙。仍著飭令該署知府督飭鄉團。認真防剿。一面飭令劉坤一俟南甯軍務稍鬆。迅撥勁旅。乘勝掃蕩。楊廷桂一軍。進剿貴州黎平髮逆。暫駐永從。專待楚黔兩省之兵。會合進攻。著勞崇光張亮基李瀚章石贊清嚴飭派出各軍。迅速前進。合力進攻。見在廣西援黔一軍。餉需積欠甚多。自應速籌接濟。著李瀚章石贊清將原撥廣西協餉。迅速撥解。儻不能如數籌款。即著按月解足五千兩。源源接濟。甲子。諭駱秉章奏分剿黔滇股匪。疊次獲勝。並胡中和辭免總統諸軍各摺片。據稱黔中連城告陷。較之滇省尤屬危急。擬俟階州踞逆殄平。即先抽調兵勇。會同劉嶽昭攻剿黔邊賊匪。以鬆川東之防。始能移撥唐友耕等所部赴滇。所籌自係實在情形。即著嚴檄在防諸軍。慎固封守。毋令黔滇竄匪。復行闖入。胡中和未便總統諸軍。前據該督奏到。業經諭令照所請辦理。階州踞逆爲諸軍四面圍剿。其勢已蹙。見因糧食將罄。偷造木筏。圖由河道逃竄。正宜檄飭各軍。乘賊因乏。

東華錄學要

卷一百一 同治四年

十七

商務印書館印行

聚而殲。並著駱秉章檄飭階州諸軍。協力齊心。將階城踞匪。悉數就地殄除。毋任紛竄。如蕭慶高等軍已數剿辦階州之匪。毋庸胡中和在彼聯絡。即可飭令回剿。紮南一帶。著駱秉章妥籌辦理。夏四月。丁卯。署漕運總督兵部右侍郎彭玉麟奏請開署缺。並本缺專辦水師事務。得旨。彭玉麟著准其開漕運總督署缺。所有長江水師善後應辦事宜。仍著該侍郎妥爲料理。己巳。諭雷正綰奏。官軍攻克黑城子賊巢。收復鹽茶廳城一摺。據稱官軍攻克固原後。由何家溝等處進攻。與張集馨等所部合圍。黑城子連日疊有斬擒。三月十五日。各軍分路環攻。當將黑城子老巢攻拔。並擒斬逆首黑虎等多名。曹克忠一軍。移營進偪鹽茶廳城。連日將由元套子塘赴援之馬三混等賊隊擊敗。乘勝直抵城下。三月十七日。曹克忠親督馬隊力攻南門。施放噴筒火箭。先將南門燒毀。各軍梯綆登城。擒斬逆首田成吉等多名。遂將廳城克復。餘逆見踞李旺堡同心城及何家堡一帶。著雷正綰會同曹克忠督飭各軍。迅將李旺堡等處匪巢。次第掃蕩。進規靈州。即與都興阿等聯絡進取。惟據都興阿奏稱。逆回犯擾鹽場堡花馬池等處。圖截官軍糧道。當經諭令雷正綰撥兵援應。見在黑城子等既經攻克。該逆被剿窮蹙。設鋌而走險。與甯夏匪徒勾結。都興阿

等營後路兵力較單。若該逆乘閒滋擾。則所關實非淺鮮。雷正綰務當酌度緩急。分撥弁兵。馳赴定邊花馬池一帶。遏賊奔突。爲都興阿後路聲援。都興阿穆圖善卽懷遵前旨。激勵諸軍。將甯夏漢城攻拔。卽可騰出兵力。交穆圖善統帶。先解肅州之圍。規復嘉峪關。以通赴新疆各城之路。前經諭令陶茂林。如酌撥營營扼紮安會。足資控制。卽帶所部馳赴肅州甘郡一帶剿賊。仍著都興阿雷正綰等與陶茂林恩麟會籌迅辦。並著雷正綰飭魏添應之軍嚴防環慶。兼飭張集馨等軍迅規河狄。以杜匪蹤。紛擾。陷州匪勢已蹙。著劉蓉飭陝甘授師。與川軍迅圖克復。以便分兵赴甘定邊一帶州縣。並著劉蓉飭令該地方官妥籌布置防守。嚴遏東竄賊勢。毋稍疏虞。以張之萬署河東河道總督。調吳昌壽爲河南巡撫。以鄭敦謹爲湖北巡撫。裁

湖北漢口鎮遊擊員缺。增副將一。移道士泚都司於漢口。並撥馬步兵丁二百二十名。改設道士泚守備一。予周臣散宜生北魏臣高允從祀歷代帝王廟。甲戌。

諭軍機大臣等。都興阿等奏肅州西甯大通等處緊急情形。請催各路援軍赴甘。暨請飭慶陽糧臺籌撥餉銀。請調劉廷鑑差遣各摺片。楊岳斌奏行抵襄陽。遵馳赴甘一摺。靖遠固原匪黨。分股北竄。甯郡賊黨復增。屢犯平羅洪廣營及磴口糧路。在在

城虞。肅州嘉峪關。旣被回匪占踞。恆齡成桂均經受傷。口外玉門敦煌。亦有回匪變亂之信。肅東百餘里外。賊勢猖狂。撫彝回匪滋擾。甘州城內叛亂。大通失守。永昌亦有回氣。非但關內外音信不通。而肅州一帶賊匪。又復駸駸東犯。甯夏軍事諸多掣肘。若非厚集兵力。分路援應。西陲大局。何堪設想。雷正綰所部。自攻克黑城子收復鹽棊後。軍威尙振。據奏已派數營赴安會一帶。替出陶茂林十數營。赴肅甘等處進剿。當經諭令照辦。並令分兵兼顧甯夏後路。並傳諭曹克忠兼顧安會矣。茲覽都興阿等所奏。攻城正在喫緊。而援賊麇集。分擾平羅寶豐等處。意圖牽掣。是賊擾後路情形更緊。卽著雷正綰等懷遵昨日諭旨。安速籌辦。都興阿等仍當穩慎進取。妥籌防範。據都興阿等奏肅東百餘里外賊勢猖狂。時有東竄之警。情形亦關緊要。陶茂林帶兵西進後。卽著雷正綰飭令派赴安會等處員弁。與曹克忠督同陶茂林留靖遠各營。嚴密扼紮。截其東竄之路。以免蔓延。並著恩麟派軍隨同陶茂林進攻甘郡。肅州。毋稍延緩。鶴齡一軍。見在行抵何處。著駱秉章查明催令前進。迅赴肅州。鮑超之軍。是否已有成數。著催令趕緊赴甘。以厚兵力。甘涼肅連番告警。嘉峪關又被匪踞。情形危急萬分。成祿聯捷。均係西路大臣。必須設法先清關內。再圖整旅出關。疊

經降旨嚴催。著該大臣等星夜西發。不得片刻遲延。致干咎戾。乙亥。諭傳諭署福建臺灣鎮總兵官曾元福臺灣道丁曰健。丁曰健奏督軍搜拏巨匪。並查辦善後安籌防海及擒獲嘉義逆首等正法各摺片。臺灣彰化內山匪黨。前經丁曰健督軍剿辦。將洪欉等股踞逆。悉數殲除。臺灣一律安定。見復嚴督各軍。分路搜剿。將著名股首莊明得廖阿螺及洪欉之胞兄洪狗等擒獲。其潛匿平林山頂之悍賊洪花。亦經官軍用槍刺斃。其妻李氏身受銃傷。均臬取首級示衆。復將草田莊等賊巢攻破。獲匪多名。並擒獲羅務等匪黨。均先後訊明正法。嘉義匪首嚴辦。亦經曾元福派除殲斃。獲黨多名。剿辦尚屬認真。著曾元福丁曰健查明所獲要犯洪狗洪花等是否的係正身。不得稍涉含混。其在逃之要犯陳鱗及零散餘匪。並著督飭地方文武員弁團勇。分路搜拏。據丁曰健奏稱賊黨四處逃匿。未便屯兵糜餉。自應量爲裁撤。即著酌酌情形。隨時遣撤。仍酌留兵勇。將潛匿之匪實力搜捕。以期淨盡。漳州賊匪未平。深恐勾結渡臺。爲入海之計。著曾元福丁曰健仍遵前旨。於海口要隘。妥籌防範。毋令闖入臺地。所有斬獲嘉義股首嚴辦等出力人員。著曾元福等查明保奏。以福建臺灣全境肅清。賞道員丁曰健布政使銜。總兵曾元福提督銜。丁丑。諭軍

機大臣等。勞崇光張亮基奏苗匪闖入玉屏。經楚黔官軍會同克復。及收復天柱。剿辦思南府屬教匪各摺片。黔省下游苗匪。自昭天柱後竄擾思州青谿一帶。復襲陷玉屏。經周洪印督率楚師。與葛梁治所派鄉團會同進剿。當將縣城收復。惟教匪土匪。尚有零星小股盤踞思州府屬後山洞。著勞崇光等督令陳昌運派軍實力剿洗。毋任蔓延。此次玉屏失陷。湖南總兵田宗揚及團首吳遇隆等均帶兵練駐紮西北門外。何以並不援應。乃稱各軍分投進剿。正在籌剿。該匪緣梯而上。遂入縣城。情節殊爲情慘。著勞崇光李瀚章等。嗣後務飭黔楚官軍聯絡一氣。不准稍分畛域。鎮遠府屬瓦寨等隘。俱爲苗匪出入要隘。湖南防邊各軍。畫疆自守。終不能杜賊竄越。著李瀚章酌酌情形。即飭各軍節節進屯。貴州境內之瓦寨長吉木樑濫洞各隘。以資扼守。庶於防楚援黔。均有裨益。李瀚章未到任以前。湖南防兵。著石贊清妥籌調度。張亮基身任封圻。亦當力圖振作。廓清疆圉。毋得徒恃客兵。致賊勢日形滋蔓。天柱踞逆。雖經陳昌運調派團勇。馳往會剿。該匪棄城而逃。著勞崇光等督飭陳昌運激勵士卒。相機痛剿。嚴守城隘。毋得再有疏虞。河西大堡及大小村教匪。分竄舒家渡官丹三尖堆等處。疊經兵勇擊敗回巢。著即嚴飭各軍。設法進取。將大堡大小村各

賊巢次第蕩平。戊寅。諭內閣。朕奉

慈安皇太后

慈禧皇太后懿

旨。恭親王著仍在軍機大臣上行走。毋庸復議政名目。以示裁抑。

壬午。諭。駱秉

章奏官軍攻剿滇黔各匪。疊獲大勝一摺。滇黔各匪。不可數計。時思竄擾川疆。雖經川省之兵。越境攻剿。連番獲勝。而川滇黔三省邊界。袤延既廣。防範稍疏。難免此擊彼竄。勞崇光身任兼圻。疊經諭令。迅赴滇境。督兵剿賊。著懷遠疊次諭旨。迅赴迤東。督飭在防兵勇。會同川軍。將各路逆匪。次第剪除。林鴻年亦當妥籌布置。馳往昭通。相機辦理。滇省地方糜爛有年。駱秉章務當督飭在防各將士。探蹤進剿。不可稍分畛域。劉嶽韶唐友耕所部各營。著駱秉章酌量添撥。黔省苗土各匪。蟻聚蜂屯。前據勞崇光等奏。包茅仙被獲。未知果否正身。當經諭令查明嚴拏。見在包才才等已被曾志友擒獲。正法。包茅仙下落如何。著勞崇光張亮基查明具奏。一面督飭黔省兵勇。將各逆匪實力掃蕩。以期早日廓清。駱秉章亦即飭令許蔭棠等暨秀山防兵。會同黔省各路兵練。分投截剿。迅殄鄰氛。以固邊圉。乙酉。諭。軍機大臣等。都興阿等奏。逆回勾結固原大股竄匪。官軍分投剿辦。大獲全勝。陣斬首逆一摺。固原竄逆。趨平羅寶豐。欲斷磴口糧路。都興阿等派隊迎擊。追斬僞帥馬生顏。殲斃餘逆甚多。

東華錄彙要 卷一百一 同治四年

二十一

商務印書館印行

甯夏踞逆。窺伺營盤。亦經擊退。其撲入磨石口之馬賊。經阿拉善親王貢桑珠爾默特派協理台吉阿布哩接仗。頗有斬獲。翁同書派令侍衛訥依楞阿等帶隊。由花馬池赴紅柳溝。途遇逆匪馬步多名。官軍衝殺。將賊截斷。刺殺僞平西王孫義寶。辦理均尚得手。寶豐平羅餘賊。尚恐不少。著都興阿穆圖善派隊搜殺。務將援賊掃除淨盡。力克甯夏府城。毋任再有勾結。阿拉善親王貢桑珠爾默特守卡殺賊奮勇可嘉。著都興阿先行傳旨嘉獎。仍著飭令嚴防各口。兼辦駝運。以濟軍需。俟靈甯一律肅清。定當渥膺懋賞。翁同書自委辦後路以來。竭力籌防。相機策剿。訥依楞阿甫經到防。即殲巨逆。均屬奮勉可嘉。仍著都興阿等督飭該員等認真防剿。未可始勤終怠。致誤戎機。雷正綰即懷遠前旨。迅攻靈州。力圖克復。以便與都興阿等會師甯夏。廓清北路。毋稍遷延。以甘肅黃河兩岸剿賊獲勝。殲斃首逆孫義寶。予委驍騎校永恰布等加賞有差。甯夏官軍剿賊大捷。以阿拉善親王貢桑珠爾默特協剿有功。傳旨嘉獎。己丑。賜崇綺等二百六十五人進士及第出身有差。閩浙總督左宗棠奏。遵查杭嘉湖漕額甚重。請按科則重輕統減三分之一。下部議。尋議原減數目過多。請於三十分中減去八分。從之。辛卯。諭。恩麟陶茂林奏。移營追剿賊匪。



疊獲大勝。克復鹽茶廳各摺片。並階州剿匪確情。紮營形勢。繪圖呈覽。一摺。恩麟所奏陶茂林一軍。暫駐中灘。將撲營之賊擊退。並將王家集賊巢攻克。其圍攻陶世貴等營之賊。亦經官兵兩次擊退。並經陶茂林督兵進攻。將羊營寨張家營齊家營三巢平毀。剿辦尙屬得手。狄河並撒拉各匪。句通洮岷各路夥黨。潛謀竄陷鞏昌。且狄河大股逆匪。傾巢而出。省城即不免動搖。所有省城防守事宜。恩麟自當嚴密布置。豫籌防範。惟肅甘兩郡及嘉峪關西甯等處。一片賊氛。若不早除。將來益難收拾。前經諭令雷正綰酌撥數營進紮會甯。以便替出陶茂林之軍。前赴肅甘進剿。著雷正綰仍遵前旨辦理。陶茂林俟雷正綰所撥兵勇到齊後。即統率所部。由狄河一帶。以次進剿。前赴肅甘。至西甯一帶情形。近日未據玉通奏報。仍著恩麟探明。隨時具奏。並著分派兵勇前往援應。不得專顧蘭州。置省外州縣於不問。鹽茶廳回匪。經曹克忠剿敗竄遁。都興阿穆圖善當飭令該總兵迅速進拔靈州。以期合兵剿平甯夏。毋稍遲延。至恩麟所奏階州進剿髮匪。尙係正月以前情形。前據駱秉章奏。陳自正月至三月間。攻戰軍情。賊勢漸蹙。舊城山壘賊衆出降。教場壩賊壘已經攻拔。惟隴家壩以南。尙有賊壘三座。城南尙有賊匪礮臺。若不先行攻克。則官軍爲所牽掣。勢難

東華錄 卷一百一 同治四年 二十一 商務印書館印行

嚴密合圍。其舊城壩賊壘六座。是否悉數剷除。並著恩麟查明具奏。階州城池究竟何時可克。並著駱秉章劉蓉恩麟檄飭在事諸軍。實力圍攻。尅期蕝事。不准再涉遷延。癸巳。諭內閣。國瑞奏官軍進剿髮捻。督師重臣遇伏力戰陣亡。見籌剿辦一摺。髮捻逆匪竄擾山東。由汶上縣之袁路口過河。竄至鄆城西北水套一帶。句結伏莽。糾約馬步數萬。勢甚兇悍。經僧格林沁督軍迎剿。將賊擊退。復督馬步進追。猝墮賊伏。該親王督率諸軍奮力衝突。斃賊甚夥。乃該逆恃衆層層包裹。僧格林沁於四月二十四日夜間衝出。又被該逆大股猛撲。在曹州城西力竭陣亡。欽差大臣科爾沁博多勒噶台親王僧格林沁。於咸豐三年間。督師剿賊。疊克臨清。連鎮馮官屯。高唐州等處。北路賴以肅清。嗣於十年間。整旅南征。轉戰直隸山東河南安徽湖北等省。掃蕩捻奸。殄除髮匪。擒斬巨逆張落利苗沛霖等。不可勝計。軍屢所至。衆望允孚。方期天監忠忱克竟全功。長承恩眷。乃猝遇賊伏。力竭陣亡。僧格林沁著賞給陀羅經被。照陣亡例。以親王飾終典禮。從優議卹。應得卹典。該衙門詳查具奏。任內一切處分。悉予開復。准其入城治喪。其靈柩回旗時。著沿途地方官妥爲照料。並派乾清門侍衛克興阿岳林恩全吉凌。迅即馳驛前往該營迎獲。賞給銀五千兩。由廣儲司

發給經理喪事。准其入祀京師昭忠祠。其死事地方及該親王出師省分均著建祠生前事功。宣付國史館立傳。伊子伯彥訥謨祜侯百日孝滿後。即著承襲親王。該衙門無庸帶領引見。伯彥訥謨祜所遺貝勒。即著賞給伊孫那爾蘇。以示篤念忠盡之至意。尋議上。賜祭葬。諡曰忠。命欽差大臣協辦大學士兩江總督曾國藩赴山東督師剿賊。以李鴻章暫署兩江總督。劉郁膏暫護江蘇巡撫。以主將戰歿未能救援。革將軍國瑞內閣學士恩承職。仍戴罪效力。山東巡撫閻敬銘布政使丁寶楨均下部嚴議。甲午。諭瑞麟郭嵩燾奏官軍越境規取詔安獲勝。見籌防剿情形。並信宜肅清擒獲首逆各摺片。福建賊匪自攻詔安。逼近粵境。經李福泰督率總兵黃朝恩等分路進剿。追至詔安城下。殺賊無數。見在漳逆盤踞苦竹將陽等處。並分黨進駐平和屬之轟溪。直逼金豐鄉饒平大埔兩城。勢均喫緊。李福泰見擬分兵三路。責成卓興翟國彥方耀。各分一路防守。柏嵩關楓朗老虎關等處。布置尙爲周密。即著瑞麟郭嵩燾迅催卓興馳赴潮防。與翟國彥方耀聯絡聲勢。互相策應。實力防剿。毋稍疏懈。粵省邊防既固。婁雲慶一軍。即可爲遊擊之師。仍著催提前進。視賊勢趨重何處。即飭迎頭截擊。遏其西竄之路。詔安雲霄平和等城。均與粵省毗連。瑞麟

郭嵩燾仍當督飭李福泰等酌度情形。如兵力有餘。即行分軍越剿。相機規復。不得徒以株守本境爲了事。閩省各路防軍。兵力尙厚。左宗棠前奏調派劉明燈等馳赴安溪。該督帶親兵由省進剿。即著督飭諸軍。實力痛剿。迅殄逆氛。惟該逆被官軍兜圍。勢必急思鋌走。一經竄入他處。又成不了之局。正宜乘此賊未竄動之際。一面嚴飭各軍圍困漳郡。牽綴賊勢。一面分兵先將平和雲霄詔安等城。設法規復。翦其羽翼。然後將漳州之賊。合力兜剿。必可聚而殲旃。均著左宗棠徐宗幹相機妥籌辦理。信宜一帶賊匪。經副將會敏行等進剿。先後斃匪數千。並將首逆李河壩等擒斬。信宜境內肅清。剿辦尙屬奮勉。仍著瑞麟等飭令地方文武搜捕餘黨。加意嚴防。毋令西匪再行闖入。見在西江既已肅清。馮子材即行馳赴廣西提督本任。著瑞麟等傳知該提督馳抵西省後。將該省各股賊匪。迅籌掃蕩。用副委任。調吉林黑龍江馬隊五百名。赴直隸軍營。

